



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

1866


ՊՍԵՏ

ՀՈԳԵԻՐ

243

ՊԱՐՏԷՁ

Պ-ՅԶ ՈՔԵԻՈՐ



ՅՈՐՈՒՄ ՊԱՐՈՒՆԱԿԻՆ

ՊԷՍ ՊԷՍ ԲԱՆՔ

ՀՈՔԵՇԱՐԺ ԱՂՕԹԻՅ

ԵՒ ԽՆԴՐՈՒԱԾՔ

ՀԱՇՏԵՑՈՒՑԻԶՔ ԱՍՏՈՒԾՈՅ

ՅԱՂՕԹԱՄԱՏՈՅՑ ԳՐՈՅ

ԵՐԱՆԵԼԻ ՎԱՐԳԱՊԵՏԱՅ

ՆԱԵԻ

ՊԱՏՄՈՒԹԻՒՆ ՎԱՐՈՒՅ

ՍՐԲՈՅՆ ԿԻՊՐԻԱՆՈՍԻ

Եպիսկոպոսի



Կ. ՊՕԼԻՍ

ԳՐԱՏՈՒՆ ՓԱՐԻԶՈՒ

1866

Կ. ՊՕԼԻՍ — ՏՊԱԳՐ. ԱՐԱՄԵԱՆ

Ուղակի-Զարթ փող. Շերիճ-Փաւա խան. թիւ 13.

289-ԱՐ

Ի ՊԱՏՐԻԱՐՔՈՒԹԵԱՆ

Տ. ՊՕՂՈՍԻ

ԱՐՔԵՊԻՍԿՈՊՈՍԻ



38903-67

1874 արժ 4 Տարած Տր

Հարցար Տարած արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ

արժ արժ արժ արժ արժ արժ




ԱՂՕԹԻ ԱՌԱՒՕՏԵԱՆ

## ԻՐԱՔԱՆՉԻՒՐ ԱՒՈՒՐ



Յակուռն հօր եւ որդւոյ եւ հոգւոյն արքոյ  
ամէն.

Հայր մեր որ յերկինս, սուրբ եղիցի  
անուն քո. եկեացէ՛ արքայութիւն քո.  
եղիցին կամք քո որպէս յերկինս եւ  
յերկրի. զհաց մեր հանապազօրոյ սուր  
մեզ այսօր. Թող մեզ զպարսիս մեր՝  
որպէս եւ մեր Թողումք մերոց պարսա-  
պանաց. եւ մի՛ սանիր զմեզ ի փորձու-  
թիւն. այլ փրկեա՛ զմեզ ի չարէ. զի քո  
է արքայութիւն եւ զօրութիւն եւ փառք  
յաւիտեանս յաւիտենից. ամէն :



Տէր՝ եթէ զշրթունս իմ բանաս  
բերան իմ երգեսցէ զօրհնու-  
թիւնս քո :

Տէր՝ եթէ զշրթունս իմ բանաս,  
բերան իմ երգեսցէ զօրհնու-  
թիւնս քո :

Օրհնեալ համազոյ և միասնա-  
կան անբաժանելի սուրբ Երրոր-  
դութիւն՝ Հայր և Արդի և Հոգի  
սուրբ այժմ և միշտ և յաւի-  
տեանս յառիտեանից . ամէն :

ՍԱՂՄՈՍ Գ. 2Է. ձԷ. ձԲ. ձԽԲ.

Տէր՝ զի բազում եղեն նեղիչք  
իմ, և բազումք յարեան ի վե-  
րայ իմ :

Բազումք ասէին զանձնէ իմմէ,  
թի՛ւ չիք փրկու թիւն սորա առ  
Աստուած իւր :

Այլ դու Տէր օգնականս իմ ես,  
փառք իմ և բարձրացուցիչ  
զլիսոյ իմոյ :

Չայնիս իմով ես առ Տէր կար-  
գացի, և լուաւ ինձ ի լեռնէ  
սրբոյ իւրմէ :

Ես ննջեցի և ի քուն եղէ. դար-  
թեայ և Տէր ընդունելի իմ է :

Ոչ երկեայց ես ի բխրաւոր զօ-  
րաց նորա, ոյք շուրջանակի սր-  
տեալ պաշարեալ պահէին զիս :

Արի Տէր և փրկեա զիս Աստ-  
ուած իմ, զի դու հարկեր զամենե-

սեան ոյք էին ընդիս թշնամու-  
թեամբ ի տարապարտուց և զա-  
տամունս մեղաւորաց փշրեացեալ  
Տեառնդ է փրկու թիւն ի վերայ  
ժողովրդեան քո օրհնու թիւն քո:  
Տէր Աստուած փրկու թեան ի-  
մոյ, ի տուէ կարգացի և գիշերի  
առաջի քո:

Մտցեն աղօթք իմ առաջի քո  
Տէր, խոնարհեացի ունկն քո ի  
խնդրուածս իմ:

Ձի լցաւ շարշարանօք անձն իմ,  
և կեանք իմ ի դժոխս մերձեցան,  
և համարեցայ ես ընդ այնոսիկ  
որք իջանեն ի գուբ:

Եզէ ես որպէս մարդ առանց  
օգնականի, և ի մեռեալս ազատ:  
Որպէս զվիրաս որս, որք ննջեն  
ի գերեզմանս:

Ձորս դու ոչ յիշեցեր, նոքա ի  
ձեռանէ քումմէ մերժեցան:

Եզին զիս ի գրի ներքնումն, ի  
խառարի և ի սառերս մահու:  
Յիս հաստատեցաւ օրտմտու-  
թիւն քո, զամենայն դրօսանս  
քո ամեր ի վերայ իմ:

Հեռի արարեր յինէն զծանօթս  
իմ, և եզին զիս նշաւակ իւրեանց:  
Մատնեցայ ես ոչ ելանէի, աչք  
իմ տկարացան յաղքատութենէ:  
Աղաղակեցի առ Տէր զօրհանա-  
պագ, և համբարձի առ բեզ  
զձեռս իմ:

Մի թէ մեռելոց առնիցես դրօ-  
քանչե լիս քո, կամ բժիշկք յա-  
րուցեալ խոստովան առնիցին  
առ բեզ:

Մի թէ պատմեացէ որ երբէք ի  
գերեզմանի զողորմութիւնս քո,  
կամ զնշմարտութիւնս քո ի  
կորստեան:

Մի թէ համաչիցին ի խառարի



սքանչե լիք քո, կամ արդարու-  
թիւն քո յերկիր մոռացեալ:  
Ես առ քեզ Տէր ազադակեցի,  
առաւօտու ազօթք իմ ժամա-  
նեսցեն առ քեզ:

Ընդէր Տէր մերժես զանձն իմ,  
կամ դարձուցանես զերեսս քո  
յինէն:

Տեսնի ե վաստակաւոր եմես ի  
մանկութենէ խմէ, ի բարձրու-  
թենէ խոնարհեցայ ե ափշեցայ:  
Յիս հաստատեցաւ բարկութիւն  
քո, արհաւիրք քո խռովեցու-  
ցին զիս:

Շրջեցան զինև որպէս ջուր, զօր  
ամենայն սաշարեցին զիս ի  
միասին:

Հեռի արարեր յինէն զբարե-  
կամս իմ ե զճանօթս իմ՝ վասն  
թշուառութեան իմոյ:

Օրհնեա՛ անձն իմ զՏէր ե ամե-

նայն ոսկերք իմ զանուն սուրբ  
նորա:

Օրհնեա՛ անձն իմ զՏէր, ե մի մո-  
ռանար զամենայն տուրս նորա:

Ո քաւէ զմեզս քո, բժշկէ զա-  
մենայն հիւանդութիւնս՝ քո:

Ո փրկէ յապականութենէ ըզ  
կեանս քո, պսակէ զքեզ ողոր-  
մութեամբ ե զթութեամբ:

Ո լնու ի բարութենէ զցանկու-  
թիւն քո նորոգեսցի որպէս  
արձույ մանկութիւն քո:

Առնէ ողորմութիւն Տէր, ե  
իրաւունս ամենայն զրկելոց:

Եցոյց Տէր զճանապարհս իւր  
Մովսէսի, ե որդւոցն Իսրայելի  
զկամս իւր:

Քթամ՝ ողորմամ է Տէր, երկայ-  
նամիտ ե բազումողորմ:

Ոչ խալառ բարկանայ մեզ Տէր,  
ե ոչ յաւիտեան պահէ սխս:

Ոչ ըստ մեղաց մերոց արար  
մեզ Տէր, և ոչ ըստ անօրէնու-  
թեան մերում հատոյց մեզ:  
Այլ որպէս բարձր են երկինք  
յերկրէ, այնպէս զօրացոյց Տէր  
զողորմութիւնս իւր ի վերայ եր-  
կիւզածաց իւրոց:

Որչափ հեռի են արևելք յարեւ-  
մտից, այնչափ հեռի արար ի  
մէնզ զանօրէնութիւնս մեր:

Որպէս գթայ հայր ի վերայ  
որդւոց իւրոց, այնպէս գթասցի  
Տէր յերկիւզածս իւր:

Զի նա զիտաց զատեղծուածս  
մեր և յիշեաց թէ հող եմք:

Մարդոյ որպէս խոտոյ են ա-  
ւուրք իւր, որպէս ծաղիկ վայրի  
այնպէս ծաղկի:

Ենչէ ի նմա հողմ և ոչ է, և ոչ  
ևս երևի տեղի նորա:

Բայց ողորմութիւն տեառն մնայ

յաւիտեանս յաւիտենից ի վերայ  
երկիւզածաց իւրոց, և արդա-  
րութիւն նորա յորդւոց մինչև  
յարդիս:

Ոյք պահեն զուխտս նորա, յի-  
շեն զպատուիրանս նորա և  
առնեն զնա:

Տէր յերկինս պատրաստեաց  
զաթոռ իւր, արքայութիւն  
նորա ամենեցուն տիրէ:

Օրհնեցէք զՏէր ամենայն հրեշ-  
տակք նորա, հզօրք զօրու-  
թեամբ՝ ոյք առնէք դբան նորա՝  
ի լսել ձայնի պատգամաց նորա:

Օրհնեցէք զՏէր ամենայն զօրու-  
թիւնք նորա, պաշտօնեայք և  
արարողք կամաց նորա:

Օրհնեցէք զՏէր ամենայն զործք  
նորա, զի ընդ ամենայն տեղիս  
է տէրութիւն նորա, օրհնեա  
անձն իմ զՏէր:

Տէր լուր աղօթից իմոց, ունին  
դիր խնդրուածաց իմոց և շմար-  
տութեամբ քով:

Լուր ինձ արդարութեամբ քով  
և մի մտանէր ի դատաստան  
ընդ ծառայի քում, զի ոչ ար-  
գարանայ առաջի քոյ ամենայն  
կենդանի:

Հարածեաց թշնամին զանձն իմ,  
խոնարհ արար յերկիր զկեանս  
իմ, և նստոյց զիս ի խաւարի  
որպէս մեռեալ յաւիտենից:

Չանձրացաւ յիս հոգի իմ և սիրտ  
իմ խռովեցաւ յիս:

Յիշեցի զաւուրսն զառաջինս,  
խորհեցայ ամենայն գործս քո.  
յարարածս ձեռաց քոց խորհե-  
ցայ' և համբարձի առ քեզ ըզ  
ձեռս իմ:

Անձն իմ որպէս երկիր ծարաւ ի  
է առ քեզ, վաղվաղակի լուր

ինձ Տէր զի նուազեցաւ յինէն  
հոգի իմ:

Մի դարձուցանէր զերեսս քո  
յինէն, նմանիցիմ այնոցիկ ոյք  
իջանեն ի գուր:

Լսելի արա ինձ առաւօտու զո-  
ղորմութիւնս քո, զի ես ի քեզ  
Տէր յուսացայ:

Յոյց ինձ ճանապարհ յոր և գնա-  
ցից, զի առ քեզ Տէր համբարձի  
զանձն իմ:

Փրկեա զիս ի թշնամեաց իմոց  
Տէր, զի զքեզ տալաւէն ինձ  
արարի:

Ուսո՞ ինձ առնել զկամս քո, զի  
դու ես Աստուած իմ:

Հոգի քո բարի առաջնորդեսցէ  
ինձ ի յերկիր ուղիդ:

Վասն անուան քում Տէր կեցու-  
ցես զիս, արդարութեամբ քով  
հանցես ի նեղութենէ զանձն իմ:

38903-67


Ազորմու թեամբ քով սատակեալ  
զթշնամիս իմ, և կորսն գամե-  
նայն նեղիչս անձին իմոյ, զի էս  
ճառայ քո էմ:



Փառք քեզ Աստուած արթուն  
բնու թիւն, որ ոչ երբէք ննջես  
սրահապանդ Բարայելի: Ար յան-  
ման պաշտօնէից քոց՝ իմացա-  
կան ճայնիւ անդադար օրհնա-  
բանիս: Ար և զիս զհոգեզէն  
ճառայս քո յանձնեցեր ի սրահ-  
պանու թիւն նոցա, և կարգեցեր  
քնածու բնութեանս՝ գարթուն  
ճառայս ի խնամակարտ թիւն:  
Զորս և շնորհեցեր թմբեցելոյս  
ճայնատու և դարթուցիչ իբրև  
զգիշերային խօսնակս, կանխել  
ի փառարանու թիւն անուան քո  
սրբոյ, զի և ի հոգեզինացս հա-

ճեցար առնուլ զօրհնու թիւն,  
Գոհանամ զքէն անմատչելի լոյս  
սուրբ Երրորդու թիւն, որ զիս  
ազատեցեր ի խաւարագնաց դի-  
ւաց՝ ի թշնամեաց փրկու-  
թեանս իմոյ, և ընդ արթուն  
բնու թիւն հրեշտակացդ՝ օրհ-  
նարանակից քեզ արարեր: Զինչ  
տաց քեզ տրիտուր և փոխանակ  
բարերարու թեանդ Տէր իմ,  
կեանք իմ, լոյս իմ, և ազբիւր  
ամենայն բարեաց, եթէ ոչ ըզ  
կեանս իմ՝ զոր ետուր և շնորհե-  
ցեր ինձ ի գիշերիս յայսմիկ, քեզ  
նու իրեցից ի մշտնջենաւոր և յան  
դադար փառարանու թիւն: Թէ-  
պէտ չեմ բաւական ըստ արժան-  
եաց փառաց քոց օրհնել զքեզ:  
Արդ՝ որպէս հրեշտակաց քոց  
տաս նոր ի նորոյ զգանազան  
կերպ զքեզ օրհնելոյ՝ և երեք-

սրբենիւ փառաբանելոյ, տնւր  
 և ինձ աղաչեմ զքեզ՝ արթնու-  
 թիւն մտաց, նոր օրհնութեամբ  
 զնորոգիչդ կենաց իմոց բարե-  
 բանել: Դու Տէր՝ և զառաւօտս  
 խաղաղութեան մինչև ցերեկոյ  
 շնորհեա՛ն ինձ առանց փորձա-  
 նաց անցուցանել, որ խնդրեմս  
 զարքայութիւն քո ի սկզբան  
 ամենայն խնդրուածաց իմոց:  
 Տէր երկնի և երկրի, և հրամա-  
 յող ծովու և ցամաքի, դու և  
 զայլ բարիս բնութեան՝ շնոր-  
 հաց և փառաց ողորմութեամբ  
 քով պարգևեա՛ն ինձ, և արդար  
 վաստակոյ յաւուրս յայսմիկ  
 արժանի արա. որով և կարիք  
 իմ և իմոցս լցցին, և ազքատք  
 ի փշրանաց սեղանոյ մեծատանդ  
 յազեացին. և օրհնեսցին զքեզ  
 այժմ և յաւիտեանս. ամէն:



### ՀԱՆԳԱՆԱԿ ՀՍԻԱՏՈՅ

Հաւատամք ի մի Աստուած,  
 Հայրն ամենակալ, յԱրարիչն  
 երկնի և երկրի, երեւելեաց և  
 աներևութից: Եւ ի մի Տէր Յի-  
 սուս Քրիստոս յՈրդին Աստու-  
 ծոյ, ծնեալն յԱստուծոյ Հօրէ  
 միածին, այսինքն յէութենէ  
 Հօր: Աստուած յԱստուծոյ, լոյս  
 ի լուսոյ, Աստուած ճշմարիտ՝  
 յԱստուծոյ ճշմարտէ, ծնունդ՝ և  
 ոչ արարած: Նոյն ինքն ի բնու-  
 թենէ Հօր, որով ամենայն ինչ

եղև յերկինս և ի վերայ երկրի՝  
երևելիք և աներևոյթք:

Որ յաղագս մեր մարդկան և  
վասն մերոյ փրկութեան իջեալ  
յերկնից մարմնացաւ, մարդա-  
ցաւ, ծնաւ կատարելապէս ի  
Մարիամայ սրբոյ Վուսէն՝ Հոգ-  
ւովրն սրբով: Որով էստ զմար-  
մին, զհոգի և միտ և զամենայն  
որ ինչ է ի մարդ, Եւ մարտա-  
պէս՝ և ոչ կարծեօք:

Չարչարեալ, խաչեալ, թա-  
ղեալ, յերրորդ աւուր յարու-  
ցեալ, ելեալ ի յերկինս նովին  
մարմնովն նստաւ ընդ աջմէ Հօր:  
Գալոց է նովին մարմնովն և  
փառօք Հօր՝ ի դատել զկենդա-  
նիս և զմեռեալս, որոյ թագա-  
ւորութեանն ոչ զոյ վախճան:  
Հաւատամք և ի սուրբ Հոգին  
յանեղն և ի կատարեալն, որ


խօսեցաւ յօրէնս և ի մարգարէս  
և յԱւետարանս, որ էջն ի Յոր-  
դանան, քարոզեաց զԱռաքեալն  
և բնակեցաւ ի սուրբսն:

Հաւատամք և ի մի միայն ընդ-  
հաներական և առաքելական ե-  
կեղեցի, ի մի մկրտութիւն, յա-  
պաշխարութիւն, ի քառութիւն  
և ի թողութիւն մեղաց: Եւ յա-  
րութիւնն մտելոց, ի դատաս-  
տանն յախտենից, հոգւոց և  
մարմնոց, յարքայութիւնն երկ-  
նից, և ի կեանսն յախտենա-  
կանս:

Իսկ որք ասեն՝ էր երբեմն յոր-  
ժամ ոչ էր Որդին, կամ էր երբե-  
մըն՝ յորժամ ոչ էր սուրբ Հոգին,  
կամ թէ յոչէիցեղեն, կամ յայլմէ  
էութենէ ասեն լինել զՈրդին  
Աստուծոյ և կամ զսուրբ Հոգին.

և թէ փոփոխելիք են կամ այ-  
լայլելիք, զայնպիսիսն նզովէ  
կաթուղիկէ և առաքելական  
Նկեղեցի :

Ի Սրբոյ Հուսարչէն մերմէ ասացեալ  
Իսկ մեր փառաւորեացուք որ  
յառաջ քան զյաւիտեանս, եր-  
կիր պագանելով սրբոյ Նրբոր-  
դութեանն և միոյ Աստուածու-  
թեանն Հօր և Արդւոյ և Հոգւոյն  
սրբոյ, այժմ և միշտ և յաւիտե-  
անս յաւիտենից. ամէն :



Փառք ի բարձունս Աստուծոյ՝ և  
յերկիր խաղաղութիւն, ի մար-  
դիկ հաճութիւն : Օրհնութիւն  
քեզ ի բարձունս. օրհնեալ ես  
Տէր Աստուած մեր. օրհնեմք  
զքեզ, և զովեմք զքեզ : Աստու-  
վանիմք Տէր զքեզ, և երկիրպա-

զանեմք բեզ. փառաւորեմք բեզ.  
զոհանամք Տէր զբէն փասն մեծի  
փառաց բոց:

Տէր թագաւոր սուրբդ երկնա-  
յին՝ Աստուած և Հայր ամենա  
կալ: Տէր և Որդի Հօր միածին  
Յիսուս Քրիստոս և սուրբ Որդի  
Տէր Աստուած զառն Աստուծոյ  
և Որդի Հօր, որ առեր զմերս ի  
կուսէն: Ողորմեցար բարձեր  
զմերս աշխարհի, և արդ ընկալ  
զազաչանս մեր:

Սուրբդ որ նստիս ընդ ազմէ  
Հօր՝ ողորմեաց մեզ: Զի դու  
միայն սուրբ, դու միայն բար-  
ձրեալ ես. դու միայն Տէր մեր  
Յիսուս Քրիստոս: Տէր և հոգիդ  
սուրբ որ ի փառս Աստուած  
ընդ Հօր. ամէն:

Եւ յամենայն ժամ օրհնեմք ըզ  
բեզ, և զովեմք զանուն սուրբ  
քո յաւիտեան և յաւիտեանս  
յաւիտենից: Արժանի արա Տէր  
զօրս զայս խաղաղութեամբ, և  
առանց մեղաց պահեալ զմեզ:  
Օրհնեալ ես Տէր Աստուած հար-  
ցըն մերոց, զովեալ և փառա-  
ւորեալ է անուն սուրբ քո յա-  
ւիտեանս. ամէն:

Օրհնեալ Տէր ուսն ինձ զարդա-  
րութիւնս քո. օրհնեալ Տէր ուսն  
ինձ զարդարութիւնս քո. օրհ-  
նեալ Տէր ուսն ինձ զարդարու-  
թիւնս քո: Տէր ապուէն եղեր  
մեր յազգէ յազգ: Ես ազաչեմ  
Տէր ողորմեա ինձ, և բժշկեա  
զանձն իմ, ես մեղայ բեզ: Յոյց  
մեզ Տէր զողորմութիւնս քո, և  
զփրկութիւնս քո տուր մեզ:  
Տէր ողորմութիւն քո յաւիտեան



զգործս ձեռաց քոց մի անտես  
առներս

Տէր իմ զքեզ ապաւէն ինձ արա-  
րի ուսն ինձ առնել զկամս քո,  
զի դու ես Սասունս իմ:

Ի քէն է Տէր աղբիւր կենդանու-  
թեան, և լուսով երեսաց քոց  
տեսանեմք զլոյս: Ծագեա՛ զո-  
ղորմու թիւնս քո՛ որք ճանաչեն  
զքեզ Տէր:





ԱՂՕԹԻ

**ՀԱՆԳՍՏԵԱՆ ՎՍՄՈՒՆ**

Յանուռն Հօր եւ Որդւոյ եւ Հոգւոյն սրբոյ  
ամեն

Հայր մեր որ յերկինս :

**Ս**ուտրեան Տէր զլոյս քո եզերչ-  
մարտո թիւն քո, զի առաջնոր-  
դեացեն ինձ եւ հանցեն զիս ի  
լեառն սուրբ եւ ի յարկս քո :  
Մտից առաջի սեղանոյ Աստու-  
ծոյ առ Աստուած, որ ուրախ  
առնէ զմանկո թիւն իմ :  
Սոստաժան եզեց քեզ օրհնու-  
թեամբ Աստուած Աստուած իմ :

Արդ ընդէր տրտում ես անձն  
իմ, կամ ընդէր խոռվես զիս.  
յուսա առ Աստուած, խոստո-  
վանեա նմա՝ փրկիչ երեսաց  
իմոց Աստուած է:

Փառք Հօր և Արդւոյ և:

Եւ եւս խաղաղութեան զՏէր առ  
Օրհնութիւն և փառք Հօր և  
Արդւոյ և Հոգ:



ՍԱՂՄՈՍ ձԺԸ. Դ. ձԻԲ. ԾԳ.

Եկեսցէ ի վերայ իմ ողորմու-  
թիւն քո Տէր, և փրկութիւն քո  
ըստ բանի քում:

Տաց պատասխանի ոյք նախա-  
տեն զիս բանիւք, զի ես ի բանս  
քո յուսացայ:

Մի ի բացեայ առներ ի բերա-

նոյ իմմէ զբան ճշմարտու-  
թեան մինչև յոյժ, զի յիրառու-  
նքս քո յուսացայ:

Պահեցի զօրէնս քո յամենայն  
ժամ, յաւիտեան և յաւիտեանս  
յաւիտենից:

Գնայի ես յանդորրու, զի ըզ  
պատուիրանս քո խնդրեցի:  
Սօսէի զվկայութիւնս քո առա-  
ջի թագաւորաց, և ոչ ամաչէի:  
Սորհէի ի պատուիրանս քո,  
զոր սիրեցի:

Համբարձի զձեռս իմ ի պատ-  
ուիրանս քո, զոր սիրեցի, և  
խորհէի յարգարութեան քում:  
Յիշեա զբան ծառայի քո՝ յոր  
և յուսացուցեր զիս:

Սա մխիթարեսցէ զիս ի խո-  
նարհութեան իմում, զի բան  
քո կեցոյց զիս:

Ամբարտաւանք անիրաւեցան

յիս յոյժ, այլ յօրինաց քոց ես  
ոչ խոտորեցայ:

Յիշեցի զիրաւունս քո յաւիտե-  
նից Տէր, և մխիթարեցայ:

Տրամուխիւն կալաւ զիս ի մե-  
ղաւորաց, և ոյք թողին զօ-  
րէնս քո:

Գովելի են ինձ իրաւունք քո  
ի տեղւոջ պանթխտութեան  
իմոյ:

Յիշեցի ի գիշերի զանուն քո  
Տէր, և պահեցի զօրէնս քո:

Սա եղև ինձ ճանապարհ ի  
կեանս, զի զարդարութիւնս  
քո խնդրեցի:

Զանօրէնս ատեցի, և զօրէնս  
քո սիրեցի:

Օգնական եւ փրկիչ իմ ես  
դու, եւ ես ի բանս քո յուսա-  
ցայ:

Ի բաց եղերուք յինէն չարք,

և քննեցից զպատուիրանս Աս-  
տուծոյ իմոյ:

Օգնեալ ինձ ըստ բանի քում և  
կեցո՞ զիս, և մի յամօթ առ-  
ներ զիս ի յուսոյ իմմէ:

Օգնեալ ինձ և ապրեցո՞ զիս, և  
խորհեցայց յիրաւունս քո յա-  
մենայն ժամ:

Անարգեցեր զամենեւեան՝ որք  
ապստամբ եղեն յարդարու-  
թեանց քոց, զի անիրաւու-  
թեամբ էին խորհուրդք նոցա:  
Յանցաւ որս համարեցայ զամե-  
նայն մեղաւորս երկրի. վասն  
այսորիկ սիրեցի զպատուիրա-  
նքս քո:

Բեւեռեալ ընդ երկիւղ քո զմար-  
մին իմ, զի ի դատաստանաց  
քոց երկեայց յոյժ:

Մերձեացին խնդրուածք իմ  
առաջի քո Տէր, ըստ բանի

քում խմաստուն արա զիս :  
Մտցեն աղօթք իմ առաջի քո  
Տէր , եւ բանիւ քո փրկեա  
զիս :

Բզխեացեն շրթունք իմ զօրհ-  
նութիւնս քո , յորժամ ուսու-  
ցես ինձ զարդարութիւնս քո :  
Սօսեացի լեզու իմ զբանս քո ,  
զի ամենայն սպասուիրանք քո  
արդարութեամբ են :

Եզիցի ձեռն քո ի կեցուցանել  
զիս , զի զսպասուիրանս քո  
ընտրեցի :

Յանկացայ փրկութեան քում  
Տէր , եւ օրէնք քո խօսք իմ էին :  
Կեցցէ անձն իմ , օրհնեացէ զքեզ  
և իրաւունք քո օգնեացեն ինձ :  
Մոլորեցայ ես իբրև ոչխար  
կորուսեալ , խնդրեա զճառայս  
քո , զի զսպասուիրանս քո ես  
ոչ մոռացայ :

Մի եկեացեն ի վերայ մեր ոտք  
ամբարտաւանից , եւ ձեռք մեղա-  
ւորայ մի դողացուցեն զմեզ :  
Անդ անկցին ամենեքեան ոյք  
զորձեն զանօրէնութիւն . մեր-  
ժեացին և այլ մի կարասցեն  
հաստատիլ :

Ես ի Տէր յուսացայ , ցնծացայց  
և ուրախ եղեց յԱստուած փրկ-  
կիչ իմ :

Տէր Տէր ետ ինձ զօրութիւն և  
կացոյց զոտս իմ ի հաստատու-  
թեան , ի վերայ սարանոցի  
թշնամւոյն կացոյց զիս , և հան-  
գոյց զիս երակ երակ :

Որ բնակեալն է յօգնութիւն  
բարձրելոյն , ընդ հովանեաւ Աս-  
տուծոյ յերկինս հանգիցէ :

Ասացէ Տեառն ընդունող իմ ես ,  
ազուէն իմ Աստուած և ես յու-  
սամ ի նա :

Նա փրկեսցէ զիս յորոգայթէ  
որսողին, և ի բանիցն ի խոռ-  
վութենէ :

Ի թիկնամէջս իւր ընկալցի ըզ-  
քեզ, ի հովանի թևոց նորա յու-  
սասցիս :

Որպէս զէն շուրջ եզիցի զքե՛  
նչմարտութիւն նորա :

Ոչ երկիցես դու յերկիւզէ զի-  
շերի, և ոչ ի նետէ՝ որ թռչի  
ի տուէ :

Յիրէ որ շրջի ի խաւարի . ի  
գայթակղութենէ դիւին ի հա-  
սարակ աւուր :

Անկցին ի կողմանէ քումմէ հա-  
զարք, և բիւրք ընդ աջմէ քում-  
մէ . և առ քեզ ինչ ոչ մերձեսցին :

Բայց միայն աչօք քովք հայես-  
ցիս դու, և զհատուցումն մեզա-  
ւորաց տեսցես, զի դու Տէր յոյս  
իմ ես :

Զբարձրեալն արարեր քեզ ա-  
պաւէն, զի ոչ հասցեն առ քեզ  
չարք, և տանջանք մի՛ մերձե-  
ցին ի յարկս չո :

Հրեշտակաց իւրոց պատուի-  
րեալ է վասն քո, ի պահել զքեզ  
յամենայն ճանապարհս քո :

Ի բազուկս իւրեանց ընկալցին  
զքեզ . զի մի՛ երբէք հարցես  
զբարի զոտն քո :

Ի վերայ իծից և քարբից գնաս-  
ցես դու . և առ ոտն կոխեսցես  
զառիւծն և զվիշապն :

Քանզի յիս յուսացաւ, և փրկ-  
կեցից զնա . հովանի եղէց նմա,  
զի ծանեաւ զանում իմ :

Կարդասցէ առ իս՝ և ես լուայց  
նմա, և առ նմա եղէց ի նե-  
ղութեան :

Փրկեցից և փառաւոր արարից  
զնա, երկայն աւուրբք լցուցից :

և ցուցից նմա զփրկու թիւն իմ:  
 Առ քեզ Տէր համբարձի զաչս  
 իմ, որ բնակեալդ ես ի յերկինս:  
 Որպէս աչք ծառայի ի ձեռն  
 Տեառն իւրոյ, և որպէս աչք  
 ազախնոյ ի ձեռն տիկնոջ իւրոյ:  
 Այնպէս են աչք մեր առ քեզ  
 Տէր Աստուած մեր, մինչև ո-  
 ղորմեսցիս ի վերայ մեր:  
 Ողորմեա մեզ Տէր ողորմեա  
 մեզ, զի բազում լցաք արհա-  
 մարհանօք:

Նա առաւել լցան անձինք մեր  
 նախատանօք, որք նախատէին  
 զմեզ և արհամարհանօք ամ-  
 բարտաւանից:

Աստուած յանուան քում կեցո  
 զիս, և ի զօրութեան քում  
 իրաւ արա ինձ:

Աստուած լուր աղօթից իմոց,  
 ունկնդիր բանից բերանոյ իմոյ:

Օտարք յարեան ի վերայ իմ և  
 հզօրք խնդրեցին զանձն իմ, և  
 ոչ համարեցան զքեզ Աստուած  
 առաջի իւրեանց:



Ահա Աստուած օգնական իմ,  
 և Տէր ընդունող հոգւոյ իմոյ:  
 Ի դարձուցանել զչարն ի թշ-  
 նամիս իմ, եշմարտութեամբ

քով սատակեա զնոսա :  
 Ես կամօք իմովք պատարագս  
 մատուցից քեզ, և խոստովան  
 եղէց անուան քում Տէր, զի  
 բարի է :

Յամենայն նեղութենէ իմմէ  
 փրկեցեր զիս, և ի թշնամիս իմ  
 ետես ակն իմ :

Օրհնեալ ևս դու Տէր Աստուած  
 հարցն մերոց, գովեալ և առա-  
 ւել բարձրացեալ յաւիտեան :

Եւ օրհնեալ է անուն սուրբ փա-  
 ռաց քոց, գովեալ և առաւել :

Օրհնեալ ևս ի տաճարի փառաց  
 սրբութեան քո, գովեալ ևս :

Օրհնեալ ևս ի վերայ աթոռոյ  
 արքայութեան քո, գովեալ և :

Օրհնեալ ևս որ նստիս ի գրով-  
 բէս և հայիս յանդունդս, գովեալ  
 և սոսա :

Օրհնեալ ևս ի վերայ հաստա-

տութեան երկնից, գովեալ և :  
 Օրհնեցէք զԱստուած ի սրբու-  
 թեան նորա, օրհնեցէք զնա ի  
 հաստատութեան ի զօրութեան  
 նորա :

Օրհնեցէք զնա ի զօրութեան  
 նորա, օրհնեցէք զնա ի բազում  
 մեծութեան նորա

Օրհնեցէք զնա ի ճայն օրհնու-  
 թեան, օրհնեցէք զնա սաղմո-  
 սիւք և օրհնութեամբ :

Օրհնեցէք զնա ցնծութեամբ,  
 գովեցէք զնա ուրախութեամբ :

Օրհնեցէք զնա ի բանս քաղցր,  
 գովեցէք զնա ի բարբառ լսելի :

Օրհնեցէք զնա ի ճայն գոհու-  
 թեան ամենայն հոգիք օրհնե-  
 ցէք զՏէր :

Արդ արձակեալ զժամայս քո Տէր  
 ըստ բանի քում ի խաղաղու-  
 թիւն, զի տեսին աչք իմ ըզ



փրկութիւն քո զոր պատրաս-  
ցեր առաջի ամենայն ժողովրդ-  
դոց :

Լոյս յայտնեցեր հեթանոսաց,  
և փառք ժողովրդեան քում  
Բարայելի :

Ձգեցեր զձեռն քո՝ և փրկեաց  
զիս աջ քո, և Տէր հատուցէ  
ընդ իմ :

Տէր ողորմութիւն քո յաւի-  
տեան, զգործս ձեռաց քոց մի  
անտես առներ :

Տէր հան ի բանտէ զանձն իմ,  
գոհանամ զանուանէ քումսմէ :

Եւ քեզ սպասեն արդարք՝ մին-  
չև հատուցես :

Մեծացուցէ անձն իմ զՏէր, և  
ցնծացէ հոգի իմ Աստուծով  
փրկչաւ իմով :

Այց արար ի վերայ խոնարհու-  
թեան ազոխնայ իւրոյ, այսու-

հետև երանիցեն ինձ ամենայն  
ազգք :

Արար ընդ իս մեծամեծս հզօրն,  
և սուրբ է անուն նորա .

Ողորմութիւն արար ազգաց  
յազգս երկիւղածաց իւրոց,  
արար զօրութիւն բազկաւ իւ-  
րով :

Յրուեաց զամբարտաւանս ի մը-  
տաց սրտից, և քակեաց զհզօրս  
յաթոռոց :


Ձխոնարհս բարձրացոյց՝ զկարօ-  
տըս ելից բարութեամբ . և ըզ  
մեծատունս արձակեաց ունայ-  
նրս :

Պաշտպանեաց Բարայելի ծա-  
ռայի իւրոյ, յիշելով զողորմու-  
թիւն իւր :

Որպէս խօսեցաւ առ հարսն  
մեր՝ ընդ Աբրահամու և զաւակի  
նորա յաւիտեան :

Տուր զօր ու թիւն ծառայի քո,  
 կեցո՞ զորդի աղախնոյ քո, և  
 արա՛ առիս նո՛ւն բարու թեան:  
 Տեսցեն ատելիք իմ և ամաչես-  
 ցեն, զի դու Տէր օգնեցեր ինձ  
 և մխիթարեցեր զիս:

Փառք հօր և որդւոյ և:



Մ Ա Ղ Ք Ա Ն Ք

Անձն իմ ի ձեռս քո է յամե-  
 նայն ժամ, և ի սուրբ Աստուծոյ քո

յուսացեալ եմ թագաւոր երկ-  
 նաւոր, զբազմու թիւն սրբոց  
 քոց բարեխօս ունիմ առ քեզ:  
 Որ երկայնամիտդ ես առ ամե-  
 նեսեան, մի անտես առներ զա-  
 ստիկնեալս ի քեզ. այլ պահեա՛  
 պատուական եւ սուրբ Աստուծոյ  
 քով ի խաղաղութեան:

Ք Ա Ր Ո Ջ

Աղաչեսցուք զամենակայն Աս-  
 տուած և խնդրեսցուք ի նմանէ,  
 զի առաքեսցէ զհրեշտակ խա-  
 ղաղութեան, և եկեալ պահեսցէ  
 զմեզ յերկիւղական զիշերիս,  
 ի դիւական խռովութենէ, ամ-  
 բողջ պահելով զհոգի և զմարմին  
 մեր՝ մինչև ի կատարումն ժա-  
 մանակի ամաց մերոց: Ամենա-  
 կալ Տէր Աստուած մեր կեցո՞ և  
 ողորմեա՛. Կեցո՞ Տէր:

Չհանգիստ զիշերիս խաղաղութեամբ անցուցանել հաւատով ի Տեառնէ խնդրեացուք: Ենորհեան Տէր:

Չհրեշտակ խաղաղութեան պահապան անձանց մերոց ի Տեառնէ խնդրեացուք:

Չքաւութիւն և զթողութիւն յանցանաց մերոց ի Տեառնէ խնդրեացուք:

Չսրբոյ Սաչին մեծ և կարող զօրութիւն յօգնութիւն անձանց մերոց ի Տեառնէ խնդրեացուք: Եւ ևս միաբան վասն ճշմարիտ և սուրբ հաւատոյս մերոյ զՏէր աղաչեացուք: Տէր ողոր:

Չանձինս մեր և զմիմեանս Տեառն Սատուծոյ ամենակալին յանձն արասցուք:

Քեզ տեառնդ յանձն եղիցո՛ւք: Ողորմեաց մեզ Տէր Սատուած

մեր՝ ըստ մեծի ողորմութեան քում. սասացուք ամենեքեան միաբանութեամբ:  
Տէր ողորմեան. Տէր ողորմեան.  
Տէր ողորմեան:

Ա Ղ Օ Թ Ք

Տէր Սատուած մեր՝ դու պահեան զմեզ խաղաղութեամբ ի զիշերիս յայսմիկ և յամենայն ժամանակի: Ընդ սուրբ երկիւղ քո բնեռեալ պահեա զմիտս և ըզխորհուրդս մեր: Որպէս զի յամենայն ժամ քե պահպանեալ լիցուք յորոգայթից թշնամոյն: Եւ քեզ հանցուք զօրհնութիւն և զփառս Հօր և Որդւոյ և Հոգոյն սրբոյ. այժմ և միշտ և յաւիտեանս յա:

Խաղաղութիւն ամենեցուն  
Ասուծոյ երկիրսպազուցուի :

Հրեշտակի խաղաղութեան յան-  
ձըն արա զանձինս մեր Տէր զօ-  
րութեանց, որ եկեալ պահեսցէ  
զմեզ անխռովս ի տուէ, և ի զի-  
շերի, յարթնութեան և ի հան-  
գատութեան մերում. զի դու ես  
արարիչ լուսոյ, և հաստիչ զի-  
շերի : Եւ այժմ ազաչեմք զքեզ  
Տէր Աստուած մեր, զհանգիստ  
զիշերս շնորհեա խաղաղու-  
թեամբ անցուցանել, և հասա-  
նիլ ի պաշտօն առաւօտու յեր-  
կրրպագութիւն և ի փառաբա-  
նութիւն ամենասուրբ Եր-  
րորդութեանց, այժմ և միշտ  
և յախտեանս յախտենից .  
ամէն :

Ս Ս Ղ Մ Ո Ս Գ .

Խաղաղութեամբ յայս և ի սոյն  
ննջեսցուք և զարթիցուք, զի  
դու Տէր միայն առանձին յուսով  
քո բնակեցուցեր զմեզ :

Ի կարգալ խմում լուար ինձ Աս-  
տուած ըստ արդարութեան, ի  
նեզութենէ ինձ անդորր արա-  
րեր. ողորմեա ինձ և լուր ազօ-  
թից խմոց :

Որդիք մարդկան մինչև յերբ էք  
խստասիրտք, ընդէր սիրէք ըզ  
նանրութիւն, և խնդրէք զստու-  
թիւն :

Ծաներուք զի սքանչելիս արար  
Տէր սրբոյ իւրում, և Տէր լուի-  
ցէ ինձ ի կարգալ խմում առ նա :  
Բարկանայք՝ և մի մեղանչէք,  
զոր ինչ ասէք ի սիրտս ձեր՝  
յանկողինս ձեր զղջացարուք :

Մատուցէք պատարագս արդարութեան, և յուսացարուք ի Տէր: Բազումք ասէին, թէ ո՞ր ցուցցէ մեզ զբարութիւն Տեառն, նշանեցաւ առ մեզ լոյս երեսացքոց. և ետուր ուրախութիւն սրտից մերոց:

Ի պառզոյ ցորենոյ զինւոյ և ձիթոյ իւրեանց լցուցեր զնոսա. Ասողաղութեամբ յայս և ի սոյն ննջեսցուք և զարթիցուք, զի դու տէր միայն առանձին յուսով քո բնակեցուցեր զմեզ:

Ալէլուիա Օրդի:

Խաղաղութիւն ամենեցուն:

Եւ ընդ հոգւոյդ քում:

Երկիւղածութեամբ լուարուք:

Սրբոյ Առևսարակիս, որ ըստ Յովհաննէսն:

Փառք քեզ Տէր Աստուած մեր: Պոսխամէ:

Ասէ Աստուած:

Տերն մեր Յիսուս Քրիստոս ասէ:

Ամէն ամէն ասեմ ձեզ. և թէ ոչ հատն ցորենոյ անկեալ յերկիր մեռանիցի, ինքն միայն կայ, ապա և թէ մեռանիցի՝ բազում արդիւնս առնէ: Որ սիրէ զանձն իւր՝ արձակէ զնա. և որ ատեայ զանձն իւր յաշխարհիս յայսմիկ, ի կեանսն յաւիտենականս սրահեսցէ զնա: Եթէ ոք զիս սլաշտիցէ, զկնի իմեկեսցէ. և ուր ետն եմ, անդ և սլաշտոնեայն իմ եղիցի. և թէ ոք զիս սլաշտիցէ, պատուեսցէ զնա հայրն իմ:

Փառք քեզ Տէր Աստուած մեր:

Սուրբ Աստուած աղաչեսցուք ըզ Տէր, զի սովաւ իրկեսցէ զմեզ ի մեղաց՝ և կեցուսցէ շնորհիւ:

ողորմութեան իւրոյ: Ամենա-  
կալ Տէր Աստուած մեր. կեցո՛ւ  
և ողորմեա:

Պահպանեա՛ն զմեզ Քրիստոս Աս-  
տուած մեր՝ ընդ հովանեա-  
սուրբ և պատուական Սաչիւղ  
քով ի խաղաղութեան, փրկեա՛ն  
յերևելի և յաներևոյ թ թշնամ-  
ւոյն: Արժանաւորեա՛ն գոհու-  
թեամբ փառաւորել զքեզ ընդ  
Հօր և ընդ սրբոյ Հոգւոյդ. այժմ  
և միշտ:

Օրհնեալ Տէր մեր Յիսուս Քրիստոս:  
ամեն:

Հայր մեր որ յերկինս:

Անկանիմբ առաջի քո սուրբ  
Աստուածածին և ազաչեմբ զա-  
նարատ զՎոյսղ, բարեխօսեա՛ն  
փառն անձանց մերոց, և ազա-  
չեա՛ն զմիամին Որդիդ, փրկել

զմեզ ի փորձութենէ և յամե-  
նայն փառնգից մերոց:

Մաղրակի գորաւորի՝ արևաւայց գիշե-  
րայնոյ, սասցեալ սրբոյն Քրիզոսի  
Նարեկացոյ: ԺԳ.

Ընկալ քաղցրութեամբ Տէր Աս-  
տուած հօր՝ զգառնացողիս զա-  
ղաչանս. մատիւր զթութեամբ  
առ պատկառեալս զիմօք. փա-  
րատեա՛ն ամենապարզև զամօ-  
թական տխրութիւնս. բարձ-  
րինէն ողորմած՝ զանբերելի  
ծանրութիւնս. աջրպետեա՛ն հը-  
նարաւոր՝ զմահացու կրթու-  
թիւնս. աւարեա՛ն միշտ յաղ-  
թող՝ զխարոզին հաճութիւնս.  
բացաղրեա՛ն վերնային՝ զմոլե-  
լոյն մատախուղ. կնքեա՛ն կե-  
ցուցիչ՝ զկորուսչին ընթաց-  
մունս. ցրուեա՛ն ծածկատես

զրմբոնողին չար գտմունս .  
 խորտակեան անքնին՝ գմարտո-  
 զին զիմեցմունս , Տեառնա-  
 գրեան քո անուամբդ զլուսան-  
 ցոցց երդ յարկիս . պարսիա-  
 կեան քո ձեռամբդ զառանատաղ  
 տանարիս . գծագրեան քո ա-  
 րեամբդ զմուտ սեմոց սենեկիս .  
 կերպացն զքո նշանդ ի հետս  
 ելից մազթողիս . ամրացն քո  
 աչովդ զհանգստեանս խշափ .  
 մարբեսցե՛ս ի հաղբից զծած-  
 կարան անկողնոյս . պահես-  
 ցե՛ս քո կամօքդ զտառապեալ  
 անձն ոգոյս . անխարդախս ա-  
 րասցես զքո շնորհեալ շունչ  
 մարմնոյս . կացուսցե՛ս շրջա-  
 փակ զպար զօրուգ երկնայնոյ .  
 կարգեսցե՛ս ի գիմի ընդդէմ դի-  
 ւացն դասու , Տուր հանգիստ  
 բերկրութեան մահահանգոյնս

նիրհման ի խորութեան զիշե-  
 րիս , բարեխօսութեամբ հայ-  
 ցուածոց սրբոյ Աստուածած-  
 նիդ՝ և ամենայն ընտրելոց :  
 Ամփոփեալ պարտրեան զսլա-  
 տունհան տեսութեանց զգայա-  
 րանացս խնայտից անզարհու-  
 րելի զեստեզմամբ՝ ի ծիական  
 խռովութեանց , կենցաղական  
 զբազմանց , անբջական երա-  
 զոց , խօրականաց ցնորից , յի-  
 շատակաւ քո յուսոյդ անվնաս-  
 սելի պաշտպանեալ : Եւ սթա-  
 փեալ վերստին ի ննջմանէ  
 ծանրութեան , ամենազգաստ  
 արթնութեամբ՝ հօգեմորոզ զը-  
 ւարթութեամբ ի քեզ արձա-  
 նացեալ , զայս ձայն մազթա-  
 նաց՝ բուրմամբ հաւատոց քեզ  
 ամենօրինեալ թագաւոր փա-  
 ռաց անձառից փառարանողաց

Երկնագումար խմբից երգակ-  
 ցեալ՝ յերկինս առաքել, Զի  
 դու փառաւորեալ ես յամենայն  
 անբարածոց յախտեանս յախ-  
 տենից . ամէն :



Աղօթք նորին սրբոյն Գրիգորի Նարե-  
 կացւոյ : ԽԱ.

Որդի Աստուծոյ կենդանւոյ օրհ-  
 նեալ յամենայնի՛ Հօրդ անառ-

րի անքնին ծնունդ, որ տկա-  
 րանայ առ ի քէն և ոչինչ . որ  
 ի ծագել անատուէր նշուլից ո-  
 ղորմութեան քո փառաց՝ հա-  
 լին մեղք, հալածին դէք, շնջին  
 յանցանք, խզին կապանք,  
 խորտակին շղթայք, կենդա-  
 նածնին մահացեալք, բժշկին  
 հարուածք, ողջանան վէրք,  
 բառնին ապականութիւնք, տե-  
 դի տան տխրութիւնք, նահան-  
 ջին հեծութիւնք, փախնու խա-  
 ւարն, մեկնի մէզն, մերժի  
 մառախուղն, փարատի մռայլն,  
 սպառի աղջամուխոջն, վերանայ  
 մութն, զնայ զիշերն, տարա-  
 գրի տագնապն, չքանան չարի-  
 քըն, հալածին յուսահատու-  
 թիւնքն, և թագաւորէ ձեռն  
 քո ամենակար՝ բաւիչդ ամե-  
 նայնի :




Որ ոչ եկիր կորուսանել զմարդկան ողիս՝ այլ կեցուցանել թո՛ղ ինձ զանթիւ շարիսն իմ բազում ողորմութեամբդ: Զի դու միայն ես յերկնի անճառ, և յերկրի անզնին, իտարր զոյի, և յեզրս ծագաց աշխարհի, ըսկիզբն ամենայնի և յամենայնի. ամենայն լրմամբ, օրհնեալ ի բարձունս, և քեզ ընդ Հօր և Հոգւոյդ սրբոյ իստք յաւիտեանս. ամէն



Աղօթք խորիկ սրբոյն Գրիգորի Նարեկացւոյ: ԶԹ.

Աստուած և Տէր, կեանք և արարիչ, ողորմած, զթամ, լոյս, երկայնամիտ, անոխակալ, մար-

դասէր, ամենագութ, պարզաստու, փրկիչ, օրհնեալ, գովեալ, բարեբանեալ: Բարան ամբութեան, պատարարան վատահութեան, առանց նենգութեան բարի, առանց խաւարի ճատագայթ, քաւիչ մեղաց, ողջացուցիչ վիրաց, անհասանելեաց հրնարք, անմատչելեաց հաւոր, անյուսութեան ելք, անուն քո խոստովանեալ Աստուծոյ որդի. և Հօր քո ընդ քեզ հզօրի և ահաւորի, և հոգւոյդ ամենակալի և ընդ քեզ երկրպագելոյ՝ իստք և պաշտօն զոհարանութեան յաւիտեանս. ամէն:





Աղօթք նորիկ սրբոյն Գրիգորի նարեկացոյ: ՂԲ.

Աստուած յաւիտենական, բարերար և ամենակալ, ստեղծիչ լուսոյ և յօրենիչ զիշերոյ. կեանքի մահու և լոյսի խաւարի. յոյսակն ունողաց և երկայնամտութիւն տարակուսելոյ, որ ամենարուեստ իմաստութեամբ քողարձուցանես յայգ զասուերս մահու. աննուագ ծագումն և անմուտ արեգակն, քանզի ոչ զօրէ ծածկել զփառս տէրութեան քո խաւար զիշերոյ. որում կրկնի


ծուեր և բերպագու թեան ամենայն և զելոյ՝ երկնաւորաց և երկրաւորաց և սանգարամետականաց. որ լսես զհեծու թիւն կապելոյ, և հայիս յաղօթս խոնարհաց և ընդունիս զխնդրուածքս նոցա, Աստուած իմ և թագաւոր իմ, կեանք իմ և ապաւէն իմ, յոյս իմ և վստահու թիւն իմ, Յիսուս Քրիստոս Աստուածդ ամենայնի, սուրբդ հանգուցեալ ի հոգիս սրբոյ մխիթարութիւն վշտաց և քաւարան մեղուցելոց, որ զիտես զամենայն յառաջ քան զլինել նոցա. առաքես զպահպանողական զօրութիւն աջոյ քո, և փրկեալ զիս յերկիւղէ զիշերի և ի դիւէ չարէ. որպէս զի զյիշատակ սոսկալի և սուրբ քանուանդ միշտ համբուրեալ շրթամբք հոգոյ ըղձութեան

շնչոյ կեցից պահպանեալ ընդ  
այնուսիկ՝ որ կարդան զքեզ ի  
բոլոր սրտէ :



Եւ ի գրոշմէ Սաչի բոյոյ նշա-  
նիդ, զոր Սատուածային ար-  
եամբ քո ներկեալ նորոգեցիք,  
եւ ի նոյն շնորհն որդեգրու թեան

զմեզ մկրտեցէր, և ի փառս  
սրտիկերի քո նկարեալ յօրի-  
նեցեր, այսու պարզևօք աս-  
տուածականօք ամաչեսցէ սա-  
տանայ, քակտեսցին մեքենայ-  
քըն, բարձցին որոգայթքն,  
սրտեսցին մարտացեալքն,  
սրկասեսցին զէնքն սայրու-  
սուրք, մերժեսցի մեզն, փա-  
րատեսցի խաւարն, մեկնեսցի  
մառախուղն: Բազուկ քո հո-  
փանասցի, և աջ քո կնքեսցէ.  
Փառն զի զթամ Ես և սղորմած,  
և անուն քո կոչիցեալ է ի վերայ  
ծառայից բոց: Կը քեզ ընդ Հօր  
Հոգւովդ սրբով՝ փառք և իշխա-  
նութիւն յաւիտեանս յա :





Աղօթք հարկաւոր իւրաքանչիւր անձանց  
հաւաստեցողքի Քրիստոս: Արարեալ  
արքայն Ներսիսի Շնորհաւոյ Հայոց  
Կարոզդիկոսի:

Հաւատով խոստովանիմ, և եր-  
կիր պագանեմ քեզ՝ Հայր և Ար-  
դի և սուրբ Հոգի, անեղ և ան-  
մահ բնութիւն, արարիչ հրեշ-  
տակաց և մարդկան և սամենայն  
եղելոց. ողորմեա քո արարա-  
ծոց և ինձ բազմամեղիս:

Հաւատով խոստովանիմ, և եր-  
կիր պագանեմ քեզ՝ անբաժանելի

լոյս, միասնական սուրբ Երրոր-  
դութիւն և մի Աստուածութիւն,  
արարիչ լուսոյ և հալածիչ խա-  
ւարի. հալածեալի հոգւոյ իմմէ  
զխաւար մեզոց և անգիտու-  
թեան, և լուսաւորեալ զմիտս  
իմ ի ժամուս յայսմիկ ազօթել  
քեզ ի հաճոյս, և ընդունիլ ի  
քէն զխնդրուածս իմ. և ողոր-  
մեա քո արա:

Հայր երկնաւոր Աստուած ճշ-  
մարիտ՝ որ առաքելցեր զՈրդիդ  
քո սիրելի ի խնդիր մուրեալ  
ոչխարին, մեզոց յերկինս և ա-  
ռաջի քո. ընկալ զիս որպէս  
զանտակ որդին, և զգեցո ինձ  
զպատմեանն զառաջին՝ զոր  
մերկացայ մեղօք. և ողորմեա  
Որդի Աստուծոյ Աստուած ճշ-  
մարիտ՝ որ խոնարհեցար ի հայ-  
րական ծոցոյ՝ և աներ մարմին

ի սրբոյ կուսէն Մարիամայ վա-  
սըն մերոյ փրկութեան, խաչե-  
ցար թաղեցար և յարեար ի մե-  
ռելոց՝ և համբարձար փառօր  
առ Հայր, մեղայ յերկինս և  
առաջի քո. յիշեա զիս որպէս  
զաւազակն՝ յորժամ գաս արքա-  
յութեամբ քով. և ողորմ:

Հոգի Աստուծոյ Աստուած ճըշ-  
մարիտ՝ որ իջեր ի Յորդանան  
և ի Վերնատունն, և լուսաւո-  
րեցեր զիս մկրտութեամբ սուրբ  
ուազանին, մեղայ յերկինս և  
առաջի քո. մարբեա զիս վե-  
վերասին Աստուածային հրով  
քով՝ որպէս հրեղէն լեզուօք  
սուրբ զԱռաքեալսն. և ողոր-  
մեա քո արա:

Անեղ բնութիւն, մեղայ քեզ  
մտօք իմովք, հոգևով և մար-  
մնով իմով. մի յիշեր զմեզս իմ

զառաջինս՝ վասն անուանող քում  
սրբոյ. և ողորմ.

Տեսող ամենայնի, մեղայ քեզ  
խորհրդով բանիւ և գործով:  
ջնջեա դձեռագիր յանձանաց ի-  
մոց և գրեա զանուն իմ ի զըպ-  
րութեան կենաց. և ողորմ:

Քննող զազանեաց, մեղայ քեզ  
կամու և ակամայ, գիտութեամբ  
և անգիտութեամբ. թողա թիւն  
շնորհեա մեղատրիս, զի ի ծը-  
նընդենէ սուրբ աւազանին մին-  
չև ցայսօր մեղուցեալ եմ. ա-  
ռաջի Աստուածութեանդ քո  
զգայարանօք իմովք, և ամենայն  
անդամօք մարմնոյս. և ողորմ:  
Ամենախնամ Տէր, զիր պահա-  
պան աչաց իմոց զերկիւզ քո  
սուրբ՝ ոչ ևս հայիլ յարատ.  
և ականջաց իմոց՝ ոչ ախորժել  
լսել զբանս չարութեան. և բե-

րանոյ խմոյ՝ ոչ խօսիլ զստու-  
 թիւն. և սրտի խմոյ՝ ոչ խոր-  
 հիլ զչարութիւն. և ձեռաց խմոյ՝  
 ոչ գործել զանիրաւութիւն, և  
 ստից խմոյ՝ ոչ գնալ ի ճանա-  
 պարհս անօրէնութեան. այլ  
 ուղղեալ զչարժումն սոցա լինել  
 միշտ ըստ սխառութեանաց քոց  
 յամենայնի. և ողորմեալ քո՝  
 Հուր կենդանի Քրիստոս, զհուր  
 սիրոյ քո՝ զոր արկեր յերկիր,  
 բորբոքեալ յանձն իմ, զի այրե-  
 սցէ զախտ հոգւոյ խմոյ, և սըր-  
 բեացէ զխիղճ մտաց խմոց, և  
 մաքրեացէ զմեզս մարմնոյ խմոյ,  
 և վառեացէ զլոյս զխառութեան  
 քո ի սրտի իմում. և ողորմեալ  
 Բմատութիւն հօր Յիսուս, տուր  
 ինձ իմատութիւն զբարիս խոր-  
 հիլ և խօսիլ և գործել առաջի  
 քո յամենայն ժամ, ի չար խոր-

հըրդոց ի բանից և ի գործոց  
 փրկեալ զիս. և ողորմ՝  
 Կամեցող բարեաց Տէր կամա-  
 բար, մի՛ թողուր զիս ի կամս  
 անձին խմոյ գնալ. այլ առաջ-  
 նորդեալ ինձ լինել միշտ ըստ  
 կամաց քոց բարեսիրաց. և ու  
 Արքայ երկնաւոր, տուր ինձ  
 զարքայութիւն քո՝ զոր խոս-  
 տացար սիրելեաց քոց, և զօ-  
 բացո զսիրտ իմ ատել զմեզս, և  
 սիրել զքեզ միայն, և առնել  
 զկամս քո. և ողորմ՝

Խնամող արարածոց, սլահեա  
 նշանաւ Սաչի քո զհոգի և ըզ  
 մարմին իմ ի սխառութեանց մե-  
 զաց, ի փորձութեանց դիւաց,  
 և ի մարդոց անիրաւաց, և յա-  
 մենայն վտանգից հոգւոյ և մար-  
 մնոյ. և ողորմ՝  
 Պահապան ամենայնի Քրիս-

տոս , աջ քո հովանի լիցի ի վերայ իմ ի տուէ , և ի զիշերի , ի նստիլ ի տան , ի գնալ ի ճանապարհ , ի ննջել և ի յառնել , զի մի երբէք սասանեցայց . և ուստուած իմ , որ բանաս զձեռն քո , և ընտս զամենայն արարածս ողորմութեամբ քով , քեզ յանձն առնեմ զանձն իմ . դու հոգա և պատրաստեա զպէտս հոգւոյ և մարմնոյ իմոյ յայսմ հետէ մինչև յաւիտեան . և ուրարձուցիչ մուրե լոց , դարձո զիս ի շար սովորութեանց իմոց ի բարի սովորութիւն , և բեւեռեա ի հոգի իմ զսոսկալի օրմահուն , և զերկիւղ զհեռնին , և զսէր արքայութեանն զի զըզջացայց ի մեղաց' և գործեցից զարդարութիւն . և ու :

Ազբիւր անմահութեան , ազբե-

րացո ի սրտէ իմմէ պարտաւորս սալաշխարութեան որպէս պոռնկին , զի լուացից զմեզս անձին իմոյ յառաջ քան զելանելն իմ յաշխարհէս . և ողոր : Պարգևիչ ողորմութեան պարգևեա ինձ ուղղախառ հաւատով և բարի գործով . և սուրբ մարմնոյ և արեան քո հաղորդութեամբ զալ առ քեզ , և ողոր : Բարեբար Տէր , հրեշտակի բարւոյ յանձն արասցես զիս' քաղցրութեամբ աւանդել զհոգի իմ , և անխռով անցուցանել ընդ շարութիւն այսոցն' որք են ի ներքոյ երկնից . և ողոր :

Լոյս ճշմարիտ Քրիստոս , արժանաւորեա զհոգի իմ ուրախութեամբ տեսանել զլոյս փառաց քոց ի կոչման աւուրն , և հանգչիլ յուսով բարեաց յօթե-

փանս արդարոց մինչև յօր. մե-  
 ծի գալտանն քո . և ողոր :  
 Գատաւոր արդար, յարժամ գաս  
 փառօք Հօր դատել զկենդանիս  
 և զմեռեալս , մի' մտաներ ի  
 դատաստան ընդ ծառայի քում,  
 այլ փրկեա զիս ի յաւիտենա-  
 կան հրոյն , և լսելի արա ինձ  
 գերանաւէա կոչումն արդարոց  
 յերկնից արքայու թիւնդ . և ո :  
 Ամենողորմ Տէր , ողորմեա ա-  
 մեայն հաւատացելոց ի քեզ ,  
 իմոց և օտարաց , ծանօթից և  
 անծանօթից , կենդանեաց և մե-  
 ռելոց . շնորհեա և թշնամեաց  
 իմոց և ատելեաց զթողու թիւն  
 որ առ իս յանցանաց , և դարձո  
 զնոսա ի չարեացն զոր ունին  
 փսան իմ , զի ողորմութեանդ  
 քում արժանի եղիցին . և ողոր :  
 Փառաւորեալ Տէր , ընկալ զա-

զաչանս ծառայիս քո , և կա-  
 տարեա ի բարի զխնդրուածս  
 իմ բարեխօսութեամբ սրբուհ-  
 ւոյ Աստուածածնին և Յովհան-  
 նու Մկրտչին և սրբոյն Ստե-  
 փաննոսի նախավկային և Սըր-  
 բոյն Գրիգորի մերոյ Լուսաւոր-  
 չին , և սրբոց Առաքելոց՝ Մար-  
 գարէից՝ Վարդապետաց՝ Մար-  
 տիրոսաց՝ Հայրապետաց՝ Ճրգ-  
 նաւորաց՝ կուսանաց՝ և ամե-  
 նայն Սրբոց քոց երկնաւորաց  
 և երկրաւորաց : Եւ քեզ փառք  
 և երկրալագու թիւն անբաժանե-  
 լի սուրբ Երրորդու թեանդ յա-  
 լիտեանս յաւիտենից . ամէն :  
 Վասն սրբուհւոյ Աստուածած-  
 նին բարեխօսութեանն՝ Տէր ըն-  
 կալ զազաչանս մեր , և կեցո  
 զմեզ :

Սուրբ զԱստուածածինն և զա-



մենայն սուրբս բարեխօս ա-  
րասցուք առ Հայր ի յերկինս,  
զի կամեց'ալ ողորմեսցի և զը-  
թաց'ալ կեցուսցէ զարարածս  
խոր: Ամենակալ Տէր Աստուած  
մեր կեցո և ողորմես:



Ընկալ Տէր զազաչանս մեր բա-  
րեխօսու թեամբ սուրբ Աստուա-

ծածնին՝ անարատ ծնողի միա-  
ծնի՝ Արդուոյ քս, և ազաչանօք  
ամենայն սրբոց քոց: Լուր մեզ  
Տէր և ողորմես, ներես, բա-  
ես և թող զմեզս մեր: Արժա-  
նաւորես զոհու թեամբ փառա-  
ւորել զքեզ ընդ Արդուոյ և ընդ  
սրբոց Հոգ:

Օրհնեալ Տէր մեր Յիսուս Քրիստոս:  
ամեն:

Հայր մեր որ յերկինս:

Չհանգստեան զազոթս և զազա-  
չանս ընկալ մարդասէր Աստու-  
ած ի հաճոյս բարերար կա-  
մաց քոց, և մեր մեղաց և բա-  
զում յամ ցանաչն թողու թիւն  
չնորհես, և քեզ փառք յաւի-  
տեանս ամէն:

Փառք քեզ Տէր Աստուած մեր, որ  
սլարգեցեցեր զօրս զայս բարեաւ  
և խաղաղութեամբ անցուցանել:  
Մարդասէր Աստուած, զառաջի-  
կայ գիշերս որ ի վերայ մեր  
զալոց է, ի մեզաց փրկեա, ի  
չարեաց ազատեա, և ի գործս  
բարիս առաջնորդեա:

Առաւօտու օրհնութեանցն և  
փառաբանութեանցն արժանի  
արա զամենայն հուռատապեալս  
անուանդ քում սրբոյ, և պահ-  
եա ի խաղաղութեան:

Տէր Աստուած մեր՝ տուր զքո  
խաղաղութիւնդ ամենայն աշ-  
խարհի, բարձրցասումն և զպա-  
տուհասն ի յարարածոցս:

Ողորմեա հարց և եղբարց մե-  
րոց՝ կենդանեաց և հանգուցելոց:

Ողորմեա զեկեղեցի շինողաց,  
երախտաւորաց և այնոց իկ ուրբ:

տան զտուրս ողորմութեան  
դպրատանց, և ջանան միշտ  
հաստատուն պահել:

Տէր Աստուած՝ օգնեա թագաւո-  
րացն քրիստոնէից, և իշխանա-  
ցըն բարեպաշտից, զօրաց և  
զաւակաց նոցին՝ պահելով ի  
խաղաղութեան:

Տէր Աստուած մեր՝ պահեա ըզ  
մեզ ամենայն պարագայիւք՝  
ամբողջ և անխռով ի կամս ո-  
ղորմութեան քո:

Նշանաւ սուրբ և պատուական  
Սաչիւ քոյ՝ հալածեա զերեւելի  
և զաներևոյթ թշնամին ի սահ-  
մանաց մերոց և ի բնակութե-  
նէս մերմէ: Փրկեա զմեզ ի հը-  
րոյն յաւիտենից, և արժանի ա-  
րա երանաւէտ կենացն անվախ-  
ճանից, և քեզ փառք յաւիտեա-  
նրս, ամէն:



ԱՂՕԹՔ

## ԿԻՒՐԱԿԻ ԱԻՈՒՐ

Յանուռն Հօր եւ Որդւոյ եւ Հոգւոյն Սրբոյ ամեն :

Հայր մեր որ յերկինս :

Աղօթք առ Հայրն երկնաւոր , ի բանից երանելւոյն Յովհաննու գառնեցւոյ :

Յաւիտենից Աստուած եւ արարիչ բոլորից, որ ամենակարող զօրութեամբ քով ի սկզբանէ արարեր զերկինս եւ զերկիր , յայսմ աւուր գոյացուցեր զլոյս հրամանաւ քով , եւ որոշեցեր ըզլոյսն ի խաւարէն : Ահա խաւարեալս ազգի ազգի մնօրէնութեամբ , ազաչեմ զքեզ Տէր իմ եւ Աստուած իմ՝ բարերար եւ

բազում ողորմ, ծագեա առ իս  
զողորմութեան զլոյս քո, և  
մերժեա յինէն զխաւարային  
խորհուրդս չարին, որով ան-  
կեալ կործանեցայ յանդունդս  
կորստեան, և կամ ի տարա-  
կուսի: Որ յամենայնի կարող  
ես և հզօր, լոյս անստուեր, ազ-  
րիւր անսպառ բարեաց, կեն-  
դանութեան պարգևատու, ցո-  
լացո յիս զփայլումն սրբարար  
չնորհաց Հոգւոյդ քո սրբոյ, և  
մաքրեա զսիրտ իմ և զհոգի ի  
մթութենէ մեղաց իմոց և յա-  
մենայն ազտեղութենէ, որով  
շլացեալ ոչ կարեմ հայիլ ի լոյս  
Սասուածային պատուիրանաց  
քոց, և գնալ ի ճանապարհս ար-  
դարութեան, Սմենահայեաց ա-  
կըն և աննիրհելի պահապան  
նորոյս Նարայելի, որ նստիս ի

քրովբէս և հայիս յանդունդս,  
հայեաց աչօք քաղցրութեան  
ապիկար ծառայս քո, որ խո-  
րասուզեալ յանդունդս մեղաց'  
չունիմ կամ և զօրութիւն ելա-  
նել ինքնին, և չիք իմ ճեռնտու  
և օգնական ազատել զիս յանհը-  
նարին տարակուսանացս. այլ  
դու անարգամեծար Տէր' լեր  
ինձ այցելու և սլաշտպան, և  
զերծո զիս ի խորոց աստի չա-  
րեացս ամբաւից աննահանջելի  
հրամանաւ քով. զի չիք ինչ  
որ արգելուլ կարիցէ զամենա-  
կարող զօրութիւն քո:

Սղաչեմ զքեզ ողորմած' առա-  
քեա առ իս զհոգի Սասուածու-  
թեան քո, որ շրջելով ի վերայ  
ջուրց կենդանագործէր զարա-  
րածս քո, զի ծննդաբեր արաս-  
ցէ զամլութիւն մտաց իմոց ի

հաճոյական բանից մաղթանս  
յընդունելու թիւն կամաց բարձ-  
րելոյդ. զի ես ինձէն առանց  
նպաստից նորին զոր ինչ ար-  
ժան է հայցել՝ ոչ գիտեմ:

Զի նա որ քննէ զամենայն և  
զխորս Աստուծոյ, գիտէ նա և  
զպէտս մեր և զկարիս առաւել  
քան զոր խնդրեմք և իմանամք,  
և զթացեալ ի տկարութիւնս  
մեր ուսուցանէ մեզ զնոսին  
հայցել հաւատով, և գտանել  
առ ի քէն հանդերձ թողու-  
թեամբ մեղաց մերոց:

Մի ընկենուր զիս յերեսաց քոց  
բարեբանեալ՝ որ ոչ կացի յուխ-  
տին իմում զոր ուխտեցի քեզ  
յաւուրն փրկութեան, և ոչ  
զգուշացայ կալ ի ճանապարհս  
օրինաց քոց՝ այլ իշխանին մո-  
լորութեան անսացեալ խրատու՝

զառածեցայ յերկնագնաց պողո-  
տայէդ ի փշայեղձ մացառս  
մեղաց և մահու՝ այլ դու խնա-  
մակալ՝ որ ոչ ճանճրանաս ի  
բարեբարելոյ, և ոչ յագիս յո-  
ղորմածութենէ, հոգևով պե-  
տութեան քո հաստատեա զիս  
ի պատուիրանս քո անդրդուելի՝  
ուղղել վերստին զգնացս ոտից  
իմոց առ տուխչի կենաց: Արդ  
դու կարող և մարդասէր, որ  
յառաջ քան զլինելու թիւն երկ-  
նի և երկրի պատրաստեցեր  
զարքայութիւնդ ի ժառանգու-  
թիւն սրբոց քոց, սրբեա և  
զիս յամենայն անօրէնութենէ  
իմմէ, և արժանաւորեա ընդ  
նոսին յարքայութեան քում  
յերկինս զոհութեամբ փառա-  
ւորել զամենագոր տէրու թիւնդ  
յաւիտեանս յաւիտենից. ամէն:

## ԵՐԿՈՒՇԱԲԱԹԻ ԱՒՈՒՐ

Յանուռն Հօր եւ Որդւոյ եւ Հոգւոյն  
Սրբոյ ամեն .

Հայր մեր որ յերկինս

Ազօրք առ սուրբ Երրորդութիւնն,  
Ի բանից երանելոյն Յովհաննու  
գառնեցոյ :

Բարերար եւ ամենակալ՝ յոյս  
ապաւինի ամենայն տարակու-  
սելոց Տէր իմ եւ Աստուած իմ,  
արարիչ էից յանէից եւ նախախ-  
նամոզ բոլորից . որ յայսմ ա-  
ւուր հրամանաւ քով բաժանե-  
ցեր զբազմութիւն ջուրց, զբազ-  
ցունան ամբարձեր ի վեր յամպս՝

տեղալ ի վերայ երկրի, ի բըղ-  
խել զաղբիւրս եւ խաղաղացու-  
ցանել զգետս, եւ զաղտաղտինս  
թողեր յերկիր ստորին անասն-  
ման իմաստութեամբ . եւ ար-  
կեր անջրպետ ի մէջ նորա լոյծ  
եւ հոսանուտ զհաստատութիւն  
օղոյ, զի փոխադարձ տուրե-  
առութեամբ ջուրց մշտնջենա-  
պէս հաղորդիլ կարասցեն ընդ  
միմեանս վերինքն եւ ստորինք  
յօգուտ համօրէն տիեզերաց, եւ  
ի պէտս ազգի մարդկան՝ զոր  
հանդերձեալ էիր արարչագոր-  
ծել ի վայելումն երանաւէտ  
փառաց Աստուածութեանդ քո :  
Արդ՝ ես որ կամ իբրեւ զջուր  
ստորին աղտեղեալ ի ճահիճս  
զանազան մեղացարշութեամբ  
եւ տղախանեալ բազմօրինակ  
անօրէնութեամբ, առ քեզ սրա-

դատիմ արարիչ իմ և յոյս, բա-  
 րեզու թ կամօքդ վերառեալ ըզ  
 միտս իմ ի ստորէ՝ մաքրագոր-  
 ծեա որպէս զջուրսն ամպոց յա-  
 մենայն աղտեղութեանց քոյո-  
 վրդ սրբութեամբ, և զգառնու-  
 թիւն նեխութեան իմոյ ի բաց  
 արա յինէն քոյովդ քաղցրու-  
 թեամբ, լինել հաճոյ Աստուա-  
 ծութեան քո կամաց՝ ի գովեստ  
 փառաց անբաւ շնորհաց քոց։  
 Մի հայիր ի բազմութիւն ա-  
 նօրէնութեան իմոյ որ անար-  
 ժան եմ գթոյ, և մի գարշիր յի-  
 նէն վասն զազրութեան յանցա-  
 նաց իմոց յորում կամ շաղախ-  
 եալ այլ մատիր առ իս անճա-  
 ռելի գթութեամբդ, և ողորմ-  
 եա ինձ ըստ բազում ողորմու-  
 թեան քում, զի քաղցր ես առ  
 ամենեւին որք կարդան առ քեզ

և ապա ինին ի քո մարդասի-  
 րութիւնդ։

Դու Տէր՝ զանձրև գթութեան  
 կամաց քոյ՝ և զառատագեղ ո-  
 ղորմութեան քո զցօղ անձրևեա  
 ի սիրտ իմ, որ ի սաստիկ ցան-  
 կութենէ չարեաց և ի տապս  
 անօրէնութեան երաշտացեալ՝  
 չունի ինչ բերս պտղոց բարու-  
 թեան՝ և ոռոգեալ պարարտա-  
 ցո շնորհօք մարդասիրութեան  
 քո՝ բերել զարդիւնս անեղծա-  
 նելիս ի պաշար մշտնջենաւոր  
 և անեզրական կենաց։

Լուր ինձ բարերար, քաւեա ան-  
 յիշաչար, և արա զժառայս քո  
 արժանի վերին օթեվանացդ  
 ընդ սիրելիս անուան քո սըր-  
 բոյ, և ընդ կամարարս հաճո-  
 յից Աստուածութեանդ քո որ  
 յերկինս և որ յիրկրի. զի ընդ

նոսին փառաւորեցից անլռելի  
օրհնաբանութեամբ զՀայր և  
զՈրդի և զսուրբ Հոգիդ . այժմ  
և միշտ և յաւիտեանս յաւիտե-  
նից . ամէն :



## ԵՐԵՒՇԱԲԱՌԻ ԱՒՈՒՐ

Յանուև Հօր եւ Որդւոյ եւ Հոգւոյն  
Սրբոյ ամէն :

Հայր մեր որ յերկինս

Աղօթ առ Հայրն երկնաւոր , ի  
բանից երանելոյն Յովհաննու  
զառնեցւոյ :

Արարչագործ Աստուած և ամե-  
նախնամ , որ յայսմ աւուր զը-  
թութեամբ կամայք բոց ժողո-  
վեցեր զչորս որ ի վերայ երկ-  
րի՝ ի խորս ծովու , և զասու-  
ցեր զցամաքն ի ջուրց . և զար-  
դարեցէր զայն զանազան բան-



չարօք և ծաղկագեղ վայելչութեամբ, և ազգի ազգի պտղաբեր ծառովք: Իսկ արդ երկիրըս անձնաւոր՝ փոխանակ բարեբոյս սերմանց առաքինագործ արգասեաց՝ բուսուցիփուշըս մեղաց խոցոտիչս հոգւոյ իմոյ, և փոխանակ բերոցն քաղցրութեան՝ պտուղս անօրէնութեան գառինս և մահաբերս ինձ գոյացուցի:

Այլ դու անոխակալ Տէր՝ հայեաց քաղցրութեամբ առ իսյարարածս քո, և մի անտես առնէր զգործս ձեռաց քոց. խլեա յինէն զփուշս չարեաց և զարգասիս անօրէնութեան զորես ինձէն պտղաբերեցի. և սերմանեա վերտին ի միտս և ի կամս իմ զբարին, և զօգտակարըն հոգւոյ իմոյ, յօծարիլ և

ընտրել զայն, և առնել կամակար սիրով:

Անօրէնութիւնք իմ բարձրացանքան զգլուխ իմ, և տղմաշաղախ ջուրք մեղաց ծածկեցին զանձն իմ. և ահա առ քեզ



առ բարեզուծ Տէրգ իմ պաղատիմ, երևեցո զիս իբրև երկիր ցամաք, և նորոգեա զսիրտ

իմ բերել պտուղս բարիս ըզ  
կանուխն և զանագան ըստ հա-  
ճոյից քոց մարդասէր :

Երկիրս բանաւոր՝ զոր զարդա-  
րեցեր բնաբոյս առաքինու-  
թեամբ, ցամաքեցայ ի հրա-  
տապ հրապուրանաց իշխանին  
օդոյս այսորիկ որպէս դալարի  
ի սաստիկ տօթոյ, և թոթափե-  
ցան ծաղիկք հոգւոյս. զոսացան  
ոստք առաքինութեան, եւ  
խամբացան բողբոջք բարեաց :  
Եւ ահա կորացեալ անձամբ առ  
քեզ աղաղակեմ պարգևիչդ կե-  
նաց, ցօղեմ յիս զցօղ խնամոց  
մարդասիրութեան քո, զի չո-  
րացաւ որպէս խեցի զօրութիւն  
իմ, և որպէս խոտ տանեաց ցա-  
մաքեցայ. և նորոգեմ զիս նո-  
րոգութեամբ շնորհաց քոց ըստ  
առաջնումն պայծառութեան :

Արարեր զիս այգի վայելուչ ցան-  
կով օրինաց պատասարեալ՝ առ  
ի բերել ողկոյզս քաղցրութեան  
ի հասոյս տնկագործողիդ իմոյ  
Աստուծոյ. իսկ ես ապստամբ  
կամօք արհամարհեալ զօրէնս  
քո, խոպանացայ չարաչար զը-  
նացիւք, և պտղաբերեցի խա-  
ղող դառնութեան բազմօրինակ  
անօրէնութեան :

Եւ արդ մարդասէր խնայեա յիս  
զթութեամբ, և դարման տար  
այգւոյս այսմիկ զոր տնկեաց  
աջ քո. ամբացո զիս վերստին  
օրինօքդ կենաց, և ի բաց ա-  
րա յինէն զբաղձանս չարեաց  
որք ստեղնին ի կամս իմ :  
Որպէս զի վաստակեալ յարդիւ-  
նըս առաքինութեան՝ արժանի  
եղէց ընդունիլ զօրհնութիւնս առ  
ի քէն և վայելել յանճառ բա-

ըիսդ ընդ սուրբս քո յերկինս,  
և զոհութեամբ փառաւորել  
զամենազօր տէրութիւն քո, յա-  
ւիտեանս յաւիտենից. ամէն:



## ՉՈՐԵՔԵՍ.ԲԱՍԹԻ ԱՒՈՒՐ

Յակուել Հօր և Ռդառոյ և Հոգառոյն  
Սրբոյ ամեն:

Հայր մեր որ յերկինս:

Աղօթք ան Հայրն երկնաւոր, ի  
բանից երանելոյն Յովնանու  
գառնեցոյ:

Հաստիչ ամբաւազօր լուսաւո-  
րացն երկնից, և ճարտարա-  
պետ ամենիմաստ տանս աշ-  
խարհի. որ յայսմ աւուր կար-  
գեցեր զլուսաւորսն ի հաստա-  
տութեան երկնից՝ զարեգակն  
և զլուսին և զաստեղացն տարտ՝  
ի նշանս և ի ժամանակս և յա-

ւուրս և ի տարիս: Արդ ազա-  
 ջեմ զքեզ Աստուած կենարար՝  
 հաճոյալիան պարզեօք հոգեձիր  
 շնորհաց քոց շարժեան զմիտս  
 և զկամս իմ սիրել զքեզ յամե-  
 նայն սրտէ. և ուզղեան զըն-  
 թացս անձին իմոյ անհերքելի  
 զօրութեամբ քով՝ գնալ ան-  
 խոտոր ի ճանապարհս հրամա-  
 նաց քոց: Ասպեալ կամ ան-  
 զերծ շղթայիւք յանցանաց  
 իմոց, ազատեան զիս ամենա-  
 կար: Անկեալ դանդաջեմ ի հազ-  
 րքս կորստեան զազտնի որսո-  
 զին, հան զիս բարեգութ:  
 Ի բունս անելանելի խաւարին  
 զործոց կաշկանդեալ տանջիմ,  
 ծագեան առ իս զլոյս շնորհիդ,  
 և զերծս զիս խնամակալ՝ յա-  
 զատութիւն կենաց անվախճա-  
 նից:

Գու ես յոյս իմ և ապաւինու-  
 թիւն. դու իմ փրկութիւն.  
 քեզ ակնկալեալ սպասէ ամե-  
 նամեղ անձն իմ: Քեզ փափաքի  
 հոգի իմ մարդասէր, որպէս  
 փափաքի եղջերու յազբերս  
 ջուրց: Ծարաւի եմ ողորմու-  
 թեան քում, արբո՞ զիս. տան-  
 ջեալ ի սովէ՝ յեղջերաց խոզիցն  
 կերակրիմ, զհացն երկնաւոր  
 ջամբեան ինձ: Մրուր դառնու-  
 թեան մեղաց և մահու արբեալ  
 տազնապիմ շարաշար, զբաժա-  
 կըդ կենաց մատուակեա ինձ:  
 Մերկացեալ դողամ յանագորոյն  
 աազակաց իշխանին մահու,  
 զգեստուք խնամոց քոց ծած-  
 կեա զիս: Ախրաւորեալ եմ ի  
 թիւնաւոր նետից աներևոյթ  
 թշնամւոյն, բժշկեա զհարուա-  
 ծքս իմ:

Եւ արա զիս զապախտաւոր ծա-  
ռայս որ կարդամ առ քեզ՝ ար-  
ժանաւոր երկնային հարսնա-  
րանին և անմահական սեղանոյն՝  
ընդ այնոսիկ որ սիրեցին զքեզ  
ի բոլոր սրտէ, և պահեցին ըզ  
սրատուիրանս քո. զի ընդ նո-  
սին փառաւորեցից զամենա-  
գու թ մարդասիրութիւն քո, յա-  
ւիտեանս յաւիտենից. ամէն:



## ՉՈՐԵՔՆԱԲԱԹԻ Ա. Ի ՈՒ Բ

Յանուան Հօր եւ Որդայն եւ Հոգւոյն  
Սրբոյ ամէն:

Հայր մեր որ յերկինս

Աղօթք առ Հայրն երկնաւոր, ի  
բանից երանելոյն Յովհաննու  
գառնեցւոյ:

Որ արարչական գթով կենդա-  
նածնես զարարածս քո և խը-  
նամես քաղցրութեամբ՝ Աս-  
տուած իմ և Տէր. որ յայսմ ա-  
ւուր ամենագոր հրամանաւ քով  
հաներ ի ջուրց զեռունս շնչոց  
կենդանեաց, և զկէտս մեծա-

մեծս, և զթռչունս թևաւորս .  
 և Աստուածային օրհնութեամբ  
 քով օրհնեցեր զնոսա աճիլ և  
 բազմանալ ի վերայ երկրի .  
 Արդազաչեմ զանսփոփոխելի տե-  
 րութիւն բարեբարութեան քո,  
 օրհնեա և զիս ստեղծուածս ա-  
 մենակալ ձեռին քո ծննդարեւ  
 լինել զործոց առարքինութեանս  
 Եւ զսերմն հոգևոր կենաց՝ զոր  
 անդատին բնաւորեալ ես ի խո-  
 րրս մտաց խնոց՝ զօրացո զիս  
 աճեցուցանել կենսորեւ խոր-  
 հրրդով ի ձեռն շնորհաց և ո-  
 զորմութեան քո, զոր տաս ա-  
 մենայնի և ոչ նախատես . զի  
 դու նոյն ես, և ամբ քո ոչ  
 պակասին . բանաս զձեռն քո,  
 և լցուցանես զպէտս և զկարիս  
 ամենեցուն յանսպառ զանձուց  
 քոց . Մի թողուր զիս Տէր իմ՝

ամուլ և անբեր զործոց բարու-  
 թեան . մի անտես առնէր զտա-  
 սապեալս ի քոց խնամոց վասն  
 բազմութեան յանցանաց խնոց  
 Առնարհեցո զունկն քո և լուր  
 ինձ . զի ազբատացայ ի բարեաց .  
 ստունգանեցի կենարար սրա-  
 տու իրանաց քոց, և յօժարեցայ  
 հաճել զկամս անձին խնոյ . Յար-  
 դարեցեր զիս տաճար կենդանի  
 արարչութեան քում, և ես զան-  
 ձրն իմ սրատրտտեցի բնակա-  
 րան ստելեաց քոց դիւաց,  
 Աստուծան լուսազգեստ զգե-  
 ցուցեր ինձ ի հոգևոր ծննդեան,  
 և ես արկի զանձամբ հանդերձ  
 խաւարի մեղաց և մահու .  
 Ետուր ինձ սիրտ մարմնեղէն  
 խոկալ յօրէնս քո յամենայն  
 ժամ, և ես աման խորհրդոց  
 անօրէնութեան յօրինեցի . Աստ-

գեցեր յիս ի լսելիս ի լուր պա-  
 առւիրանաց քոց, և ես բացի  
 առ հրապոյրս բանասրկուին :  
 Կազմեցեր յիս լեզու գործի  
 օրհնութեան, և ես չարաչար  
 վարեալ՝ արարի զէն անիրա-  
 ւութեան : Սերմանեցեր ի մի-  
 տրս իմ սերմն բարի առաքի-  
 նութեան, և ես փռչա դժնդակ  
 մոլութեան բուսուցի ընդ այն :  
 Զբարիան գոր սարգեցեցեր ինձ  
 շահիլ նոքօք զկեանս, անմտու-  
 թեամբ իմով փատնեալ ի սնո-  
 տիս՝ ստացայ ինձ մահ և կո-  
 բուստ : Տիրական իշխանու-  
 թեամբ և փառօք պատուեցեր  
 զիս, և ես կամաւ մատնեցի  
 զանձն իմ ի ծառայութիւն մե-  
 դաց : Նւ այժմ առ քեզ ապառի-  
 նեալ ազաջեմ բարեգութ՝ քա-  
 լեա զյանցանս իմ, և նորոգեա

զիս շնորհօք սղորմու թեան քո :  
 Ծարաւի եմ առ քեզ Աստուած  
 իմ, արբո ինձ զշուրդ կենդա-  
 նարար : Ժանգահար եղէ ցան-  
 կութեամբ չարեաց, արկ զիս  
 ի բովս հալոցաց, և սրբեա հը-  
 բով սիրոյ քո : Բաղձանք երկ-  
 բաւորացս տարագիր արա զիս  
 առ ի քէն, կարկատեա առիս  
 զաջղ ամենազօր, և մատու զիս  
 առ քեզ : Փոխանակ մշտնջե-  
 նաւոր և անանց փառաց, ըզ  
 դիւրեղձական և զասպականա-  
 ցուն սիրեցի, մի թողուր զիս  
 ի կամս իմ : Տեղացին ի վերայ  
 իմ թունաւոր նեաք աներեւոյթ  
 թշնամւոյն, լե՛ր ինձ վահան  
 ամբոթեան և տեղի տարախնի  
 ապրեցտ ցանել զիս : Յորհուրդ ք  
 չարեաց հարին զհոգիս ի հա-  
 բուածս անողջանալիս, մատիր

առ իս գթութեամբ, և բժշկեան  
 ամենահոգիս: Թշնամիք  
 զանձն իմ պաշարեցին և ի լա-  
 րրս խարէութեան իւրեանց  
 արգելին, զառթն զգորութիւն  
 քո և եկ ի կեցուցանել զիս:  
 Մերկացուցին զիս անագորունք,  
 և վերս ի վերայ վիրայ յաւե-  
 լին. զի ոչ զգեցայ զգրանն ար-  
 դարութեան, և ոչ եզի ի գլուխս  
 իմ զսաղաւարտն յուսոյն փրկ-  
 կութեան: ոչ առի զվահանն  
 հաւատոյ, և ոչ զսուր բանին  
 Աստուծոյ. այլ դու հզօր և մե-  
 նակար՝ ան զէն և զասպար քո,  
 և արի՛ յօգնել ինձ. խորտակեան  
 զգորութիւն հպարտացեալ բռ-  
 նաւորին, և ասան դու ցանձն  
 իմ թէ փրկութիւն քո ես եմ:  
 Տրամեալ է անձն իմ մրնչե ի  
 մահ, մխիթարեալ զժառայս քո:

Ապերախտ գտայ առ երախտա-  
 լորդ, և բարկացուցի զանբար-  
 կանսլի բնութիւնդ. այլ դու  
 անյիշաչար՝ մի՛ հատուցաներ  
 ինձ ըստ անօրէնութեան իմում,  
 այլ ողորմութեամբ քո քաւեա  
 զիս: Առ քեզ ազաղակեմ ի խո-  
 րոց անդնդոց յոր ընկղմեալս  
 եմ, որպէս Յովնան ի փորոյ  
 կիտին. հան զիս ի վնէս խա-  
 լարի, վերաբերեալ ի լոյս կե-  
 ճացդ յաւիտենից: Խորատու-  
 զեալ եմ յանդունդս մեզաց կո-  
 ըրտեան, մատո զաջդ ամե-  
 նագօր, և փրկեալ զիս:  
 Տանջիմ հանապազ ի խզճէ մը-  
 տայ՝ զի դառնացուցի զքաղց-  
 րագութ՝ Տէրդ իմ. և յոյզդ վա-  
 րանական խորհրդոց աննեքելի  
 տանջանաց՝ ոյ՛ պատրաստեալս  
 մնայ ինձ, իբրև լեռնացեալ ա-



մեհի ալեօք հողմակոծեն զան-  
ձրն իմ. բարերար և անսխակալ՝



հզօր այցելու օգնեա ինձ, և  
հանդարտեցո զմտկեալ ալիս  
խռովութեան մտացս ցօղով  
զթու թեան քո:

Բազմու թիւն անօրէնութեան ի-  
մոյ՝ որպէս հեղեղք սղտորեալք  
զարնանազայր գետոց ողողեցին  
զմեղուցեալս. այլ դու մարդա-

սէր՝ շնչեա զհողմն քաղցրու-  
թեան կամաց քոց, և ցամա-  
քեցո զհոսանս չարեաց իմոց.  
և ողորմութեամբ քով քանեա  
զանօրէնութիւնս իմ, և թուա-  
կից արա սիրելեաց անուանդ  
քում սրբոյ. զի ընդ նոսին փա-  
ռաորեցից զանսխակալ մար-  
դասիրութիւն քո, այժմ և միշտ:



ՈՒՐԲԱԹԻ ԱՒՈՒՐ



Յանոււն Հօր եւ Որդւոյ եւ Հոգւոյն Սրբոյ ամեն :

Հայր մեր որ յերկինս :



Աղօթք սա Հայրն երկնաւոր , ի բանից երանելոյն Յովհաննու զառնեցւոյ :

Էստէս բարի եւ ամենակարող զօրութիւն Աստուած յաւիտենական , որ յայսմ նաւոր հրամայեցեր երկրի , եւ եհան զանասունս եւ զսողունս եւ զգազանս ըստ ազգի . եւ չհանդուրժեալ բնութեամբ բարիդ՝ ա-

րարեր զմարդն ի հողոյ ի պատկեր եւ ի նմանութիւն արարչապետիդ տիեզերաց եւ կացուցեր տէր եւ իշխան բոլորեցունց քո արարածոց . եւ զգուշացուցեր զնա կալ ի պատուիրանի քում եւ ի վայելել զբարիսըն զորս ետուր նմա ճրի եւ առանց փոխարինի ի քումմէ առատութենէ :

Եւ արդ Տէր իմ եւ Աստուած իմ՝ որ զիս հողս անարգութեան այսպիսի անկշռելի բարութեան բարգաւաճեցեր , ես ինքնին հըրապուրանաց թշնամւոյն կենաց անսացեալ՝ պատուիրանաց կենարարիդ հետեցի , եւ օտարացայ ի նմանութենէ հաստողիդ իմոյ Աստուծոյ : Եղծի ըզգեզեցկութիւն կերպարանաց հողւոյս ազգի ազգի անօրէնու-

թեամբ, և ոչ զարհուրեցայ :  
 Աերճացուցեր զիս խնայական  
 մտօր խորշիլ ի շարէն և ընտ-  
 րել զբարին . իսկ ևս վարեալ  
 անմտութեամբ՝ յօժարեցայ ի  
 շարիս : Ամբարձեր զիս ի նը-  
 մանութիւն Աստուածութեանդ  
 քո անձնիշխան կամօք . և ևս  
 ծառայ եղեալ կրից մարմնոյս՝  
 հաւտարեցայ անասնոց անբա-  
 նից : Թողի զլոյս հրամանաց  
 քոց՝ զոր ետուր ինձ առաջնոր-  
 դել նովա զգնացս ստից խնայ ի  
 ճանապարհ ուղիղ երկնից օթե-  
 ւանին . և ևս ընդ խաւար գնա-  
 ցեալ անկայ ի խորխորատ ա-  
 նելանելի կորստեան վիւ :

Այլ դու մարդասէր և երկայ-  
 նամիտ՝ մի՛ խաբառ բարկանար  
 ինձ, և մի՛ սխա պահեր յաւի-  
 տեան . զի ի քեզ անկայ ևս յար-

գանդէ, և դու ևս Աստուած  
 իմ և Տէր : Գթա յիս ի զոր-  
 ծրս ձեռաց քոց, և նորոգեա  
 զխանգարեալ մեղօք պատկերս  
 բարերարութեան քո ի ձեռն  
 Աստուածեղէն շնորհաց քոց :  
 Լուսաւորեա աչս զմտաց խնայ  
 ուղղել զշաւիղս իմ ի ճանա-  
 պարհս օրինաց քոց, Սանձու-  
 կոճեա զերկրաքարշ բաղձա՞ս  
 և զանբան կրիցս բռնութիւն  
 երկիւզիւզ քով սրբով : Աստեա  
 զհողի իմ սիրով Աստուածու-  
 թեանդ քո՝ մատուցանել պա-  
 տարագ օրհնութեան քստ հա-  
 ճոյից բարերարութեան քո :  
 Մի՛ թողուր զիս ի ձեռս թշնա-  
 մոյն փրկութեան խնայ, որ  
 հանդերձեալ՝ է արկանել զիս ի  
 խաւարն արտաքին այլ լեր այ-  
 ցելու բարեգթութեամբ քով, և

փրկեա զիս: Անկաւ բեկաւ զօ-  
րութիւն իմ ի մահարեւր հա-  
րուածոց հակառակորդին, և  
մէջք իմ կցեցանք ի հող ի ծան-  
րութենէ բեռանցս մեղաց. այլ  
զու ողորմած, յարն զբազմա-  
մեղ անձն իմ, և զօրացս զիս  
թօթափել զչարիս, և խոկալ  
զհրամանս օրինաց քոց: Հարայ  
ի թռչոյ աներևոյթ վիշապին,  
և մահ անմեռ կայ առաջի իմ  
յամենայն ժամ. զթա յիս օրհ-  
նեալ և ամենողորմ, և մատո  
ինձ զղեղթափ ապաքինիչ երկ-  
նաձիր շնորհաց քոց. զի կեցից  
և փառաւորեցից զանճառ մար-  
դասիրութիւն քո այժմ և յան-  
ժախճան յաւիտեանս. ամէն:

## ՇԱՔԱԹԻ ԱՒՈՒՐ

Յանուև Հօր և Ռդւոյ և Հոգւոյն  
Սրբոյ ամեն.

Հայր մեր որ յերկինս:

Աղօթ առ սուրբ Երրորդօրբիւն,  
իբանից երանելոյն Յովհաննու  
գառնեցոյ:

Աստուած ամենազալ՝ անբաւե-  
լի և անճառելի, անաշխատ բը-  
նութիւն և անտկարանալի զօ-  
րութիւն, որ յայսմ առաք հան-  
գեար յամենայն գործոց քոց զոր  
արարեր. և օրհնեցեր զնա և  
սրբեցեր ամենիմաստ խոր-

հըրդով և կանխագիտութեամբ  
քով:

Արդ ես ծնունդ մեզաց՝ անկե-  
տալ կամ յախտ դառնագին ցա-  
ւոց հոգեկան վնասուց, զոր  
շնչեաց յիս հողմն մահածին իշ-  
խանին խաւարի, և ոչ գոյ ինձ  
հանգիստ ի դժնդակ տանջանացս:  
Այլ դու ամենագոր՝ ապաքինեա  
զանբժշկելի հիւանդութիւն հոգ-  
ւոյս աննահանջելի հրամանաւ  
քով, և հանգո զիս յանհնարին  
տանջանացս՝ որով հասեալ կամ  
ի դրունս մահու. զի ամենայնի  
կարող ես և հգոր, և չիք քեզ  
իր անհնարաւոր:

Սէր երկրաւորացս և բաղձանք  
հեշտալեաց գերեալ գերբեալ  
զմիտս իմ՝ չարաչար վշտօք ծա-  
ռայեցուցանեն զիս հանապազօր  
ի զգալիս և ի սնտախ, և ոչ

երբէք տան դու և դադար ո-  
զի առնուլ, և խոկալ խորհիլ  
դելս աղատութեան յանտանելի  
կրիցս կարեաց և դառն աշ-  
խատութեանցս: Եւ ահա աղա-  
չեմ քեզ բարերար՝ որ փրկու-  
թիւնդ ես ամենայնի և դիւրիչ  
վշտաց նեղելոց, տուր ինձ զը-  
տանել ելս ի տառապանաց աս-  
տի յաղատութիւն մշտնջենա-  
ւոր կենաց և անանց հանգըս-  
եան, յորմէ մերժեալ են ցաւք  
և հեծութիւնք:

Ալիք յանցանաց յուզեալք ի  
հողմոյ հրապուրանաց բանսար-  
կուին բաղխեն զնաւակ մարմ-  
նոյս շինուածոյ, և սպառնան  
խորասոյզ առնել յանդունդս  
խաւարի անզերժ տանջանաց:  
Իսկ դու բարեգութ փրկեա զիս  
ի վշտացս ամենագօր աջովդ շը-

նորհի, և հաստ ի նաւանան-  
գիատն խաղաղութեան երկնա-  
յին յարկի, ուր ամբարեալ պա-  
հին ամենայն գործք բարեաց  
և անզբաղ բերկրութիւնք:

Մի թողուր զիս Տէր Աստուած  
իմ ի կամս անձին իմոյ, զի մի  
ըստ յօժարութեան ապական-  
եալ բնութեանս ասորաքարշ  
եղեց յանցնուորս և ի սնտիս.  
և մի՛ ի բացեայ առներ յինէն  
նահանջելով զնպաստս շնորհաց  
և ողորմութեան քս վասն ա-  
նօրէնութեան իմոյ. այլ ըստ  
սովորական մարդասիրութեան  
քում խնայեալ իս ի սակզծուա-  
ծքս քո՛ որ առ քեզ ազազա-  
կեմ կողկողագին հեծութեամբ:  
Ղուր ինձ անոխակալ, գթա մար-  
դասէր, ներեա անյիշաչար,  
և ողորմեա բազմամեղ անձին

իմոյ, ըստ մեծի ողորմութեան  
քում. արա առ իս նշան բարի  
ի փառս անուանոց քում սրբոյ,  
և քաւեա զմեղս իմ ի ձեռն ա-  
մենաբաւական շնորհաց քոց.  
զի քաղցր ես դու Տէր, և զը-  
թութիւն քո անչափ:

Ազաչեմ քեզ մարդասէր՝ զի  
մատներ զիս ի ձեռս զժոխորո-  
վայն զազանաց, որ բացեալ ըզ  
կողորդս իւրեանց՝ խնդրել կե-  
ղեքել զհոգի իմ ամենածախ  
ժանեօք. հար զնոսա զօրու-  
թեամբ բազկի քո ի հարուածս  
անողջանալիս, և գէրծո զիս  
զժառայս քո ի մահաբեր վասն-  
զէս. զի դու ես փրկութիւն իմ  
և կեանք, և առ ի քէն է օգնու-  
թիւն իմ յամենայն ժամ: Տա-  
րակուսեալ վարանին վասն  
բազմութեան մեղաց իմոյ, յոր-

Ժամ նկարեմ առ աջի աչաց տե-  
սու թեան մտացս զդատաստանն  
անաչառ զմերկապարանոցյան-  
դիմանու թիւնն ամենայն գոր-  
ծոց, զպատիժն սոսկալի մե-  
ղանորաց և անդարձից, զհու-  
րն անշէջ, զորդնն տնման, և  
զդատապարտու թիւնն յաւիտե-  
նական:

Եւ քանզի ոչ կարեմ իմովս դո-  
րու թեամբ թօթափել յանձնէ  
զբեռինս մեղաց, և ազատիլ  
յարժանահաս պատժոցս. վասն  
որոյ անձամբ բեկելով զոչեմ  
առ քեզ մարդասէր, զորձակից  
բեր ինձ ի դառնալ յետս յանօ-  
րենու թեան գնացից իմոց՝ և  
զիմել առ քեզ յամենայն դո-  
րու թենէ, և ի մտաց, և սրտա-  
սուչ զղջմամբ գտանել զթողու-  
թիւն և զշնորհս, և ողորմու-

թեամբ քով արժանաւորիլ ընդ  
սուրբս քո մշտնջենաւոր հան-  
գրատեան յարքայու թեան քում  
յերկինս, և ընդ նոսին փառա-  
ւորեալ անլռելի գոհաբանու-  
թեամբ զամենազօրտէրու թիւն  
քո յամենայն յաւիտեանս ա-  
մէն:





Ա Ղ Օ Թ Բ

**Ի ԴԷՄ Ս. ՊԱՏԱՐԱԳԻՆ**

Երբ սակ Քա՛ւակայն՝ Տէր Աստուած մեր  
որոյ կարողութիւնդ անքննին է .

Դու սաա

Տէր իմ՝ անքննելի է Աստու-  
ծոջ իմոյ կարողութիւն . և ան-  
ման և անհասանելի են փառք  
քո . որպէս ողորմութիւնդ ան-

չափ է , նոյնպէս և զթու թիւնդ  
անբաւ :

Ազաչեմ գրեզ՝ բարեխօսու-  
թեամբ սրբոյ քահանայիս , յա-  
ռատ ողորմութենէդ նայեաց ի  
սուրբ Տաճարս և յամենայն ժո-  
ղովուրդս . նաև յիս անարժա-  
նքս , և համարեա զիս աղօթա-  
կից սոցին , և պարզեա առա-  
տապէս զողորմութիւնդ քո .  
վասն զի փառաբանիչ եմ սուրբ  
Երրորդութեանդ :

Երբ սակն զՍուրբ Աստուածն .  
եւ մեծաւորն համբուրե զԱւետարանն :

Համբարելով սղջունեցից բա-  
նից սրբոց Աւետարանչացն , վա-  
սըն զի կարօտ եմ ի լսել զգործս  
Աստուծոյ :



Քահանայն ի ծածուկ ասէ. Տէր Աստուած մեր զբազկատարած զաղաչանս

Արարիչդ իմ Աստուած՝ որ ըզմեր հոգեզէն բնութիւնս արժանաւորեցեր ըստ դասուց վերնոցն քեզ փառարանութիւն մատուցանել. արժանի արա զանպիտան ծառայս քո՝ հզօրիդ փառս տալ այժմ և յաւիտեանս:

Դպիրքն՝ Տէր ողորմեա:

Ակն ունիմ առ քեզ Տէր և ազաչեմ. ողորմեա ինձ ի մեծ ողորմութենէդ քումմէ՝ զթալով ի ծառայս քո, և առաքեա ի վերայ իմ զողորմութիւնդ քո:

Քահանայն՝ Զի ողորմած և մարդասէր:

Մարդասիրին Աստուծոյ և ո-

ղորմածին տաց փառս և պատիւ այժմ և :



Երբ կարդաս զԱւետարանն:

Ազաչեմ զքեզ Տէր իմ Յիսուս Քրիստոս, բաց զլսելիս իմ. սրբեա զմիտս իմ, արժանի արա լսելոյ բանից սրբոց Աւետարանիս քոյ, անմոռանալի մտօք:

պահել զհրամայեալսն ի սժանէ  
յորում փառք քեզ Աստուած:

Եւ ասա զՀաւատամքն յնան, եւ երբ  
ասեն եւ ևս խաղաղութեան:

Սաղազութեանց տուող Հայր  
Աստուած. մարութիւնք և անբիծ  
հաւատով ի ժամ պաշտամանց  
ազօթից՝ աղաչեմ զքեզ. որպէս  
զի արժանի ընդունելութեան  
արասցես և լուիցես զձայն ա-  
ղաչանաց իմոց. և ողորմու-  
թեամբ քով թողուցուս զյան-  
ցանս իմ. Տէր իմ աղաչեմ ըզ  
քեզ՝ զի յամենայն ժամ մտցէ  
տղերս անարժանիս առաջի քոյ,  
զի անաւոր և մեծ է տէրութիւնդ  
քո. և տուր ինձ միաբան լի-  
նել ընդ սուրբս քո ի մի հաւա-  
տըս վաստակիլ բարեմտու-  
թեամբ ի գործս արդարութեան.

և պահեսցես ի վերայիմ զԸ-  
նորհս արդարութեան և ողոր-  
մութեան քոյ Աստուած ամենա-  
կալ աղաչեմ կեցո և ողորմեա:



Բահանայն ի ծածուկ Տէր մեր և փրկիչ:  
Քրիստոս Արզի Աստուծոյ՝ որ  
վասն մեր համբերեցեր մահու

Սաչի . և զչարչարիլ յանձն ա-  
ռեր . և զառատապարզ և սուրբ  
Հոգին հանգուցեր յառաքեալսն  
Աղաչեմ զքեզ՝ արժանի արա և  
զիս առատ քոյին պարզեացդ  
մաքրելով ի մեղաց :

Բահանայն՝ Որպէս զի արժանաւորք :

Ընդ ամենեւեան արժանաւո-  
րապէս իառաւորեմ զՀայր և  
զՈրդի և զսուրբ Հոգին այժմ  
և յաւիտեանս . ամէն :

Բահանայն՝ Խաղաղութիւն ամենեցուն :

Քեզ իրկչիդ իմոյ անկեալ եր-  
կիրպագանեմ . վասն զի դիտող  
ես ամ ենայն խորհրդոց և գոր-  
ծոց . Աղաչեմ՝ զքեզ պահեա  
զիս յերկիւզէ չարեաց , և նման  
քոյին ճշմարիտ երկիրպագո-  
ղաց զիս զանարժանս համա-

րեա , զի և ես ճշմարիտ հոգ-  
ւով Քրիստոսի Աստուծոյդ իմոյ  
այժմ և միշտ և հանապազ եր-  
կիւղիւ երկիրպագանեմ . վասն  
զի քեզ սուրբ Երորդու թեանդ  
վայելէ իառաք պատիւ այժմ և  
միշտ և :

Սարկաւագ՝ Մի՛ ոք յերեխայից , մի ոք  
ի Թերեհաւատից :

Աղաչեմ զքեզ Տէր՝ մի համա-  
րիր զիս ընդ երախայսն , և մի  
ընդ այնոսիկ՝ որք թերագոյք  
են ի հաւատս դաւանութեան .  
այլ ի յազգէ մինչև յազգ զքեզ  
ժանեայ հարցն մերոց Աստ-  
ուած . և ճանաչեմ Աստուած  
Աբրահամու և Աստուած Իսա-  
հակայ և Աստուած Յակոբայ ,  
և աղաչեմ՝ զի մի ընդ անմա-

քուր ապաշխարողս համարեացիս զմերձ կալս իմ առաջի քո:

Դպիրքն՝ Մարմին տէրունական և:

Քրիստոսի Աստուծոյ տէրունական մարմնոյդ և փրկական արեանդ առաջի՝ հրեշտակային զօրութիւնքն յաներևոյթս երգեն, որպէս քեզ վայելէ՝ սըրբասացութիւն Տեառնդ զօրութեանց. և որ զիմ նուաստութիւնս արժանաւորեցեր փառաբանիչ լինիլ, ընդ նոսին նուագելով, սուրբ Տէր՝ սուրբ Տէր՝ սուրբ Տէր. և Որդի Աստուծոյ և Տէր զօրութեանց քեզ փառք յաւիտեանս. ամէն:

Սարկաւագն՝ Սաղմոս ասացէք Տեառն Աստուծոյ:

Տէր իմ Յիսուս Քրիստոս փառք

քեզ. որ վասն մեր փրկու թեան խոնարհեցար և յանձն առեր պատարագիլ ի միջի մերում մարմնով և արեամբ քով սըրբով:

Դպիրքն եղանակեն զՍրբասացութիւնն:

Քրիստոս Աստուած՝ որ խոնարհեցար մարմնով և արեամբ քո զալ ի պատարագիլ գառնդ անարատ. և հրեշտակային սպասաւորութեամբք լցեր զեկեղեցի քո սուրբ. և զիս զանարժանս արժանաւորեա ընդ նոսին զսրբասացութիւն քեզ մատուցանել. ամէն:

Սարկաւագն՝ Եւ ևս խաղաղութեան:

Սաղաղութեանց տուող Քրիստոս Աստուած՝ անկանիմ յաղօ-

Թըս առաջի սուրբ սեղանոյդ  
 Աստուծոյ . և աղաչեմ զքեզ  
 անիւ մեծաւ, ոչ խղճիւ զայ-  
 Թակզելով, ոչ սրտիւ խորա-  
 մանկելով, ոչ պատրանօք խա-  
 բողին, և ոչ երկմիտ և թերի  
 հաւատով . այլ աղաչեմ՝ յաղ-  
 թեա խաբողին, և պահեա յու-  
 ղիղ վարս, ի պարզ միտս, և  
 միամիտ սրտիւ ունիլ զկատա-  
 րելապէս հաւատս հատուցա-  
 նել զփոխարէն սիրոյ քոյ : Նը-  
 նորհեա ինձ Տէր առաւելուլ ի  
 յամենայն գործս բարութեան .  
 անկեալ կամ յաղօթս առաջի  
 սուրբ սեղանոյդ Աստուծոյ ի-  
 մոյ . և խնդրեմ գտանել զո-  
 ղորմութիւն քո ի մեծի աւուր  
 յայտնութեան քոյ, Յիսուս Քր-  
 իստոս փրկիչ իմ կեցո և ո-  
 ղորմեա :

Քահուսայն ի ծածուկ՝ Տէր Աստուած  
 զօրութեանց և :

Թագաւոր յաւիտեանց՝ քո են  
 ամենայն արարածք և զօրու-  
 թիւնք . և զմեր հողեղէն նը-  
 ւաստութիւնս սիրեցեր մար-  
 դասիրութեամբդ . և խոնար-  
 հեցար ի մեր մարդկային սպա-  
 սաւորելն : Աղաչեմ զքեզ Տէր՝  
 զի և ինձ լիցիս ի բժշկութիւն  
 շնորհօք մարդասիրիդ Աստու-  
 ծոյ և Տեառնդ իմոյ Յիսուսի  
 Քրիստոսի . ընդ որում քեզ Հօր  
 և Հոգւոյդ սրբոյ փառք յաւի-  
 տեանս . ամէն :

Սարկաւագն՝ Ողջոյն տուք միմեանց :

Մերձ առ դուռն կենաց անկեալ  
 կամ առաջի Տեառնդ իմոյ աղօ-  
 թելով և աղաչեմ արժանաւոր-

եա զիս Տէր Աստուածային խոր-  
հըրդոյս :

Սարկաւազն՝ Ահիւ կացցուք երկիւղիւ  
կացցուք :

Մեծ է ան և երկիւղ քո ի վե-  
րայ իմ շնորհեա բարւոք զգու-  
շանալ ինձ առ քեզ՝ Տէր իմ և  
Աստուած :

Սարկաւազն՝ Պատարագ Քրիստոս մատ:  
Քրիստոս գառն Աստուծոյ՝ որ  
մատչիս պատարագ վասն փրկ-  
կու թեան մերոյ . դու ես ողոր-  
մու թիւն և պատարագ խաղա-  
ղութեան , և արժանի օրհնու-  
թեան :

Քահանայն՝ Շնորհք սէր և աստուածա-  
յին սրբարար :

Հայր և Որդի և սուրբ Հոգի՝  
հանգո ի վերայ իմ զշնորհս և

զսէր քո Աստուածային զօրու-  
թեանդ՝ զոր ետուր մեզ պա-  
տարագիլ ի քահանայէս , հա-  
տո զփոխարէն ընդ հոգւոյ  
սորա :

Սարկաւազն՝ Զդրունս զդրունս ամե :

Աստուած իմ առ քեզ ի վեր ըն-  
ծայեցից զմիտս իմ սրբու թեամբ  
Աստուածային երկիւղիւղ . և  
առ քեզ ունիմ զյոյս իմ Տէր  
ամենակալ :

Սարկաւազն՝ Եւ գոհացարուք զՏեառնէ :  
Գոհանամ արժանաւորապէս բո-  
լորով սրտիւ իմով զմի թարիչ  
սուրբ Հոգւոյդ :

Քահանայն իծածուչ՝ Արժան է ստուգա

Գիտեմ Տէր՝ վասն զի ոչ բաւ-  
հանդուրծել և կալ առաջի ք

երամ դասուց հրեշտակաց ի  
 լուսափայլ շնորհաց Աստուա-  
 ծութեանդ . ով Տէր Աստուած  
 իմ՝ մեծ են շնորհք Աստուա-  
 ծութեանդ քոյ . զի զմեզ ար-  
 ժանի արարեր զքոյին Աստուա-  
 ծային մարմինդ ի միջի մերում  
 պատարագ մատուցանել . և հա-  
 ճելի եղև մեր սպասաւորելն  
 Աստուածութեանդ քում ընդ  
 սերովբէիցն և քերովբէիցն մի-  
 աճայն համարձակելով և ընդ  
 նոսին ասելով . սուրբ սուրբ  
 Տէր զօրութեանց՝ լի են երկինք  
 և երկիր փառօք քո :

Բահանայն ի ծածուկ՝ Սուրբ սուրբ  
 սուրբ ես նշմարտապէս և :

րհնեմք զքեզ Աս.....ձ Հայր  
 նդ Արդւոյդ միածնի և ազա-

տիչ սուրբ Հոգւոյդ , որ ոչ ան-  
 տես արարեր զպարտեալն ի ձե-  
 ոաց մահու զնախնի հայրն մեր .  
 և զամենեանս , զորս քեզ  
 յորդեգրութիւն կոչեցեր մկրթ-  
 ութեամբ սուրբ աւագանին .



և վասն մերոյ փրկութեան ու-  
 ռաքեցեր զՈրդիդ սուրբ մար-

մնանալ ի սուրբ կուսէն, բառ-  
նալով զդատապարտու թիւնյան  
ցանաց նախամօրն մերոյ որ  
վասն մեր ի մարդոյս զչարչա-  
րիլն մարդասպէս կրեաց և զմե-  
ռանիլն կամաւ հօրդ յանձնէառ:  
Զքեզ Որդի Աստուծոյ փառա-  
ւորեմ, որ ետուր մեզ հաւա-  
տացելոցս ի մխիթարութիւն  
ընդ սրբոյ մարմնոյ քում և ընդ  
պատուական արեանդ զհացն  
կենաց, և զբաժական փրկութեան  
ի մաքրումն. ազաչեմ զքեզ Տէր  
արժանաւորեա զիս զանարժա-  
նըս լինիլ տանար մարմնոյդ  
սրբութեան, և բաժակի սրբոյ  
արեանդ բնակարան:

Յայտնի է Տէր՝ զի ոչ կարէ կեալ  
առաջի քոյ երկինք երկնայնօք,  
և երկիրս երկրայնօք. այլ վա-  
սըն զի քո եղև կամքդ:

Քահանայն՝ Առէք կերէք, և արբէք  
ի սմանէ:

Աստուած մարդասէր որ առա-  
քեցեր զՈրդիդ քո, և նորին  
Աստուածային կարողութեամբ  
բըն զհայրական զթութիւն քո  
ծանեաք. վասն զի Աստուա-  
ծասպէս էր խաչիլն կամօք վա-  
սըն մեր. սոյնպէս ժուժկալու-  
թիւն երեքօրեայ թաղմանն, և  
երանաւէտ յարութիւնն. և Աս-  
տուածային համբարձումն փա-  
ռօք հօրդ, և ընդ ազմէ քումմէ  
նստիլն. զորս հաւատամ և  
երկիրսպագանեմ:

Քահանայն ի ծածուկ՝ Զահաւոր զփա-  
ռաւորեալ զմիւսանգամ:

Զքեզ Քրիստոս Որդի Աստուծոյ  
յանարատ կուսէն ծնեալ հաւա-



տամ. և միւսանգամ գալատեան  
նրդ ակն ունիմ. և զքեզ փա-  
ռաւորելով օրհնեմ յամենայնի  
օրհնեալ:

Քահանայն ի ծածուկ՝ Ջքեզ արդարև  
Տէր Աստուած մեր գովեմք:

Տէր՝ մեծ և անառք է խոր-  
հուրդս այս խոնարհութեանդ  
քում. օրհնեմք զքեզ. զի սո-  
վաւ զմեզ գունայնացեալս ոչ  
անտեսս արարեր. այլ սեպհա-  
կանեցեր. և զքեզ Տէր Աստուած  
գովեմք և փառաւորեմք յաւի-  
տեանս ամէն:

Քահանայն ի ծածուկ՝ Երկիրպագանեմք՝  
և աղաչեմք և խնդրեմք ի:

Յիշեա Տէր՝ զի դու միայն ես  
մաքուր ի մեզաց անարատ և  
անապական Հոգի Աստուծոյ.

քանզի ամենեքեան ի սաստե-  
քումմէ որպէս մոմ ի հուր հա-  
լիմք. և ունիմք զքեզ միջնորդ  
և վասն մեր բարեխօս և պա-  
տարագիչ փրկական մարմնոյ  
և արեան փառակցին քում սըր-  
բոյ՝ ընդ ձեռամբ սուրբ քա-  
հանայիս:

Աղաչեմք զքեզ Տէր, զի մար-  
դասիրութեամբ քոյ արժանա-  
ւորեցեր հանգուցանել ի վերայ  
սորա զշնորհս Հոգւոյդ սրբոյ.  
վասն զի մեր ամենայն հաւա-  
տացելոցս ի քեզ՝ յիւրաքան-  
չիւր կերպս և ի կարիս որք  
կենդանիքս եմք այժմ, և որք  
հանգուցեալք են ի քեզ, ընդ-  
հանուր ամենեքեանս սորին  
պատարագչութեամբն հաստա-  
տեալ կամք ի յոյս և ի հաւատս  
մեր:

Քահանայն՝ Ընդ որս և մեզ այց արաս :  
 Աղաչեմ ներեա Տէր , այց արա  
 և ինձ մեղուցելոյս . որպէս զի  
 լուացայց ի մեղաց յառաջ քան  
 զելանելն իմ յաստեացս և այլ  
 ոչ ևս դարձայց :



Քահանայն՝ Աստուածածնին սրբոյ կու :  
 Ի սուրբ Պատարագիս յիշատա

կեսցի ամենասուրբ մայրդ Աս-  
 տուծոյդ . և ամենագովելի մը-  
 կրտիչն . և նախավկայն քո .  
 աղաչեմ յիշեա Քրիստոս Աստ-  
 ուած և զիս զանարժանս նըն-  
 ջեցելովք իմովք և ողորմեա  
 ինձ :

Սարկաւագն՝ Առաքելոց սրբոց :

Յիշատակաւ սուրբ Առաքելոցն  
 որք դարձուցին զաշխարհս ի  
 կոոցն ի սլաշտելութենէ յԱստ-  
 ուած զիտութիւն , աղաչեմ յիշ-  
 եա զիս զանարժանս ննջեցելովք  
 իմովք :

Սարկաւագն՝ Առաջնորդացն մերոց :

Սուրբ Առաջնորդացն և մերոց  
 Հայրապետացն՝ և որք զմեզ  
 լուսաւորեցին ի հաւատս սուր-  
 բըս , յիշատակաւ նոցին աղա-

չեմ յիշեա և զիս Տէր զանար-  
ժանս ննջեցելովք իմովք ի սուրբ  
պատարագս

Սարկաւազն՝ Միանձնացելոց :

Աղաչեմ զքեզ Տէր՝ աղօթիւք  
սրբոց Միանձանց ճգնաւորացն,  
և որոց նոցա աշակերտեցան,  
սուրբ պատարագիս յիշատա-  
կան զանարժանս ննջեցելովք  
իմովք յիշեա :

Սարկաւազն՝ Թագաւորաց հաւա :

Ըստ որում յիշատակէ սուրբ  
պատարագս զթագաւորան և ըզ  
հաւատացեալ իշխանան, աղա-  
չեմ և զանարժանս իմովք նրն-  
ջեցելովքս յիշեսցես ողորմու-  
թեամբ քով :

Սարկաւազն՝ Ընդհանուր ամենայն հա-  
ւատացելոց :

Տէր Աստուած՝ յուսովն մեր ա-  
կըն ունիմք ի շնորհս սուրբ  
պատարագիս, զի սովաւ եղիցի  
յիշատակութիւն ընդհանուր  
հաւատացելոց ի քեզ . և ոչ  
անտես առնելով զարս և ըզ  
կանայս, զծերս և զմանկունս,  
և որք ի չափ հասակի առ քեզ  
են հանգուցեալք, Աղաչեմ ըզ  
քեզ Քրիստոս Աստուած, զի և  
ինձ անարժանիս՝ և ամենայն  
հաւատայեալննջեցելոցն սուրբ  
պատարագս եղիցի յիշատակ .  
Տէր Աստուած կեցո և ողորմեա :

Քահանայ ի ծածուկ՝ Յիշեա Տէր :

Աստուած յաւիտենական՝ աղա-  
չեմ զքեզ յերեսս անկեալ մաղ-

Թանօք. զի շնորհօք ողորմու-  
թեանդ քոյ պահեսցես անշարժ  
հաստատու թեամբ զբնակարան  
երկնաւոր զօրու թեանցդ՝ զտե-  
ղի ապաստանիս զսուրբ և զա-  
ռաքելաշնորհ Վաթուղիկէ Նկե-  
ղեցիս, Նախկոպոսապետօք և  
Նախկոպոսօք, Քահանայիւք և  
Սարկաւազօք, և զամենայն  
ժողովուրդն. ամէն:

Սարկաւազն՝ Գոհուծիւն և փառաբա-  
նուծիւն:

Քեզ Աստուծոյդ խնայ տայց զան-  
շախ գոհութիւն և զբառա-  
բանութիւն, որ արժանաւորե-  
ցեր զմեզ սրբոյ պատարագիս:  
Գու Տէր՝ որ ի յերկնից իջեր ի  
վերայ երկրիս, խնդրելով զկո-  
րուսեալ և զմոլորեալ ոչխարս.  
Վասն զի դու ես հովիւ բարի՝

որ եղեր զանձն քո ի վերայ  
բանաւոր հօտիս. և յաշխարհ  
եկիր՝ զի զմեղաւորսն կեցու-  
ցես սրբութեամբ, որ և ա-  
ռաջինն ես եմ կորուսեալ. ո-  
ղորմեա ողորմած, և յարարա-  
ծրս քո զթա, զթասէր. ողոր-  
մեա և ստեղծուածոյ ձեռին քո՝  
և Հայրապետիս մեր (այս անունն)  
կեալ որպէս վայելէ Հայրապե-  
տայ սրբոց: Ընդ նմին սլար-  
գեւա շնորհս Քահանայից՝ որք  
այժմ աստ, և ընդ ամենայն  
տիեզերս սրբոյ պատարագի մա-  
տուցանողք են: Գարձեալ ա-  
ղաչեմք զքեզ Տէր. զի տացես  
յաղթութիւն թագաւորաց Բը-  
րիստոնէից՝ կալ ի պատերազմի  
ընդդէմ հակառակի Սաչին Քը-  
րիստոսիդ: Գարձեալ աղաչեմ  
զքեզ սուրբ Երրորդութիւն,

վասն ամենայն հաւատացելոց  
ննջեցելոց . առաւելապէս և  
վասն թագաւորաց մեծոց, որք  
վերստին հաստատեցին զազգս  
Հայոց . սոյնպէս և զիս զա-  
նարժանս այժմ, մանաւանդ և  
զննջեցեալսն մեր, զթալով յի-  
շեացես . հանգո Քրիստոս եւ  
ողորմեաց ամենայնի:

Բահանայն ի ծածուկ՝ Յիշեա Տէր:

Աղաչեմ, յիշեա Տէր և ողոր-  
մեաց այնոցիկ՝ վասն որոց սուրբ  
պատարագս մատչի . և մեզ ա-  
մենեցուն գտանել զհոգեւոր  
պէտս և զմաքրութիւն մար-  
մնոյ . Աղաչեմ, հան յինէն ըզ  
սիրտ քարեզէն . և շնորհեա ա-  
ռատաձեռն լինել ինձ առ պէ-  
տրս սրբոյ եկեղեցւոյ քո, տալ  
և աղքատաց վասն սիրոյ՝ և

զհարիւրապատիկն առից . հան-  
գո և զննջեցեալսն մեր, վասն  
զի ի քեզ յանձն արարաք յի-  
շատակութիւն . և քեզ վառք  
յաւիտեանս . ամէն :

Բահանայն՝ Եղիշի ողորմութիւն:

Օրհնեալ ես Քրիստոս Աստուած  
մեր, որ արժանաւորեցեր ըզ  
մեզ շնորհաց և ողորմութեան  
քում, պարգևիլ մեզ սուրբ  
բահանայիւս : Վասն որոյ՝ ըզ  
քեզ ընդ Հօր և սուրբ Հոգ-  
ւոյդ վառաւորեցուք, այժմ  
և յաւիտեանս ամէն :

Բահանայն ի ծածուկ՝ Աստուած օրշ-  
մարտութեան և Հայր ողորմութեան:

Տէր իմ և արարիչդ՝ որ ոչ  
զարշեցար ի մէնջ կոչել զմեզ  
յորդեզրութիւն Հօրդ երկնաւո-

րի. և մեք այսուհետև համարձակեցաք Հայր ասել. թէպէտ և ոչ եմք արժանի: Բայց արդ՝ այժմ սկսայց խօսիլ առ Տէրդ իմ. քանզի ես հող եմ և մոխիր իսկ, որդն եմ և ոչ եմ մարդ, նախատինք մարդկան և արհամարհանք ժողովրդոց. տուր ինձ բան՝ որ բանայ զբերան իմ. զի ի քէն են ամենայն տուրք բարեաց, և ամենայն պարգևք կատարեալք ի վերուստ իջեալ ի Հօրէն լուսոյ, Պաղատիմ անարժանապէս և աղաչեմ աղերսանօք. զի մի դարձայց տառապանօք: այլ հանդիպիլ արժանաւորեցայց, յոր յուսամ. և այսպէս եկից ուրախութեամբ և հաստատեալ սրտիւ իմով առ քեզ:

Ողորմեա ինձ Աստուած ըստ մե-

ծի ողորմութեան քում, զի ի քեզ յուսացաւ անձն իմ. ողորմեա ինձ Տէր զի հիւանդ եմ ես. ո՞վ բժիշկ հողոց և մարմնոց՝ ահա մերձ կամ ահաւոր բեմիդ քոյ. բուռն հարեալ զանարատ ոտից քոց. այսպէս պաշտիմ և աղաչեմ հանդերձ սրտիւ բեկելով և խոնարհութեամբ. քաւեա զիս զմեղաւորս. թողութիւն արա ինձ անպիտանիս և տառապելոյս, նայեաց ի սուրբ բնակութենէ քումմէ ի վերայ իմ եղկելոյս:

Քահանայն՝ Եւ տուր մեզ համարձակաձայն բարբառով:

Ամենակալ Աստուած՝ և ամենայն գոյիցս արարիչ, որ զայս հրամայեցեր Արդևով քով ուսանիլ մեզ աղօթելով առ Հայ-

ըրդ. ոչ առաւելարանել իբրև  
զհե թանոսս, այլ ասեմք. Հայր  
մեր որ յերկինս, սուրբ եղիցի  
անուն քո. եկեսցէ արքայու-  
թիւն քո. եղիցին կամք քո  
որպէս յերկինս և յերկրի. Ըզ  
հաց մեր հանապազորդ՝ տուր  
մեզ այսօր. թող մեզ զպարտիս  
մեր՝ որպէս և մեք թողումք  
մերոց պարտապանաց. և մի  
տանիր զմեզ ի փորձութիւն.  
այլ փրկեա զմեզ ի չարէ. զի քո  
է արքայութիւն և զօրութիւն  
և փառք յաւիտեանս յաւիտե-  
նից. ամէն:

Քահանայն ի ծածուկ՝ Տէր Տէրանց Աս-  
տուած Աստուծոց:

Յամենայնի Տէր մեր Յիսուս  
Քրիստոս՝ զքեզ ազաչեմ. մի  
տար զիս ի փորձութիւն և

մի՛ ի դատապարտութիւն. այլ  
ողորմեա և փրկեա և ապրեցո  
յամենայն չարեաց. վասն զի  
քո է արքայութիւն և փառք  
յաւիտեանս. ամէն:

Քահանայն ի ծածուկ՝ Որ աղբիւրդ ես  
կենաց և բղխումն:

Բղխեա ծարաւելոյս ի շնորհաց  
սուրբ հոգւոյդ, վասն զի քո  
առաջի անկեալ երկիրպագա-  
նեմ արժանաւորիլ Աստուածա-  
յին լուսոյդ:

Քահանայն՝ Քրիստոսի Յիսուսի:


Քրիստոսի Յիսուսի Որդւոյդ Աս-  
տուծոյ տացուք փառք Տեառնդ  
մերոյ այժմ և յաւիտեանս:

Սարկաւագն՝ Պոսիսումէ:

Առաստուվանիմ և հաւատամ զի

դու ես Որդի Աստուծոյ, որ  
բարձեր զմեզս աշխարհի. դու  
ես միայն սուրբ. դու ես միայն  
Տէր իմ Յիսուս Քրիստոս:

Յորժամ Քահանայն բարձրացուցակ  
զՍկիհն ահնէրէն ժողովրդեանն:



Երկիրպագանեմք քեզ Քրիս-  
տոս՝ փրկութիւն աշխարհի,  
բան Հօր, պատարագ կենդանի,  
ճշմարիտ մարմին անարատ  
Աստուածութեան, և կատար-

եալ մարդ, որպէս բերանովս  
խոստովանիմ, նոյնպէս և հոգ-  
ւոմս դաւանիմ և հաւատամ:  
Ազաչեմ զքեզ Որդի սուրբ Աս-  
տուած Տէր ամենակալ՝ շնորհել  
մեզաց իմոց թողութիւն, և  
տալ ծառայիս հոգի զգաստու-  
թեան. որ և փրկեցայց քեւ  
ի յախտենական հրոյն վասնկա-  
մաւոր շարժարանաց քոց, զի  
դու ես ճշմարիտ Բառն Աստու-  
ծոյ՝ որ բաշխիս ի փրկութիւն  
ազգի մարդկան, և բառնաս  
զմեզս աշխարհի: Հաւատամ  
յամենասուրբ Երրորդութիւն ի  
Հայր և յՈրդի և ի սուրբ Հո-  
գին. հաւատով ճաշակեմ զսուրբ  
և զկենդանարար Մարմինդ քո  
ի քաւութիւն և ի թողութիւն  
մեզոց իմոց. հաւատով ըմպեմ  
զանապական և զմեղսաքաւիչ



Արիւնդ քո սուրբ ի թողու թիւն  
մեզաց խնոց :

Քահանայն՝ Օրհնեալ Հայր սուրբ :

Օրհնեմ գրեզ Հայր սուրբ Աստ-  
ուած ճշմարիտ . և հաւատամ  
ընդ որդւոյ և ընդ սուրբ Հոգ-  
ւոյդ :

Քահանայն՝ Օրհնեալ Որդիդ սուրբ :

Օրհնեմ գրեզ Որդիդ սուրբ Աստ-  
ուած ճշմարիտ . և հաւա-  
տամ ընդ Հօր և ընդ Հոգւոյն  
սրբոյ :

Քահանայն՝ Օրհնեալ Հոգիդ սուրբ :

Օրհնեմ գրեզ Հոգի սուրբ Աստ-  
ուած ճշմարիտ և հաւատամ  
ընդ Հօր և ընդ Որդւոյ : Խոս-  
տովանիս զՅրրորդու թիւնդ ան-

բաժանելի և զմիասնական Աս-  
տուածու թիւնդ . ամէն :

Քահանայն ի ծածուկ՝ Նայեաց Տէր մեր  
Յիսուս Քրիստոս յերկնից :

Որ ի Հօրէ ոչ մեկնեցար Որ-  
դիդ Աստուծոյ . այժմ է ի միջի  
մերում շնորհք սուրբ Հոգ-  
ւոյդ . արժանաւորեա և զիս զա-  
նարժանա՝ գտանել ողորմու-  
թիւն ի քէն :

Քահանայն ի ծածուկ՝ Տէր Աստուած  
մեր որ կոչեցեր զմեզ :

Աստուած յաւիտենից , որ շը-  
նորհիւ սուրբ աւագանին ի քը-  
րիատոնէու թիւն կոչեցայ . և  
արժանի եղէ տեսանել զպատ-  
կերդ փրկական . վասն զի յան-  
ճառելի միտ թեւէդ սրբոյ Նր-  
րորդու թեանդ խոնարհեցար ի

մարդկեղէն բնութիւնս մեր և  
մարմին ստացար յանորատ կու-  
սէն Մարիամայ վասն փրկու-  
թեան մերոյ ի յանցանաց, և  
ետուր մեզ մխիթարութիւն:



Եւ որպէս առեր հաց և զինի՛  
յԱստուածային մարմին և յա-  
րիւն յօրինեցեր, և ետուր քո-

յին զնեալ արեամբդ հաւատա-  
ցեալ ծառայիցդ, յիշատակ քեզ  
մնալոյ, և փրկութեան մերոյ:  
Եւ ևս մեղաւորս արտասուալից  
հառաչմամբ զոչելով ազազա-  
կեմտա ճշմարիտ նախատիպ և  
յարացոյց պատկերդ Քրիստոս,  
և որպէս զի կարող ես Տէր՝  
փրկեա զիս:

Քահանայն՝ ի սուրբ ի սուրբ պատուա-  
կան մարմնոյ:

Սուրբ սուրբ սուրբ է Մարմինդ  
տէրունական, որ վասն մեր  
իջերյերկնից և բաշխիս ի միջի  
մերում, զքեզ զիտեմ կեանք  
իմ և յոյս յարութեան, դու  
քաւիչ մեղաց իմոց և մաքրու-  
թիւն յանցանաց, և քեզ վա-  
յելէ երկնաւոր թագաւորիդ ու-  
մենայն քաղցր սաղմոսերգու-

Թիւնք և հոգևոր պաշտօնք :

Իպիբֆն՝ Քրիստոս պատարագեալ :

Ո՛վ անբաւ բարեաց Տեառնդ ,  
անկեալ երկիրպագանեմ : Վա-  
սըն զի սոսկալի է խորհուրդ  
Որդւոյդ Աստուծոյ , որ այսօր  
պատարագեցար ի միջի մերում .  
և զՄարմին քո բաշխելով ե-  
տուր մեզ ի կերակուր , և զԱ-  
րիւն քո սուրբ նայնպէս ցօղե-  
ցեր ի մեզ : Արժանաւորեա կոչ-  
մանս ի ճաշակումն ազաչեմ Տէր .  
վասն զի քաղցր ես՝ ալէլուիայ .  
ընդ հրեշտակս քո օրհնեմք՝  
ալէլուիայ և ընդ ամենայն քո  
գօրու թիւնսդ՝ ալէլուիայ :

Քահանայն ի ծածուկ՝ Հայր սուրբ որ  
անուանեցեր :

Օրհնեալ ես հայր Տեառն մերոյ

Յիսուսի Քրիստոսի . որ զմեզ  
որդիս քո անուանեցեր մկրտու-  
թամբ սուրբ Աւագանին . և  
այժմ անկեալ ազաչեմ զքեզ Տէր՝  
արժանաւորեա փրկագործ սուրբ  
խորհրդոյդ , որպէս զի լիցի ինձ  
ի քաւութիւն . պարզեա ի  
շնորհաց սուրբ Հոգւոյդ հարա-  
ձել յինձն զխաւար մեղաց . ա-  
զաչեմ Տէր՝ ամենայն կարօտե-  
լոց առնել զբարիս , վասն զի  
զու Տէր՝ խոտապար մեզ որոյ  
արժանաւորին՝ զկեալն . և ես  
գոհութեամբ վառաւորեմք ըզ  
Հայր և զՈրդի և զսուրբ Հոգիդ .  
ամէն :

Քահանայն ի ծածուկ՝ Հաւատով հա-  
ւատամ յամենասուրբ :

Զերորդութիւնդ և զմի Աս-  
տուածութիւնդ հաւատամ զՀայր

և զՈրդի և զսուրբ Հոգիդ .  
ամէն : Հաւատով հաւատամ և  
երկիրպագանեմ անմահիդ Աս-  
տուծոյ և արարչիդ ամենայն  
եղականացս , որ զսրատուական  
Մարմինդ և զԱրիւնդ ոչ խնա-  
յեցեր վասն մերոյ փրկութեան .  
արա արժանի զանարժանս և  
ողորմեա . ամէն :

Սարկաւագն՝ Երկիւղիւ և հաւատով :

Տէր իմ և Աստուած իմ՝ մի  
յիշեր զմեզս իմ , զի ոչ եմ բա-  
ւական . ես որսկէս զմարդ մե-  
զայ , և դու Աստուածապէս  
թողու թիւն շնորհեա :

Երբ հաղորդիս սաս :

Զբերան իմ բացի և առի ըզ  
Հոգի , ի պատուիրանս քո փա-  
փաքեցաւ անձն իմ :

Քահանայն՝ Կեցո Տէր զժողովուրդս :

Օրհնեալ ես աստուած եշմարիտ .  
որ արժանի արարեր զիս զա-  
նարժանս հաղորդիլ Մարմնոյ և  
Արեան քում , և կեցուցես զիս  
կեալ ժառանգութեամբ քո . և  
զօրութեամբ քո բարձրացայ ի  
վերայ թշնամեաց իմոյ . լցայց  
ի բարութենէդ քումմէ Տէր եա-  
շակմամբդ քոյ սրբոյ . փառք  
ի բարձունս կերակրողիդ Աս-  
տուծոյ . և ակն ունիմ , զի ե  
հանապաղ հոգևոր օրհնու-  
թեամբդ կերակրես զմեզ . և  
քեզ Քրիստոս Աստուած՝ փառք  
յաւիտեանս . ամէն :

Սարկաւագն՝ Եւ ևս հաւատով ընկ :

Մեք՝ որք ընկալաք արժանա-  
ւորապէս զանմահ և զանապա-

կան խորհուրդ սրբոյ Պատարագիս՝ զՏեառնէդ մերմէ Յիսուսէ Քրիստոսէ զոհանամք և փառաւորեմք :

Բահանայն ի ծածոչի՝ Գոհանամ զբէն Քրիստոս Թագաւոր :

Քրիստոս Աստուած՝ զբէն զոհանամ, որ արժանաւորեցեր զիս զանարժանս այս մեծի շքնորհացս. այլ ևս աղաչեմ զբէզ զի սոփաւ պահեցես զիս աներկիւղ յամենայն կրից բունտարկուին : Հովիւ բարի՝ որ վասն հօտիդ քոյ զման ճաշակեցեր, և ոչ կամեցեր լուծանիլ ի հօտէդ բուամէ. այլ արժանի արարեր բէզ հետեւչոյ Աստուած իմ և Տէր Յիսուս Քրիստոս՝ բէզ փառք յա իտեանս. ամէն :

Բահանայն՝ Որ օրհնեսնես զայնոսիկ :

Օրհնեմք զբէզ Քրիստոս Աստուած, և յուսացեալ կամք ի բէզ. զի և զմեզ կեցուցես փառաւորել զժառանգութիւնս քո. պահես և հաստատես ըզսէր և կեղեցւոյ քոյ սրբոյ, կատարել զլրումն ողջունի քոյ. աղաչեմք՝ և զմեզ փառաւորեալ Աստուածային զօրութենէդ բուամէ. մի՛ թողուր զմեզ Տէր, աղաչեմք զբէզ՝ տուր զքո խաղաղութիւնդ ամենայն և կեղեցեաց քոյ, և աշխարհի, և բահանայից, և մերոյ թագաւորիս, և ամենայն թագաւորաց քրիստոնէից և զինուորեալ մանկանց նոցա, և ամենայն ժողովրդեանս. Վասն զի ամենայն բարի և պարզ և ի հօրէ

Աստուծոյ ի քեզ կատարեալ  
հանգեալ. Արդի Աստուծոյ Քր-  
րիստոս Աստուած, քեզ փառք  
այժմ և յաւիտեանս յաւիտենից  
ամէն :

Քահանայն՝ Կատարումն օրինաց և :

Քրիստոս Արդի Աստուծոյ՝ որ  
կատարեցեր զօրէնս , և լցեր  
զամենայն տասցեալս իմարգա-  
րէիցն . լընլով զքոյին հայրա-  
կան տնօրէնութիւնդ , լից և  
զմեզ Հոգւովդ քով սրբով , և  
քեզ փառք յաւիտեանս . ամէն :





Աղօրք արքայն Յովհաննէնու քառ-  
 անցոյ առաջեալ առ Տէրն մեք  
 Յիսուս Բրիստոս ի ժամ սուրբ  
 Պատարագին :

Գառն Աստուծոյ Տէր իմ և Աս-  
 տուած Յիսուս Բրիստոս, որ  
 զենար ի վերայ Պաշին և բար-  
 ձեր զմեզս աշխարհի: Մեղու-  
 ցեալ ծառայս և ծանրարեո-  
 նեալս յանդանօք մեղաց անկեալ  
 ազազեմ զքեզ Տէր իմ և Աս-  
 տուած իմ: Ողորմեա ինձ որ-  
 պէս ողորմեցար համօրէն ամե-

նայն աշխարհի . զի զու ես յոյս  
և յոյս աշխարհի , նանապարհ և  
ճշմարտութիւն և կեանք :

Զմանացեալս մեղօք և զանօ-  
րինեալս յանցանօք՝ մի՛ անտես  
առնէր Տէր իմ . այլ ողորմեա  
ինձ վասն ամենայն տնօրինա-  
կան կրիցդ՝ որոց տարար համ-  
բերութեամբ բազմալ :


Յիշեա ամենակեցոյց Տէր՝ զի-  
ջումն քո ի հայրական ծոցոյ ,  
և զմարմնանալն ի սուրբ կուսէն  
Մարիամայ : Յիշեա ամենօրհ-  
նեալ Տէր՝ զշրջիլն քո որպէս  
զմարդ ի մէջ մեղաւորացս մարդ-  
կան : Յիշեա ամենեցունց սուրբ  
Տէր զմկրտիլն քո ի Յորդանան  
ի Յովհաննէ : Յիշեա ամենա-  
զէտ Տէր՝ զգարովանան ի զբա-  
րացն , և զփորձանան ի փա-  
րիսեցւոց : Յիշեա յառաջատես

Տէր՝ զմատնիլն ի Յուդայէ , և  
զքամանիլն ի քանանայիցն :  
Յիշեա ամենօրհնեալ Տէր՝ զբմ-  
բրունիլն ի պարտիզին , և ըզ  
ձեռնակապիլն ի խուժանն :  
Յիշեա ամենակարող Տէր՝ զկալն  
առաջի Առյիստիայի , և զհար-  
ցումն ի յԱննայէ : Յիշեա անո-  
խակալ Տէր՝ զապտակն և զկա-  
ռափն ի կատաղեացն : Յիշեա  
արքայ արքայից՝ զկապանօք  
կապիլն ի յատենի Պիղատոսի ,  
և զզանիլն ի նմանէ : Յիշեա  
երկայնամիտ Տէր՝ զթուքն յԵր-  
րայեցւոց , և զձեճն եղեգամբ :  
Յիշեա անմտաց Տէր՝ զքզամի-  
թըն կարմիր , և զպսակն փշե-  
ղէն : Յիշեա անյիշաչար Տէր՝  
զժամն զայն յորժամ բարձեր ըզ  
Սաչափայտն կենսաբերուստիդ :  
Յիշեա բարձրեալ՝ զբարձրանա-



լըզքո ի վերայ կենտարերսուրբ  
 Յաչին, և զպարսաւնդիլն բե-  
 լեոօք: Յիշեա՛ մի՛ մտանար  
 զպարսումն ծարաւոյն՝ զճաշակ  
 լեզւոյն և զբացախոյն: Յի-  
 շեա՛ մի՛ մտանար զճայնն է-  
 լի էլի և զխոցումն ի զինառ-  
 րէն: Յիշեա՛ մի՛ մտանար զհո-  
 սումն վարդագոյն սուրբ ա-  
 րեանդ, և զխոնարհիլն Աս-  
 տուածայեալ զլիսոյդ: Յիշեա  
 կենդանիդ յաւիտենից զթաղու-  
 մրն և բեքօրեա և զՅարու թիւնդ  
 Աստուածապէս, և զՀամբար-  
 ձումնդ հրաշափառ: Յիշեա յի-  
 շատակդ յաւիտենից՝ զկորու-  
 սեալս, բանդի փսմն մեզառ-  
 րայս յանձն տներ զայս ամե-  
 նայն ամենադու թդ Տէր: Արդ՝  
 զայս ամենայն ունիմք առ քեզ  
 միջնորդ և բարեխօս, բազում-

ողորմ, ողորմեա ինձ և թող  
 զամենայն յանցանա իմ. սրբեա  
 ի մեզաց. սզատեա յամենայն  
 վշտաց զենեւոյն. և տուր ինձ  
 տեղի յարքայութեան քում զի  
 դու ես մարդասէր Տէր. և քեզ  
 վայելէ փառք իշխանութիւն և  
 պատիւ այժմ և միշտ և յա՛





Ա. Ղ. Օ. Թ. Բ.

ՆՍ.Խ Բ.Ս.Ն ԶԶԱՂՈՐԴՈՒԹԻՒՆՆ

Ի խորոց արտից խօսք ընդ Աստուծոյ  
բանի Իէ.

Ա. Եւ բանգի ընդ ողբաձայ-  
նիցն բանաստեղծութեանց վե-  
րընծայելոց պզրութիւն թուոցս  
յարմարեցի կական և հեծու-  
թիւն, հառաչանք կողկողա-  
ղինք, դառնութեան լալումն և

արտասուաց երգ, դարձեալ ըս-  
կրսայց դճառ պաղատանացս  
խոստովանօրէն զղջականաբար  
զգադտնածածուկն յայտնարար-  
բառ. զի անդրադարձութեամբ  
սկզբամբն և վերջաւորօք բա-  
սիւք, զնոյն համաձեւութիւն  
ի մի թախանձ նմին մաղթա-  
նաց հոգեկեցոյցն խոնարհու-  
թեան սատանօր եղից:

Բ. Մեղայ մեծիդ բարերարու-  
թեան՝ անարգս մեղայ, մեղայ  
ձագմանդ ճառագայթից՝ խա-  
ւարս մեղայ, մեղայ շնորհացդ  
անբաւ երախտեաց՝ արդարեւ  
մեղայ, մեղայ սիրոյդ վերնում  
զթութեան՝ յայտնապէս մեղայ,  
մեղայ ստացողիդ յոչէութենէ՝  
ստուգապէս մեղայ, մեղայ զե-  
րունակ զոգոյդ զրկանաց՝ ան-  
բաւս մեղայ, մեղայ աննուագ

լուսոյդ վայելման՝ նենգողս մե-  
զայ, մեզայ ճաշակման անհա-  
ռըդ կենաց՝ բազումս մեզայ,  
մեզայ անհաս պարզեացդ ճը-  
րից՝ հանապաղ մեզայ, մեզայ  
զովեալ մարմնոյդ Աստուծոյ՝ մա-  
հու չափ մեզայ, մեզայ պաշ-  
տելի արեան արարչիդ՝ իսկա-  
պէս մեզայ: Ահա արդարեւ օրհ-  
նեալ է հատուած բանի յուսա-  
դրական սրտի այսր մեզայի,  
սոյն սա պատուելի աւանդ, ան-  
մոռաց պատուէր, հայրենեացն  
տուր, նախահարցն օրէն, հա-  
մայնից թոշակ, անհերքելի  
բան, զօրաւոր պատասխանի,  
կենդանութեան կամորջ, ա-  
խորժելի վերնոյն, սիրելի սըր-  
բոյ, անխզելի կապ, հրաշալի  
բարբառ, անշրջելի պատճառ,  
բաղձալի աղերս, փափաքելի

սեղան, սրտաբեկ հնչումն, ան-  
հնարից ճարակ, կարծրութեան  
վանիչ, աստուածապաշտից  
սահման, հեթանոսաց զիրք,  
վաղնջուց կանոն, բրիստոնէից  
հարազատ արարչութեանն յաղ-  
թող, անջրպետ հզօր, խտրոց  
ահաւոր, արուեստ բարձրու-  
թեան, խորութիւն անչափ,  
հիացման տեսիլ, խորհուրդ  
կնքեալ, ընդ որ չիք ումեք ան-  
ցանել, եթէ ոչ անմբռնելի մը-  
տաց արագման զսա ծանիցէ:  
Ձայն բարեպատեհ հրաշաւորա-  
կան, որ ոչ յիշատակեցաւ ի  
վերջին դատակնիք դասուն լը-  
քելոյ. գուցէ առ նմին խզեալ  
համառօտ զվրիժակն իրաւանց  
մահուն հասելոյ, յորմէ ընտրու-  
թիւնն ասպագործ եղեալ, զսահ-  
մանն յաւիտենական քակտեսցէ:

Զարդ փառաց մեծութեան, որովնոյն ինքն Աստուածութիւնն պատկեալ բարգաւաճի: Քանզի ո՞վ ոք զիմեալ կալաւ զեզերաց սեղանոյ այսր սրբութեան, և ոչ առ ժամայն պրծեալ ի պատժոց անարատ գտաւ: Իսկ եթէ Աքար Զարմեան. և Սաւուղ Ախեան, և Յուդա Սիմոնեան, ասելով զսոյն ոչ արդարացան, և ես վկայեմ իրաւամբք խոստովանեալ զայս պայման բանի, զի տկամայիցն բռնադատելոց ոչ է կատարեալ սէր, ուստի և ոչ բովանդակապէս փրկութիւն: Իսկ ես կամաւ համբուրեմ դարձեալ կրկնելով զերջանիկ բանիդ զմկրտութեան հարագատս:

Գ. Մեզայ երախտեացդ մոռացութեան՝ վերստին մեզայ, մե-

զայ մարմնոյ ձեռն յոգի հարեալ՝ յիմարս մեզայ, մեզայ առ կեանսդ դրժողութեան՝ իսկ և իսկ մեզայ, մեզայ բանիդ ապախտ առնելոյ՝ շարաչար մեզայ, մեզայ ի յօր սատակման ինձէն ստիպեալ՝ վատթարս մեզայ, մեզայ պարտականս անկենդան մահուն՝ ճաղելիս մեզայ, մեզայ անպատկառս քո բարձրութեան՝ տաղտկայիս մեզայ: Վերջին ինձ կրկին աշխարհ հոգեոր՝ զի ի կորուստ և ի կործանումն ինձ երեւեցաւ, զի անդարձս վարատեցայ, զի որդիս թշնամի գրեցայ, զի ի բարձանցն երկնից ընկեցայ, զի փուշս վարուց դիզի: Նւ ես առ սմին ողբք աղաղակի, զի անձամբ զանձն տնարգեցի, զի բազին կորուսչին գտայ:



Այլ իմն կսկիծ գժնդակ սրտի,  
 զի զիս ունին առ որ չեմ, զար-  
 տա քնայարդար բաժակս անմա-  
 քուր, զբռնեալ որմս զարշունակ,  
 զսին պարծանօք պահուճեալս,  
 զլոյսս ի մռայլ շրջեալ, զգե-  
 րանակիրակնս՝ թշուառացեալ,  
 զչանս փառաց՝ շիջեալ, զամե-  
 նայնիւս յամենայնի ամենայն  
 իրօք մնասակարս, առ տնօրի-  
 նականսն տէրունականս, առ  
 յայտնու թիւնսն Աստուածայի-  
 նրս, առ երևմունսն արարչագի-  
 րրս, առ խոնարհու թիւնսն  
 սարսափելիս, առ այն զօր տեսի  
 աչօք իսկ իմովք, առ որ մեծ է  
 պատասխանատուութիւնս քան  
 առ համօրեն աւետարանի զար-  
 մանս, հիացմունս, հոգս հարս-  
 զականս, անպաճմունս անհր-  
 նարաւորս, թուականութիւնս

մտաց անբարգէ լիս, ելմունս ան-  
 կատարս, իջմունս անհաստատս,  
 յուսահատութիւնս յարմարա-  
 կանս, յանդիմանութիւնս պատ-  
 շանականս, ձաղանս պատեհա-  
 գոյնս, նզովս իրաւացիս, անե-  
 ծրս արժանահատոյցս: Արդ այ-  
 սոքիկ են մեղաւորիս իմ կըշ-  
 տամբութիւնք, և ինքնահա-  
 րուած տանջանաւորութիւն:  
 Բ. Եւ քանզի կարող ես դայս  
 ամենայն զպարտս թողուլ, և  
 զխայթուածս մահու բժշկել,  
 Տէր ողորմութեանց, Աստուած  
 բոլորից, Քրիստոս թագաւոր  
 բարձրեալ Հօր Արդի, ստեղծիչ  
 զթամբարեբար, օրհնեալ ա-  
 ռաստ հարուստ, ահաւոր հզօր  
 ողորմած, տեսուչ ձեռնկալ հաս-  
 տիչ, ապրեցուցիչ դարմանիչ  
 կեցուցիչ, երկայնամիտ անս-

խաղալ ապառէն, բժիշկ զս-  
 վեալ երկնաւոր, անճառ լոյս  
 կեանք, յարու թիւն նորագու-  
 թիւն քաւութիւն. եթէ հայեւ-  
 ցես մարդասիրութեամբ, ըստ  
 որում քոյղ են սովորութիւնք,  
 նայեցեալ ի քեզ կողկողիմ ե-  
 քս. եթէ լուիցես, հառաչեմ.  
 եթէ ունկնմատուցանիցես, պա-  
 ղատիմ. եթէ անսայցես, աղեր-  
 սեմ. եթէ ներեացես, աղաչեմ.  
 եթէ առիս դառնայցես, զոչեմ.  
 Ապա եթէ անտես առնիցես,  
 կործանիմ. իսկ եթէ առ ոտն  
 հարկանիցես, լամ. եթէ զոգե-  
 պանն ոչ ընծայեացես, մեռա-  
 նիմ. սպա եթէ անարկու դէմս  
 ցուցանիցես, սատակիմ. իսկ  
 եթէ սատակացես, զոգամ. եթէ  
 խեթիւ տեսանես, սոսկամ. սպա  
 եթէ սատականաս, սարսափեմ.


եթէ հալածես, հեծեմ. իսկ եթէ  
 ընդ վայր հարկանիցես, հեր-  
 քիմ եթէ զոգբոց վհատութիւ-  
 նըս ոչ առցես, տազնապիմ. ե-  
 թէ խստանաս, փախնում, ա-  
 պա եթէ սպառնաս, ընկեմիմ:  
 իսկ եթէ քննես, քարկոծիմ.  
 սպա եթէ ուժգինս ակնարկես,  
 սուզանիմ. եթէ ոչ անխայեւ-  
 ցես, մերժիմ. եթէ կոչեացես,  
 խիթամ. իսկ եթէ աչս յառեւ-  
 ցես, աղաչեմ. եթէ ձայն տա-  
 ցես, երկնչիմ: Զբարեացն պար-  
 զեւ մտանել, զերանութիւնն  
 թողեալ, զշնորհն լքեալ, զուխ-  
 տրն ցրեալ, զաւանդն կենաց  
 մոռացեալ, զհամարձակութեա-  
 նրն վատահութիւն կորուսեալ,  
 զստեղծիչդ էիցս բարկացու-  
 ցեալ, զանճառութիւն շնորհին  
 ընդոտնեալ, զսատուոյն սրատկեր

այլայլեալ : Իսկ եթէ սոսայս  
խեղդ մահու հեծու թեան ցաւոյ  
մարդասիրեալ՝ առ իս ժամանե-  
ցուսցես, Տէր Յիսուս Քրիստոս  
զազդեալն զիր լնանիլ ի յիս, ե-  
թէ բժշկու թիւնդադարեցուցա-  
նէ զմեզս մեծամեծս, որով ա-  
մենառատ քաղցրու թեամբ պա-  
տուաստեալ ի քեզ, գրոյդ կեր-  
պարան լուսոյ նկարեալ յոզի՝  
վերստին գտեալ պնդեցայց քա-  
ւեալ, և ստեղծեալ կրկին ի  
փրկու թիւն անմահից կենացն  
անախտականաց. և քեզ ընդ  
Հօր հոգւովդ սրբով փառք յա-  
ւիտեանս, ամէն :



ԱՂՕԹՔ

## ՅԵՏ ՀԱՂՈՐԴՈՒԹԵԱՆ



Ի խորոց արտից խօսք ընդ Աստուծոյ  
քաւի Ե.

Ա. Եւ արդես երկրածինս մարդ՝  
կենցաղականաւ անկայուն գո-  
յիւ զբաղեալ, և յիմարու թեամբ  
պատրողականաւ զինեաւս յի-  
մարեալ, որ ամենայնիւ ստեմ

և ոչ միով խիբ և շմարտեմ :  
Քանզի որովք դիմօք վերադրե-  
ցելովք նշանակօք սղարտե-  
ցելովք՝ յանդգնեցայց լինել յան-  
դիման քուժ դատաստանին, ով  
իրաւադատ տհաւոր, անճառ,  
անսլատում հզօր, Աստուած բո-  
լորից : Քանզի դասեալ աստրս-  
տին ի սոյն զապերախտութիւն  
մեզուցեալ անձինս առ քուժդ  
երախտիս, ցուցից զիրաւունս  
քո միշտ զօրացեալ և զանի-  
րաւութիւնս իմ յաւէտ սլար-  
տաւորեալ : Որ արարեր զիս ի  
քո պատկեր պանծալի՝ ի ձեռն  
վեհիդ տալաւ որութեան : զսր-  
կարս օժանդակելով :

Բ. Զարդարեցեր բանիւ, փայ-  
լեցուցեր փշմամբ, մտօք և յ-  
խացուցեր, իմաստիւք աճեցու-  
ցեր, հանճարով հաստատեցեր,

ի շնչականացն որոշեցեր, հոգ-  
ւով իմանալեալ խառնեցեր,  
իշխանականին քոյիւ պճնեցեր,  
ծնար հայրարար, սնուցեր դա-  
յեկապէս, տածեր ստացողապէս,  
անկեցեր զամբարիշտս ի քուժդ  
զաւղի, ջրովն կենաց ուսու-  
ցեր, աւազանին ցօղով մաքրե-  
ցեր, կենացն վտակաւ արմա-  
տացուցեր, հացիւդ երկնայնով  
ջամբեցեր, Աստուածային ա-  
րեամբդ արբուցեր, անհալրցն և  
անհասանելեացն ընտանեցու-  
ցեր, զաչս երկրեդէն ի քեզ հա-  
մարձակեցեր, լուսովդ փառաց  
վերածածկեցեր, զհոգանիւթ մա-  
տունս անմաքուր ձեռացս ի  
քեզ մատուցեր, զմոխիրս ա-  
նարդ մահացու՝ իբր զնշոյլ լու-  
սոյ յարգեցեր, զՀայր քո հզօր  
տհաւոր օրհնեալ՝ մարդասիրա-



պէս և անարժանիս խնայ ան-  
 ձին կնքեցեր, Ոչ կիզեր զքե-  
 րանս լցեալ նանրու թեամբ  
 ժառանգակիցն կարդալ զքեզ  
 Ոչ կշտամբեցեր զյանդգնեալ  
 ի քո կցորդութիւն, ոչ ստու-  
 րացուցեր զտեսիլ աչացս ի քո  
 մըդ տկնարկութիւն, ոչ արգե-  
 լանաւ կապանաց ընդ մահա-  
 պարտացն տարագրեցեր, ոչ  
 խորտակեցեր զդաստակ բազ-  
 կիս՝ որ անմաքրապէս առ քեզ  
 համբառնայր, ոչ մանրեցեր զո-  
 տըս խնոց մատանցս ի չօչափե-  
 զբանդ կենաց, ոչ պատեցին զի-  
 նեւ մառախուղք ի ձօնելն զքեզ  
 անաւոր, ոչ փշրեցեր զպարս ա-  
 տամանցս յըմբոշխնելն զքեզ  
 անսահմանելի, ոչ գնացեր բար-  
 կութեամբ խոտորնակ՝ խո-  
 տորնակի ընդ քեզ հետևողս

իր ընդ վրիպեալ տունն Իս-  
 րայելի, ոչ խայտառակեցեր ի  
 արանարանիդ զանարժանս քու-  
 մըդ պարերգութեան, ոչ ի զը-  
 ձուձ հանդերձին տեսիլ զանօրի-  
 նեալս յանդիմանեցեր, ոչ կա-  
 պանօք ձեռացս և ստիցս յար-  
 տաքին խաւարն հալածեցեր :  
 Բ. Զայս ամենայն մասունս բա-  
 րեաց և զնեբելոյդ երկայնմը-  
 տութիւն ընկալեալ ի քէն՝ բա-  
 րերար, օրհնեալ և յամենայնի  
 միշտ երկայնամիտ, փոխադրե-  
 ճի մնասակարս պարտեաց՝ ան-  
 թիւս և բազմօրինակ անօրե-  
 նութիւնս, մարմնականաց և  
 անձնականաց՝ ամենակիր բազ-  
 մածուփ խորհրդոց յուզմանց  
 երկրաքարշութեանց: Զայստսիկ  
 քեզ, Սատուած իմ և Տէր, ընդ  
 այսքանեաց բարեաց փոխարե-

րեցի. զայս քեզ ինձէն հատուցի  
չարիս, ըստ Մովսիսեան յան-  
դիմանոյ թեանն առակի, մո-  
ռացեալ զիմաստութիւն և սի-  
րոզս յիմարութեան: Զայսց  
բարեաց երախտեաց կաճառս  
ընդունայնութեան գնացիւք  
չարաչար ունայնացուցի. զայս  
լուսաւորութիւն շնորհաց ան-  
ճառիք ի բարձրելոյդ խնամոց  
բարգեցեալ՝ մըրկաւն խելագա-  
րութեան ցնդեցի: Նւ թէպէտ  
բազում անգամ ծանուցեր կար-  
կառամա՛ք ձեռինքս այցելու-  
թեան ձգել զիս առ քեզ, ոչ հա-  
ւանեցայ ըստ մարգարէին որ  
զԲարայելէ ամբաստանութեան  
և թէպէտ խոստացայ դաշնաւո-  
րեցի քեզ հաճոյանալ, և ոչ ընդ  
այսմ սահմանու ուխտիւ փակե-  
ցայ, այլ դարձեալ զնոյն նիւ թե-


ցիչարիս, անդատին յոճն առա-  
ջին մատեայ, փշոցն մեղաց հեր-  
կեցի զանդաստան սրտիս յորս-  
մանն արդիւնատրութիւն: Առիս  
ելանեն առածք Աստուածարեալ  
սուրբ մարգարէիցն. քանզի մը-  
նացեր յինէն խախտողոյ, և ես  
ընդ այնորիկ փուշ շառաւիղե-  
ցի. դարձայ յանախորժ դառնու-  
թիւն պաղոյ՝ այգիս օտարա-  
ցեալ. բուռն հարի զանհաստատ  
հողմոյ որովք միշտ տատանեալ  
այսր անդր տարաբերիմ. ըստ  
ձայնի երանելոյն Յոբայ ընդ  
ճանապարհ իմն անդարձ գնա-  
ցի ի վերայ աւազոյ շինուածս  
յիմարութեան կառուցի: Լայ-  
նատարր հետովք խաբեցայ կե-  
նացն անձկալեաց հասանել.  
փակեցի ինձէն զելիցն ուղևո-  
րութիւն. բացի կամաւ զկորըս-

տեան խորխորատն: Այի զպատուհան լսելեացս խնոց առ բանիդ կենաց ընդունելու թիւն. կափուցի զաչաց հոգւոյս հայեցուած առ ի զկենացն դեզ նկատել: Աչ ընդ ոստեայ ի թմբբութեանց լքմանէ մթացս ի պատգամ փողոյդ ահաւորութեան. ոչ զգաստացայ ի բողոք գուծի հրափորձական աւուրն ընտրութեան. ոչ երբէք զարթեայ ի նիրհմանէ քնոյն մահացուի, որ ի կորուստն կարապետէ: Աչ ետու հանգիստ քո հոգւոյդ իմարմնեղէնս տաղաւարի. ոչ ընդ բընութիւն շնչոյս խառնեցի զմարն շնորհաց քումդ պարգևի. իմոյս ձեռօք կոչեցի կորուստ, ըստ առակողին, զհոգիս կենդանի մահացուցանել:

Բ. Եւ զինչ է ինձ սակաւս և

նաւագագոյնս յօղել սահմանս կսկծելիս չափաբերականս, մինչ անցեալ է ըստ քանակու թիւն և վրիպեալ ըստ բժշկու թիւն, Արդ քո է ընձեռել կեանս հոգւով մեռելոյս, և անսխակալութեամբ մատչել առ այցելութիւն դատապարտելոյս Արդի Աստուծոյ կենդանւոյ. քեզ փառք յամենայնի. ամէն:





Ա Ղ Օ Թ Գ

**ԱՌ ՀԱՅՐՆ ԱՍՏՈՒԱԾ**

Փառք քեզ Աստուած Հայր ամենակալ՝ հօր և ամենայնի կարող, որ միայնդ ես և ամենեցուն օգնես երկնաւորաց և երկրաւորաց, և առատապէս ընուազպէս ամենեցուն: Տուր մեզ Տէր ազաչեմք դքեզ՝ յազթել չարին, և մի տար զմեզ ի փորձութիւն, այլ փրկեա յաներեւոյթ զազանէն վասն անուանդ քում սրբոյ:





ԱՂՕԹԲ

**Ի ԴԵՄՍ ՈՐԴԻՈՅ**

Օրհնութիւնք եւզ Որդի Աստուծոյ Տէր մեր Յիսուս Քրիստոս՝ որ յայց ելեր մեզ, և եկիր ի փրկել զարածս թո . զթամ և

ԱՂՕԹԲ

197

մարդասէր Տէր՝ զքո սուրբ տր  
 նօրէնութիւնդ առ քեզ բարե-  
 խօս ունիմք, զոր կամաւորու-  
 թեամբ յանձն առեր: Զծնունդն,  
 զՄկրտութիւնն, զՍաչելու-  
 թիւնն, զԹաղումնն, զՅարու-  
 թիւնն, և զԱստուածապէս Համ-  
 բարձումնն . մի անտես առներ  
 զմեզ, զոր զնեցեր պատուա-  
 կան Սրբամբոց քով սրբով:





Ա Ղ Օ Թ Ք

**Ի ԴԷՄՍ ՍՈՒՐԻ ՀՈԿԻՈՅՆ**

Գոհու թիւն մատուցանեմք քեզ  
սուրբ Հոգի Աստուած եշմարիտ՝  
արեգակն արդարու թեան, որ  
ծնար զմեզ վերստին յարգանդէ  
սուրբ աւագանին՝ յորդէգրու-

թիւն Հօրն երկնաւորի Յազեա  
ի սիրտ մեր և լուսաւորեալ  
ջեռացո զհոգիս մեր ի սէր սըր-  
բու թեան վաստակիլ ի փրկու-  
թիւն անձանց մերոց, ի սլատիւ  
և յերկրպագութիւն սուրբ Ար-  
րորդու թեանդ և մի Աստուա-  
ծու թեանդ. այժմ և միշտ և :





ԱՂՕԹԻ

ԱՌՏԷՐ ԱՍՏՈՒԱՆ

Աստուած Աստուած իմ՝ որ քրն-  
նես զսիրտս և զերիզամուկս .  
հայեաց յերկնից ի սրբութենէ  
քումմէ, և տես զտարակու-  
սեալ անձն եղկելոյս. ի յանցա-


նաց ազատեա զսարտաւորս, և  
խնդաց մաքրղա զբազմամեղս:  
Մի ընկենուր զիս յերեսաց քոց  
Տէր, եւ մի ընդ վայր հարկաներ  
զիս վասն մեղաց իմոց: Աղա-  
չեմ զքեզ Տէր՝ զօր վախճանին  
իմոյ ի սրատշաճի արա, և զհը-  
րեշտակ խաղաղութեան առա-  
քեա առ ծառայս քո:

Զհոգեվարքն իմ թեթեւ արա,  
և զհոգիս իմ խաղաղութեամբ  
անցո ընդ չարութիւն ոյսոցն՝  
որք են ի ներքոյ երկնից. խա-  
ւարեացին աչք նոցա զի մի տես-  
ցեն, և զչարութիւն նոցա կոր-  
ծանեա. սասաիկ սաստիւ քո  
Տէր սպառեացին, սպառնալիք  
նոցա ըմբռնեացին:

Զարհուրանք նոցա ընկրկեացին.  
գնացք նոցա ըմբռնեացին. բըռ-  
նութիւնք նոցա խափանեացին.

չար խորհուրդք նոցա տոչե բես-  
ցին. տարաւիք նոցա ջարդես-  
ցին. ջոլիւրք նոցա կռբահարես-  
ցին. կռիւք նոցա ջնջեացին.  
ջանք նոցա և բանակք բեկցին:  
Զօրքն զարհուրեացին. շրշընջ  
մունքն շիջցին. պատերազմուն-  
քըն պարտեսցին. յարձակմուն-  
քըն արձանասցին. զէնքն խոր-  
տակեսցին. աղաղակքն աղար-  
տեսցին. մեքենայքն մանրես-  
ցին. սպառազէնքն սպառեսցին.  
ցասմունքն ցածասցին. մեկնա-  
զէնքն մորմոքեսցին:

Ամբարտաւանութիւնքն ամա-  
չեսցեն. քաջքն քամահեսցին.  
լրբութիւնքն լլկեսցին, և մի-  
անգամայն ամենայն միաբանու-  
թիւնք նոցա ի սկզբանէ քակ-  
տեսցին. զի իառաւորեցից զա-  
մենազօր Տէրութիւնդ այժմ:



Ա Ղ Օ Թ Ք

### ԱՌՍՈՒՐԲԵՍԱԶՆՔԻՐԻՍՏՈՍԻ

Տէր Յիսուս Քրիստոս' նշանի  
Սաչի քո երկիրպագանեմ, և ա-  
ղաչեմ վասն զօրութեան քոյ'  
զոր զործեցեր ի սմա. զհոգի և  
զմարմին իմ ի մեղաց և յամե-  
նայն չարեաց պահեա. ի խո-  
տորմանց եւ ի նենգութեանց



Թշնամւոյն փրկեա, և արժանաւորեա յաւիտենական ուրախութեանցն արժանապէս Փրկիչ աշխարհի՛ մի Թողուր զիս. զի դու իսկ արժանաւորեցեր ելեալ քո ի Սաչ վասն իմ հովանասցիս և փրկեսցես յաւուր նեղութեան : Սուրբ Սաչ Քրիստոսի՛ որ քե իրկեալ եմ, քե լիցի Թողութիւն և քառութիւն մեղաց խնայ : Սուրբ Սաչ՝ ապրեցո զիս վասն նորա որ կախեցաւ զքէն : Սուրբ Սաչ՝ պահեա զիս վասն նորա որ զգեցաւ մարմին և չարչարեցաւ ի քեզ : Փրկիչ Տէր՝ փրկեա զիս վասն զօրութեան Սաչի քոյ. և յամենայն չարեաց պարսպեա : Սաչ քո Տէր Յիսուս՝ զոր ես երկիրպագանեմ, եղիցի ինձ ի փրկութիւն, կեանք, զէն յաղթու-

Թեան, և օգնականութիւն այժմ և ի հանդերձեալն. և քեզ փառք յաւիտեանս :



ԱՂՕԹԻ

Ս.ՈՒ Ս. ԱՍՏՈՒԱԾԱԾԻՆՆ

Ով ամենասրբուհի Աստուածածին պարծանք կուսութեան,

Երազ սլայծառագոյն քան զարե-  
 գակն : Ով ջան փայլուն քան ըզ-  
 լուսին և զաստեղս : Ով աթոռ  
 քրովբէական բարձրագոյն քան  
 զերկինս : Ով սերովբէ հողեղէն  
 վեհագոյն քան զհրեշտակս , և  
 պատուականագոյն քան զան-  
 մարմին դասս երկնաւորաց : Ով  
 պարծանք կուսանաց և փառք  
 ամուսնացելոց :

Ի ու ես հարսն անսկզբնականին ,  
 դու ես մայր մարմնացելոյ մի-  
 ածնի Որդւոյն Աստուծոյ . դու  
 ես բնակարան Հոգւոյն սրբոյ :  
 Քեւ հանեցաւ Աստուած ընդ  
 մարդկային բնութիւնս՝ որ մե-  
 ղաւ . քեւ բացաւ փակեալ դուռն  
 դրախտին : Քեւ օրհնեցաւ եր-  
 կիր յանիժից նախահօրն . քեւ  
 տնկեցաւ քաղցրութիւն և ճրջ-  
 մարտութիւն երկրի :

Քեւ ծանեաք զԱստուած , քեւ  
 անուանեցաք Քրիստոնեա . քեւ  
 ընկալաք զապաշխարութիւն ի  
 թողութիւն մեղաց : Քեզ միայն  
 տուաւ համարձակութիւն բարե-  
 խօսել վասն ազգի մարդկան :  
 Ով որովայն աստուածակրող  
 Մայր աստուածածնող . Աստուա-  
 ծաշօշափ ձեռն . Աստուածահան-  
 զիստ զիրկք . Աստուածադիաց  
 ստինք . Աստուածաբարձ բա-  
 զուկք . Աստուածամերձ բերան .  
 Աստուածահամրոյր շրթունք .  
 Աստուածահայեաց աչք . Աստ-  
 ուածախօս լեզու . Աստուածըն-  
 կալ խորան . Աստուածաբնակ  
 տանար :

Մի մոռանար զխոստովանողս  
 քո , որ քեւ փառաւորեն զՀայր և  
 զՈրդի և զսուրբ Հոգին՝ այժմ  
 և միշտ և յաւիտեանս յաւիտե :

## Ա.Ռ. ԵՐԿՆԱՅԻՆ ԶՕՐԱՆ

Սուրբ և սիրեցեալք յամենա-  
սուրբ Երրորու թե՛նէն, հոգիք  
հարկաւորք, Քարրիէլ, Միքա-  
յէլ, Ուրիէլ, Ռափայել, Հրեշ-  
տակք, Հրեշտակապետք, Պե-  
տու թիւնք, Իշխանու թիւնք,  
Տէրու թիւնք, Սէրովրէք, Քե-  
րովրէք, Աթոռք, Հրեզենք,  
Բոցեզէնք, Լուսեզէնք, և այլ  
ամենայն դատակարգութիւնքդ  
Երկնաւորք, որոց առաջի ան-  
կանիմ և զարդարողին ձերոյ  
Տեառն Աստուծոյ երկիրսրազա-  
նեմ. և խնդրեմ ի ձէնզ հայցել  
ի Տեառնէ զթողութիւն յանցա-  
նաց և զքաւութիւն մեղաց ի-  
մոց. քանզի ձեզ սուեալ է հա-

մարձակու թիւն վասն բարեխո-  
սութեան ամենայն մեղաւորաց.  
Ի ուր սուրբ էք՝ և առ ամե-  
նասուրբն մօտակայք. դուք ան-  
մարմինք էք և անմեղանչա-  
կանք, իսկ ես մարմնաւոր եմ  
և մեղանչական. դու անմահ  
և ի լոյս բնակեալ, իսկ ես  
մահկանացու և խաւարաւ մե-  
ղաց ծածկեալ. դուք թեթեւ  
ընթացք և քան զմիտս երա-  
զունք, իսկ ես ծանրացեալ մե-  
ղօք և զառածեալ յանցանօք.  
Վասնորոյ՝ աղաչեմ զձեզ աղա-  
չեցէք վասն իմ զՏէր և հայցե-  
ցէք զթողութիւն բազում յան-  
ցանացս, քանզի յօժար է ի  
իրկութիւն կորուսելոյս. մի  
անիոյ թ առնիցէք զխնդիր տա-  
րակուսելոյս, այլ միաւորեալ  
զաղաչանս մեղուցելոյս ընդ ձեր

ամենամաքուր մաղթանացո՛ր  
 մասուցէք խնորոզին զկորու-  
 սեալս, զի փրկութեամբս իմով  
 ուրախսւթիւն արասցէ ձեզ Տէր  
 ի յերկինսդ, և ես ձեր միջ-  
 նորդութեամբ սրբեցայց ի մե-  
 ղաց և ազատեալ յամենայն  
 յանցանաց՝ իհառաւորեցից ընդ  
 ձեզ ամենասուրբ Նրորդութիւ-  
 նըն զՀայր և զՈրդի և զՍուրբ  
 Հոգի. այժմ և միշտ և յաւի :



Մեղսպայ վարդապետին վասն  
 ճանապարհի :

Առաջնորդ կենաց ճանապարհ  
 ճշմարտութեան Տէր մեր Յիսուս  
 Քրիստոս, որ առաջնորդեցեր  
 Յովսեփու յեգիպտոս, և իսրա-  
 յելադուոցն ընդ ծովն կարմիր,  
 և Մովսիսի ի լեառն Սինէա-  
 կան, և ժողովրդեանն յերկիրն  
 պարգեւաց, և կղէօպեանցն ճա-  
 նապարհակից եղեր Յեմաւուս,  
 Աղաչեմ զքեզ Տէր՝ առաջնոր-

դեա ինձ և եղբարց իմոց գը-  
նալ խաղաղութեամբ զառաջի-  
կայ ընթացս, փրկեա յերևելի  
և յաներևոյթ թշնամուոյ. և  
բարի առաջնորդեա ի դէմ ե-  
դեալ տեղին. զի դու ես ճանա-  
պարհ եւ ճշմարտութիւն եւ  
կեանք մեր, այժմ և միշտ և  
յաւիտեանս. ամէն:

Յորժամ յորդայք անկանի ոք  
ասացեալ է սրբոյն Քրիստոսի մե-  
րոյ Առսաւորչին:

Օրհնեալ է մարդասիրութիւ-  
նըդ քո Տէր իմ և փրկիչ Յիսուս  
Քրիստոս, ընդէր լքանես զիս.  
դու միայն ես առանց մեղաց. և  
անուն քո զանոխակալութիւն,  
և զմարդասիրութիւն ցուցանէ.  
գթա յիս՝ վասն զի դու ես մի-  
այն մարդասէր: Ապրեցո զիս  
զանկեալս ի մեղս. զի դու ես  
միայն առանց մեղաց: Հան զիս  
ի տղմոյ անօրէնութեան իմոյ,  
զի մի ընկղմեցայց յաւիտեանս  
յաւիտենից: Փրկեա զիս ի թըշ-  
նամեաց իմոց. քանզի ահա իբ-  
րև զառիւծ գոչէ և մռնչէ կա-

մեջով կլանել զիս : Արդ Տէր իմ  
 փայլատակեալ ազփայլատակունս  
 քո և կործանեալ զգորութիւն  
 նոցա . երկիցեն և խաւարես-  
 ցին յերեսաց քոց . քանզի ան-  
 կար է և ոչ ունի զգորութիւն  
 կալ առաջի քո , և ոչ առաջի  
 երեսաց սիրողաց քոց : Տեսանէ  
 զգորութիւն նշանի Սաչի քո  
 Տէր' և զարհուրի . և ամաչելով  
 ի բաց հեռանայ յայնցանէ'  
 որք կարդան առ քեզ : Այժմ  
 Տէր կեցո և ապրեցո զիս , վա-  
 սըն զի ի քեզ ապաւինեցայ .  
 հան ի նեղութենէ զանձն իմ ,  
 զի մի իսպառ կորուսցէ զիս  
 նենգաւորն' որ մարտնչի ընդիս  
 ծածուկ հնարիւք : Որ խորհրդ-  
 ոց ես Տէր , և քննես զսիրտս  
 և զերկամունս , սրբես ըզ  
 սիրտ իմ և զխորհուրդս ի զա-

զիր և ի պիղծ խորհրդոց . զի  
 մի իսպառ կորեայց ի յաւիտե-  
 նական կորուստն : Որ կարողդ  
 ես ամենայնի , ողորմեալ ինձ  
 Աստուած իմ . տաւր շնորհ ար-  
 տասուաց մեղուցեալ հոգւոյս ,  
 որպէս զի լուայից զբազմու-  
 թիւն մեղաց . զի ապրեցայց ի  
 ձեռաց անողորմ հրեշտակաց'  
 որ արկանեն զամբարիշտն ի  
 հուր գեհենին . և բանի թէ լայի  
 հանապազ աղաչելով զքեզ Աս-  
 տուած , զի մի' անարժան գտայց  
 ի ժամուն յորժամ գայցես . և  
 մի' լուայց զահաւոր զձայնն  
 զայն , թէ Նրթ ի բաց մշակդ ա-  
 նիրաւութեան ոչ գիտեմ ուստի  
 ես , Աստուած բարձրեալ միայն  
 առանց մեղաց , շնորհեալ ինձ  
 մեղաւորիս յաւուր յայնմիկ ըզ  
 բազում գթութիւն քո , զի մի'

յայտնեսցին ծածուկ ամբարըշ-  
տու թիւնք իմ առաջի տեսողաց  
Հրեշտակաց և Հրեշտակապե-  
տաց: Մարգարէից՝ Առաքելոց  
և արդարաց սրբոց: Այլ ապ-  
րեցողիս զամբարիշտս շնորհօք  
ողորմութեան քոյ. ընկալ զիս  
ի դրախտն փափկութեան ընդ  
կատարեալ արդարսն. ընկալ  
զաղօթս մեղուցեալ ծառայիս  
քոյ բարեխօսութեամբ սրբոցն  
որք հանոյ եղեն քեզ, Յիսուս  
Քրիստոս Տէրդ մեր. և քեզ  
ընդ Հօր և սուրբ Հոգւոյդ փառք  
յաւիտեանս յաւիտենից ամէն:



Վասն կապանաց բիւաց եւ կա-  
խարզաց աղանդաւորաց:

Թագաւոր հզօր ապաւէն ծարա-  
ւելոց՝ փրկիչ նեղելոց՝ որ վասն  
մեր խոնարհեցար ի հայրական  
ծոցոյ և առեր մարմին ի սրբոյ  
կուսէն Մարիամայ. վասն մե-  
րոյ փրկութեան մատնեցար,  
ըմբռնեցար, չարչարեցար, խա-  
չեցար, թաղեցար՝ և յարեար  
ի մեռելոց՝ և համբարձար փա-  
ռօք առ հայր: Զարթո զգօրու-  
թիւն քո և եկ ի կեցուցանել  
զգինս արեան քո Տէր. և մի՛  
տար զերել սաստանայի զքօ փրկ-  
կեալքս, և մի՛ տար բնակու-  
թիւն չարին՝ զտաճար անուանդ  
քում սրբոյ. այլ զթա ի քո ա-

բարածս արարչական սիրով քո,  
 և ողորմեա մեզ, զի ի Սաշ քո  
 պարծելով պարծեցաք. և փրկեա  
 զմեզ յաներևոյթ չար զը-  
 ժընդակ դիւաց, և ի խարեբայ  
 եղևոնական գործոց կախար-  
 դաց. և քեզ փառք յառիտեա-  
 նքս. ամէն.

Չար իշխանքն հալածին,  
 Որք ընդ ծառայս քո մարտնչին.  
 Նրեւելով նշան Սաշին,  
 Աներեւոյթն կործանեցին:

Իբանից սրբոյն Գրիգորի Նարե-  
 կացւոյ ընդդիմաբարս դիւաց այս  
 նուագ աղօթից եւ դիւաաարսւռ  
 ջերմնասագնապ ախսաւարու-  
 բեանց Աստուծով փառասիչ:  
 ԱՄՆ ԵԸ.

Ե. Արդ այս քանեացս անբաւից  
 հրաշից հանդերձիչ Հայր ամե-  
 նաստեղծ՝ անունդ ահաւոր,  
 ձայն սարսափելի, կոչումն ըն-  
 տանի, բան համբուրելի, ազդու-  
 մըն սքանչելի, հրաման սոսկալի,  
 էութիւն անքննելի, գոյութիւն  
 անճառելի, իսկութիւն անբա-  
 յելի, զօրութիւն անզննելի,  
 կամք ամենարարի, տէրութիւն  
 անսահմանելի, մեծութիւն ան-  
 չափելի, բարձրութիւն անբո-  
 վանդակելի, որքանութիւն ան-  
 կըշտելի, առաւելութիւն ան-  
 հասանելի, պատճառորդւոյ հայ-



րու թեամբ, այլ ոչ նախադրու-  
թեամբ. քեւ, և ի ձեռն քոյդ  
անպարագիր զօրու թեանդ սաս-  
տեա տազնապող և դիւական  
տենդիս ջերմութեան, որ սը-  
պրրդեալ մուծաւ ընդ մեզաց,  
զի փախիցէ ի մարդոյս զար-  
հուրեալ ի սխրալի և յանբա-  
ւելի արեան վտակի գառինդ երկ-  
նաւորի, որով սրսկեալ միան-  
գամ ի մշտնջենաւորս համայն  
մաքրեցաք:

2. Եւ արդ յայսց պատկասեւ ի  
խոնարհութենէ արարչակերտս  
խորհրդոյ, ամաչեսցէ սատանայ  
ի գործս չարեաց իւրոցն հրեշ-  
տակաց, տանջեսցի և հալա-  
ծեսցի, հեռացեալ և արտաքս  
առաքեալ ի շինուածոյ խորա-  
նէ քումդ բնակութեան յարտա-  
քին խաւարն: Եւ ջնջեալ մաք-

րեա զարտասուս ողբոցս ի դի-  
մաց մերոց, և զհառաչումն ձայ-  
նիս հեծութեան ի սրտից մերոց:  
Եւ յիշատակաւ հարման հեղու-  
սիցն քստմնափուշ տաժանատե-  
սիլ ոգեպահանջից, որով պնդե-  
ցաւ միածինդ քո յաշտարակ  
Սաչին, ցաւեսցի չարին:

Եւ ի կողահերձ սայրասուր սը-  
լաքէ ուժգին բախմանէ, որով  
զվէրն մեծ ընկալաւ, ի սպառ  
սատակեսցի սկզբնարար մա-  
հուն: Եւ զի խոնարհեցոյց զգո-  
վեալսն զլուխ յաւանդել զոգին  
ի ծոց քո բարձրեալ, ապստամ-  
բութիւն անբարի բարուցն Բե-  
լիարայ ի կոր կործանեսցի, ա-  
մենայնիւ հերքեալ ի կորուստ:  
Եւ զի զօղեալ ծածկեցաւ անմա-  
հրն իսկութիւն յորովայն ի երկ-  
րի, այսու ամբարձեալն հպար-

տու թիւն կարծեալ գոռոզին ի  
 յատակս մահու դժոխոց մթին  
 ստուերին յառեալ դիտեսցէ. և  
 յիշեսցէ զառաջին հարուածն  
 անբժշկական, որով մահացու  
 դիմամարտութիւն թիւնից վի-  
 շապին կենարարն կրիւք ամե-  
 նագօրին: Վասն զի ի փառս քո,  
 Հայր ողորմութեան, իբր ի գո-  
 վեստ Որդւոյ քո Հոգւովդ սրբով  
 զայս խոստովանիմ. քանզի ոչ  
 պիտակինչ սոսկ գօրութեանն  
 ունի զմիւսմէնսս մի խորհրդա-  
 կանն խորութեան, այլ զանբա-  
 կիզքն բանդ անճնաւոր ընդ ան-  
 ժամանակդ Հօր փառաւորեմք:  
 Եւ քեզ միայնոյ սուրբ Երրոր-  
 դութեանդ, հաւասարապատիւ  
 տէրութեանդ, համաբուն ան-  
 բաժին ինքնութեանդ օրհնա-  
 բանութիւն, գոհութիւն, գօրե-

ղութիւն և անճառ վայելչու-  
 թիւն մեծութեան, բարեվի-  
 ճակ հարթութեան, զուգակշիռ  
 հաւասարութեան յաւիտեանս .  
 ամէն :

Ի խորոց սրտից խօսք ընդ Աստուծոյ  
 քան Ղ.

Ա. Բարեբանեալ Աստուած և րկ-  
 նաւոր, միայն արարիչ, Տէր ա-  
 մենակալ, մեծութիւն անեղ,  
 գթութիւն օրհնաբանելի, ո-  
 ղորմութիւն խոստովանելի, բա-  
 րերարութիւն և րկրպագելի,  
 խնամակալութիւն պաշտելի,  
 մարգասիրութիւն տօնելի. պահ-  
 պանութիւն խնկելի, բարձրեալ  
 անքննին, մերձաւոր կամարար,  
 ապաւէն անկասկածելի, մխի-  
 թար սրտից, փարատիչ վշտաց,

ապարքինիչ ցաւոց, սպառումն  
վհատու թեանց, բարձունն պար-  
տեաց, փոխարկիչ կարեաց,  
կարգաւորիչ կրից, յարմարիչ  
բանից, սանձարկու լեզուի, շըր-  
ջադրու թիւն շնչոյ, կացուցիչ  
հագագի, ամփոփիչ խորհրդոց,  
կրթարան կամաց, արձանացու-  
ցիչ յուզմանց, հանդարտու թիւն  
մրրկաց, խաղաղու թիւն ծփա-  
նաց, որ ունիս զթեւոց ամե-  
նընթաց իշխանականիս, և ի-  
մաստու թեամբ նուաճեալ առ  
քեզ դարձուցանես:

Բ. Գոհարանեալ միշտ երախ-  
տաւոր, որ հեզու թեամբ անհը-  
պարտու թեան երկայնամտեալ  
հանգչիս տենջանօք անճառ հը-  
րաշիւք յանձինս սրբոց: Թա-  
գաւոր էից համայնից, ամենայ-  
նիւ ծանուցեալ զթաժ. սկզբ-

նահայր և նախաշաւիղ սիրոյն  
ընթացից. ճանապարհ կենաց,  
որ առաջնորդես քաղցրու թեամբ  
դիմելոյս ի լոյսդ վերին: Ձե-  
ռնկալու մեծ փատահու թեան,  
որ ոչ թողացուցանես զայ թակ-  
ղելոյս ի վայր կործանել. յու-  
սոյ կերպարան, ճշմարիտ առ-  
հաւատչէիւ ազաչողաց մատանց  
յայտնի երևեալ. սպաւինու-  
թիւն հանգստեան, որ ոչ եր-  
բէք մատնէս փտանգի դատա-  
պարտու թեան: Ազատու թիւն  
շնորհաձիր, որ տաս լիապէս  
առանց փոխատրու թեան փըր-  
կանաց. առատու թիւն աննա-  
խանձելի, որ քոյին փառաւորու  
թեամբ զանարգ նիւթ հողոյս  
ճոխացուցանես: Պայծառու թիւն  
անստուեր, որ ճառագայ թիւք  
ահեղ բարձրու թեան պարածած-

կեալ զթշուառս՝ կրկին բարգա-  
 ւան առնես: Քառիչ մեղանաց  
 բազմաց, որ զհե բքեալս ի փըր-  
 կու թենէ առաջնովն պայծառու-  
 թեամբ նորոգեալ՝ վերստին վա-  
 յելչապուցանես: Հնարաւոր դիւ-  
 րահաս առ ամենայն անբաւ գե-  
 րամբարձու թիւն յաւէտ յառա-  
 ջեալ, ելք վտտահու թեան առ  
 խոստացելոցն վայելս. երանու-  
 թիւն անձկալի, յոր զկենդա-  
 նու թիւն շնչոյս լքանելն է ա-  
 խորժելի, զի զքեզ գտից՝ կեն-  
 դանի: Վամբ անփոխազրելի առ  
 ի քառ թիւն գերւոյս զօրա-  
 ցեալ ամենագովելի, տնսխալելի  
 զեղ կենաց, որ և մեռելոց բը-  
 նաւին եղծելոց առնես զսքան-  
 չելիս: Ամենաստեղծ տներկբա-  
 յելի, որ զհուրբ կիզեալն և  
 զհողմով հոսեալ և զժանեօք

գուղանաց ծախեալն ի բթթել  
 տկան նովին հիւ թականու-  
 թեամբ անպակաս յարուցանես:  
 Անհաւասար համարձակու թիւն,  
 յորում Աստուածօրէն պանծա-  
 նօք պարծելն է իրաւացի:  
 Ք. Հայեաց, Տէր, յերկնից զը-  
 արթ քաղցրու թեամբ յամե-  
 նակործան վտանգ նեղելոյս, և  
 արա անդորր հանգստական դիւ-  
 րաւոր ի բազմատազնապս հե-  
 ծու թենէ: Եւ զյարուցեալ գու-  
 ժարս սատակչացն, եթէ սպա-  
 ռազէնք այտական դժնեայ հը-  
 նարաւորու թեան բուռն մայր-  
 տակցաց սրատկանեալ զինուք,  
 եթէ մեղաց տգեղ և քո ատե-  
 լի կերպարանք, եթէ ցաւոց և  
 ախտից վատնիչ և կորստական  
 նշմարանք, մերժեսցես հանցես  
 հատցես խափանեացես և հա-

լածեսցես հետի սահմանաւ ի սպառ տարագրեալ անդարձ որոշմամբ վերստին կորստեանն. և կառուցես կայուցես նըպատակ կենաց և ամուր մահարձան զնշան Սաչիդ ապաւինելոյս ի քեզ փրկութիւն: Եւ յայսմ անպարտ և անպատիր և անվանելի արուեստից ահատրիդ մեծութեան լուծցին որոգայթն զաղտնածածուկ սատանայականք, կապտեացին մեքենայքն, վատնեացին զայթակղութիւնքն, խայտառակեացին հաղբիցն դրութիւնք, յայտնեացին երեւոյթք որսոյն, զտցին նենգողին ծուղակք, վերացին վարմին վերարկուք, տոչարեացին որոմանցն բոյսք, նզովեացին բռնաւորին չարաբանութիւնք, կարեացի լար խաբէու-

թեան ի մահ որսողին, պարսեացին պարտողին բանսարկութիւնք, պակասեացին զէնք զրպարտողին, անկցին սուսերք մահարեւրին, սուզեացին սաղրողին պատրաստութիւնք, արձակեացին տոռունք տազնապողին: Այլայլեացին սուտ կերպարանք կեղծաւորին, սատակեացին խրոխտականացն խիստ յարձակմունք, ցրուեացին կցորդութիւնք կերչացն, բաժանեացին ազինք աւազակացն, քայքայեացին բոյլք բարբարոսացն, քանդեացին ամրոցք ապստամբողացն, արգելցին ամպրոպք յանդգնելոցն, փարատեացին փորձողին անձրևք, հալեացի և ցամաքեացի եղեամն ազանդաւորին: Սորտակեացի եղջիւր գոռողին, մանրեացին ամբառ-

նալիք դրոշիցն կերպարանաց,  
 փշրեացին ամբարհառաճու թիւնք  
 հալարտացելոցն, նահանջեացին  
 դիմեցմունք ճակատելոցն, քակ-  
 տեացին միաբանու թիւնք զօրա-  
 ցըն Բելիարայ՝ թէ անմարմինք  
 և թէ մարմնաւորք, փախիցեն  
 ընդ նոյն ճանապարհ ի մի շաւ-  
 ղաց հետոց յեօթն տարակոյս .  
 ի գուբն ինձ փոքեալ ինքեանք  
 ընկճեացին Ենդանակեացին, ճը-  
 մերունք ձանձրացուցչին, հատ-  
 ցի կապն կցորդու թեան մշտա-  
 ջան աւագակին, նողկասցի մը-  
 տացս կայից համբոյր շողոքոր-  
 թին, ընդ միջեալ մեկնեացին  
 նև տաճգու թիւնք նեղչին, կաց-  
 ցէ ի սասանման նա խարդա-  
 խողին, իւլեացին յարմատոց  
 անտի տտամունք խածանողին .  
 Բ. Վասն փայտիդ օրհնութեան


կենաց՝ յորում պրկեցար Աստ-  
 ւածդ անբմբանելի, յիշատակա-  
 բնեռացդ՝ որով ի գործի մա-  
 հուն մածուցար արարիչդ երկնի  
 և երկրի, արեամբդ տէրունա-  
 կանաւ՝ որով զվիշապն մեծ կար-  
 թիւ ամեալ որսացար, լեզույն  
 դառնու թեամբ՝ զոր արբեալ ըզ-  
 դեղատուութիւն կորուսչին ար-  
 տաքս հեղեր, պատմարանու-  
 թեամբ ըզճական ճառիւք կը-  
 րիցն սարսափելեաց՝ որով զԸՐ-  
 բու թիւն հակառակողին ըմբե-  
 բանեալ ամաշիցուցիւր, անուամ-  
 բըզ անհասականաւ ամենայնիւ  
 ան թարգմանեւոյդ՝ յորմէ դո-  
 զան և դատապարտին սոսկաց-  
 եալ սասաիկ սարսափմամբ բը-  
 նու թիւնք ամենայն երևութից  
 և աներևութից, եղիցին այս  
 ամենայն պարզեք շնորհաց

խոտոտովանե լոյս ի պաշտպանութիւն, ի բժշկութիւն և ի քաւութիւն: Աւ մահաբեր դառնաթոյն օձին, և որ ի նմա ազդեաց տիեզերադաւ չարութիւնն, ի սատակումն եզիցինորին. նայն ինքն ի կորուստ և յանբժշկական հարուած տանջանացն սովաւ մատնեացի, կապեացի և ըմբռնեացի: Ազիցի ողորմութիւն ստեղծողիդ ընդ իս, և շունչ ողորմ իմ ընդ քեզ անբաժանօրէն կապաւ միացեալ ի մի:

Ե. Աւ որ որ ընթերցցի զայս աղերս ձայնի մաղթանաց զոչման ազօթից հոյցման ձերոյ և տրդայոյ, կուսի և երիտասարդի, և եթէ յազախնաց որ պաղատեացի Աստուածսիրարար հաւատարապէս անաչառութեամբ

ընկալցին ի քէն մասն երանութեան պարտուց ազատութեան, հաստեալ վերստին յանարատութիւն նորոգ մաքրութեան, նրկարեալ դարձեալ զքոյգ կերպարան անփոփոխելի: Ահա տիրապէս հնարաւոր, զօրեղ, անպատում, անհաս, անիմանալի, աեսցես ատտանօր ի հառաչանս կողկողանաց այսր հեծութեան, որ ի բալորից շրթանց ընծայեալ քեզ մատուցանի, վասն Հօր քերկնաւորի և բարեբարի, և Հոգւոյդ սրբոյ փառակցի եւ կենդանատուի, Աստուածածնիդ բարեխօսութեամբ և խնդրուածովք ամենայն սրբոց, Զի դու ստեղծեր զամենայն, և ի քէն եզեն ամենայնք, եւ դու տիրես ամենայնի. եւ քեզ փառք յամենեցունց, մինչդչիսկութեանէ

անժամանակ Երրորդու թեանդ  
 զուգակցապէս փառաւորեալ  
 յանբաւս, եւ յաւիտենից յա-  
 յաւիտեանս. ամէն:



Ի խորոց արտից խօսք ընդ Աստուծոց  
 քան ՂԱ.

Ա. Տէր Տէր զթու թեանց եւ  
 Աստուած ողորմութեանց, ա-  
 նուն մեծութեան, ճայն ահա-  
 ւորութեան, կոչումն սասակու-  
 թեան, լուր անհասութեան,  
 բարբառ զոգութեան հնչումն  
 հիացման, յուսադրութիւն բա-  
 րե բարութեանամ. նոզորմ քաղ-  
 ցրութեան, յորմէ երկուցե ալ սա-  
 սանին ամենայն բնութիւնք ե-  
 ղելոց ի քո սպառնալեաց ահիդ  
 պակուցման, սասանին Սերո-

բէք, ամիտիին Քերոբէք, պա-  
 րուրին պարտք լուսակերպիցն,  
 երկնչին հիացմամբ բոլոր Պե-  
 տութիւնք վերնոցն, նոյնք ցըն-  
 ծան զոգութեամբ մեծաւ ի մի  
 նաւակատիս բերկրութեան,  
 զարհուրին դեւք, ընկրկին շա-  
 րութեանցն գունդք, պակասին  
 խաւարասիրացն հոգիք, ան-  
 դընդոց մատնին հրեշտակք օ-  
 տարին: Ասպին նշանաւ Սաչին  
 յարձակմունք դիմամարտին,  
 փակին ի ստորին բանաթի քի-  
 նաւոր ամաղեկացիքն, անխզելի  
 հանգուցիւք պաշարին խումբք  
 հակառակորդին, արզելին ան-  
 զերծ գնդանաւ՝ մահադինացն  
 կաճառք, պնդին ի մետազս ա-  
 հեղ հրամանիդ այստեանացն  
 զումարք, պապանձին կարկեալ  
 ընդդիմաբունիցն դասակցութիւն



պարաւանդին հիւծամամբ կորրու-  
տեան աներևոյթիցն ժողովք,  
անլոյծ շղթայիւք նեղին առա-  
քելութիւնք դերաքրիստոսին ։  
Բ. Ահա կարկառեմ մատամբք  
ձեռինս զտեառնագրու թիւն նը-  
շանիդ ի ժամ գիշերիս, որ ոչ  
մթանաս խաւարաւ անգիտու-  
թեան, ամեննին տեսականու-  
թիւն, քան թէ ի լոյս անմա-  
տոյց հանգուցեալ բնակես։ Ըն-  
կալ զաղաչողս վտանգաւ որ գո-  
հարան ընդ պահպանութեամբ  
թեւոց հզօրիդ, փրկես ի ցնօ-  
րից եկամուտ պղտորութեանց,  
սուրբ արա զզգայարան հայե-  
լեաց սրտիս նկատմանց. ամրա-  
ցո փայտիւղկենաց ի տխրական  
անբջոց, արեամբ քո սրակես  
զշրջարկութիւնս կայիցս, գնե-  
տքս ելու մտիցն կաթ ու ամով կե-

նարար կողիդ զծագրեա . եր-  
գոցն պահպանարան քառակեր-  
պիդ ձևակերպութիւն եղիցի,  
հանդէպ տեսու թեան աչացս ամ-  
բարձման փրկականդ քո կրից  
խորհուրդ առ դիցի, ընդ բա-  
րաւորյարկիս չարչարանաց քոց  
գործի հաստիցի, զծառոյդ օրհ-  
նութեան հաւատք յուսոյ իմոյ  
կախեսցի։ Արգել, տէր, սովաւ  
զսատակիչն հոգւոց, մտցէ ան-  
խափան պաշտպանն լուսոյ, և  
ընդ սաստիկ ծանրութեան ցա-  
ւոցս և զբեռն պարտեացս թե-  
թեւացո, զոր ի լռարանի մը-  
տացս ամփոփման մահճացս ան-  
կողնի ուշաբերեալ զյուսահա-  
տութեանցն դառն պտղոցն՝ խոս-  
տովանիւմ ամենագիտիդ զան-  
համար մասունս գործոց չարա-  
չար անօրէնութեանցս։

Գ. Հանգո զվաստակեալս ի բազմածուփս աշխատու թենէ բարձ զտազնապ տարակուսանաց ոգւոյս կործանման զդառնու թիւնն ընդ վշտացն, զհեծու թիւնն ընդ կարեացն, զանձկու թիւնն ընդ թշուառու թեանցն, զհառաչմունսն ընդ խորտակմանցն, ըզբեկու թիւնսն ընդ սոխու թեանցըն, զթմբբու թիւնսն ընդ շրտմանցն, զարբեցու թիւնն ընդ յիմարու թեանցն, զթերամտութիւնն ընդ խելագարու թեանցըն, զսառումն սիրոյն և զհրրային ջերմութիւն ազուական ախտին: Օժանդակ լի բտկարութեան բազմատխտութա տարտամութեան, բարեգործ ազովդ շնորհի, ձեռամբդ նորոգողի, մատամբդ կենսաբաշխի, փառօքդ մշտափայլի, յարակայու-

թեամբ անեղծի, և բեսօքդ զուարթականի, իսկու թեամբ և իդպաշտելի, բարձրու թեամբդ երկրրպագելի: Հատու զչարաչար հեծու թիւն կորստականս խեղդման, զնոր, զիւտ չարին, զհինխարդախու թիւն բանսարկուին զօտար ազդեցմունս ի մահ կըրթողին, զանյարմարական երեւոյթս հանասրագոր թեան և դեռնագործին, զառ աչս հնարադրու թիւնն դժնդակ դիւին, զողորական բոցաշնչու թիւն ձգող կախարդին: Պահեա ի տեղւոջ հանգստեան մեռօրինակ այսր դադարման յանե բեւոյթ մտածութեանց, ի մասնաւոր սխալութեանց, ի մեծագոյն զայթակղու թեանց, ի փոքրագոյն ոտնառու թեանց, ի խարեբայչար ձանձրու թեանց: Հեռացո

զանհանդէպ մտածու թիւնն ի  
 զգայու թեանց ծառայիս, յանցա-  
 ւորի զկիրս բասրելիս, զվարս  
 թշնամանելիս, զդիպուածս  
 պատկառելիս, զհետավրիպելիս,  
 զպատիրս ձաղելիս, զխոհուր-  
 զրս անգոսնելիս, զաւելարա-  
 նու թիւնս նշկահելիս: Անսխալ  
 հոգևով եւ անշաղախ մարմնով  
 զապաւինեալս ի քեզ հանդեր-  
 ձեա, ի շնչմանէ հոգմոց, ի  
 զարկմանէ բռնու թեանց ի բախ-  
 մանէ փոթորկաց, ի յոստմանէ  
 մրրկաց՝ ի յարձակմանէ զազա-  
 նաց: Ի կափման աչացս հայեց-  
 ուած սրտիս մի՛ ստուրերասցի,  
 այլ զուարթասցի պայծառասցի  
 վան յլչասցի ընդ քեզ փայլեա-  
 ցի, Տէր Յիսուս Քրիստոս, լու-  
 սաւոր վառմամբ անշիջանելեալ  
 Բանիս քո սրբեա զպատասպա-

րանս բաղմականիս ի խորաման-  
 կու թեանց, ի զբաղմանց, ի քո  
 ատելի յիշատակաց, ի վերնա-  
 մարտ մտածմանց, ի քրէական  
 մորոտու թեանց, ի տիրանենգ  
 անշնորհու թեանց, յԱստուած  
 ընդգէմհերձուածու թեանց: Գըն-  
 դիւք վերնայնոցդ վերակացու  
 ինձ լիցիս, պետու թեամբք, ի շ-  
 խանու թեամբք զօրաւորօրն  
 անյաղթականաց մաքուր մա-  
 տակարարաց սուրբ Աստուածու  
 թեանդ. առարեալքն աւետեաց  
 աւետարանաւն, մարգարէքն կր-  
 տակարանօրն, մաղթանք եր-  
 ջանկացն ի կատարածի աուրն  
 ընծայեալ: Որովք նիրհեցից եր-  
 կիւղիւ ըստ քեզ տրամու թեամբ,  
 և զարթեայց շնորհօք քո կրկին  
 ուրախու թեամբ, եթէ վհատու-  
 թեամբ ննջեցից, յարեայց զար-

ձեալ հոգևորական բերկրու-  
թեամբ, և թէ ընկողմնեցայց մե-  
ղանօք, կանգնեցայց վերատին  
զատեալ ի խզէէ անազա անբը-  
ծու թեամբ :

Ե. Կուր խնդրուածոց ամենահա-  
ռաչ ձայնիս հեծու թեան, միայն  
բազմագու թ, բարեխօսու թեամբ  
սրբոյ Աստուածածնիդ և ամե-  
նայն արդարոց և նահատակաց  
ընարելոց: Եւ քեզ փառք յամե-  
նեցունց խմովս զոչմամբ վրա-  
ռաքեցեալ սրբովք զուարթնացն  
անմահականաց զասուց, ի զո-  
վեսա Հօր քոյ Աստուծոյ մերոյ  
և Հոգւոյդ սրբոյ բնախդ հաս-  
տողի և նորոգողի, յաւիտ:



Ի խորոց ստից խօսք ընդ Աստուծոյ  
բան ՂԵ.

Ա. Արև զակնարդար, և առագայ թ

օրննեալ, լուսոյ կեբալարան, փա-  
փաք անձկու թեան, բարձրեալ  
ա՛քնին, զօրեղանալատամ, բար-  
տոյ բերկրու թխն, յուսոյտեսու-  
թխն, զովեալ երկնաւոր, թա-  
գաւոր փառաց Քրիստոս արա-  
րիչ, խոստովանեալ կեանք: Եւ  
արդ զթեբո թխն վրիպանաց  
բազմասխալ ձայնի: Ե զկելոյս ա-  
մենագօրդ բանիւ լցեալ մատուս-  
ցե սազեբահաճու թեան Հօր քում  
բարձրելոյ: Ար վասն իմ ի փորձ  
եկիր անիծլց, կեբալարանեալ զիմ  
նմանու թխն, ամենեին կենաց  
օրհնու թխն, վերնոց և ներքնոց  
բարեխնամող տեսուչ համայնից:  
Զի թէ յանձն առեր մեռանիլ  
վասն իմ, Աստուած սՏէրդ բո-  
լորեցուն, սրչափ հանձնոցիս ա-  
ռաւելե ոյժմ վասն զատորս կրկց  
կարեկցել, ընդ իմ պարտաւորիս

միշտ ազօթե լով ազգակցաւ մար-  
մնոյդ առելոյ ի մէնջ՝ առ համա-  
մասրատիւդ քո Հայր:

Բ. Եւ վասն արեանդ պատուա-  
կանի մի տ մատուց՝ լոյ ի հաճու-  
թիւն կամաց առարչիդ՝ բարձ-  
ցին վասնդք մեզուց, ալ դատա-  
պարտելոյս, թողցին պարտիքն,  
ապարիներ սցիամօթն, մոռացին  
պատկառանքն, բարեգործն ս-  
ցին դատակներն, սատակե սցին  
որդունքն, վերացի լալն, հան-  
դարտե սցէ կրճուան ատամանցն,  
սպառե սցին ողբքն, հասցին ար-  
տասուքն, մեբժե սցի սուզն, հա-  
լածե սցի խաւարն, գատնե սցի հու-  
րքն սաստկու թեանն, հեբքն սցին  
տանջանարանքն բազմօրինակք:

Գ. Ահե սցին գթու թիւնք կամո-  
ղիդ և պարզևողիդ կենաց ամենից,  
ծագե սցի լոյսդ, արագե սցէ փրկ-

կու թիւնդ, հասցէ օգնու թիւնդ,  
ժամանե սցէ այց՝ լու թիւնդ, կրան-  
խե սցէ ցօղդ սղորմու թեան յա-  
ռաջե սցէ արբու սցէ զանգաստա-  
նըս պասքե ալ՝ անկե ալ ոսկե բացս  
թշու առու թեամբ ի վի՛նն մահու՝  
ծաղկե ցու սցէ պտղարե րե սցէ, բա-  
ժակդե րկնաւ որարե ան կե նարա-  
րիդ զե րկիրս խնամեալ աւուրն  
լուսոյ, որանձախտալէս միշտ պա-  
տարագի յիշատակ կենաց փրկու-  
թեան հոգւոց ննջլ ց՝ լոց: Զի ամե-  
նայնիւ մահացե ալ հոգիս մարմնո.  
վրս մեզաց՝ շնորհօք քո գթած, ի  
բեզ զօրացե ալ քե նորոգե ցայց,  
զատե ալ ի մեզաց անմահ կենդա-  
նու թեամբ ի յարու թեանն ար-  
դարոց, Հօր քում օրհնեցե ալ:  
Ընդ որում քեզ փառք, և Հոգ-  
ւոյդ սրբոյ բարեբանու թիւն փա-  
յելչական գոհու թեամբ, այժմ և:




Սուրբ Աւետարանս որ շատ Մասքեոսի  
 Եւ մինչդեռ անցանէր ընդ այն  
 Յիսուս, զհետեւ զեն նորա կոչրք  
 երկու, ազազակէին և սակին.  
 Ազորմեացմեզ որդի Նաթի: Եւ  
 իբրև եկն ի տուն, մատենան տա  
 նա կոչրքն, և սակ ցնտա Յի-  
 սուս. Հաւատանք՝ եթէ կարող  
 եմ անել ձ: Գ գայի. տեսն ցնա՝  
 այն Տէրն Յայնմամսերձ ցաւ յա-  
 ջրս նոցա՝ և սակ. Հաւ հաւա-  
 տաց ձ: րոց եզիցի ձ: Գ: Եւ բա-  
 ցան աչք նոցա. և սաստեաց նո-  
 ցս Յիսուս՝ և սակ. Զգոյշ կա-  
 ցէք՝ մի՛ որդիտացէ: Եւ նորա  
 երեսի համբաւ ցին զնա ընդ ա-  
 մենայն երկիրն ընդ այն: Եւ յե-  
 լանե ըն նոցա արտաքս, ահա մա-  
 տոցին առ նա այր մի՛ համբ զի-  
 լահար: Եւ յե լանել զիսին՝ խո-

սեցաւ համբըն. և զարմացան ժողովուրդքն՝ և ասեն. թէ և ոչ երբէք երևցաւ այսպիսի ինչ յԻսրայելիս Իսկ բարիսնցիքն ասէին, թէ իշխանանդիւաց հանէ զա զդեւս :


Սուրբ Աւետարանս որ ըստ Մարկոսի

Եւ ել լաւ նորա ընդ ամենայն կողմն Քալիլեացոց: Եւ վազվազակի ելեալ ի ժողովրդենէն, եկն ի տուն Սիմոնի և Անդրեայ՝ Յակոբաւ և Յովհաննու հանդերձ: Եւ դռքանչ Սիմոնի գնէր ջերմացեալ և վազվազակի ասենցընա վասն նորա: Եւ մատուցեալ յարոյց զնա՝ կալեալ զձեռանէ նորա. և եթող զնա տենդն՝ և պաշտէր զնուսա: Եւ իբրև երեկոյ եղև ի մտանել արեգակիանն,





բերէին առ նա գամենայն հի-  
ւանդս և զգիւտնարս, և էր ա-  
մենայն բազարն ժողով, ալ առ  
դրանսն: Եւ բժշկեաց բազում  
հիւանդս ի պէս պէս ախտից, և  
դեռ բազումս ենան: Եւ ոչ տայր  
խօսել զիւացն, զի զիտէին զնա  
թէ Քրիստոսն է:



Սուրբ Աւետարանս որ ըստ Հովհանն  
Եւ եղև ընդ ասորսն ընդ այ-  
նասիկ եւ ի լեառն կալ յազօթս,  
և հանէր զգիւտն ի գլուխ յա-  
զօթսն Աստուծոյ: Եւ իբրև այգ  
եղև՝ կոչեաց զաշակերտսն իւր,  
և ընտրեաց ի նոցանէ երկուսու-  
սանս զորս և Ասարէալս ան-  
ուանեաց: ՉՄիմովն՝ զոր և Աեա-  
րոս անուանեաց, և զԱնդրէաս  
զեղբայր նորին, և զՅակոբոս




և զՅովհաննէս , և զՓիլիպպոս  
 և զԲարթուղիմէոս . և զՄատ-  
 թէոս և զԹովմաս , և զՅակով-  
 բոս Ալփեայ , և Սիմովն զկոչե-  
 ցեալն նախանձայոյց , և զՅու-  
 դայ Յակովբայ , և զՅուդա Բս-  
 կարիովտացի՝ որ և զև իսկ մատ-  
 նիչ : Եւ իջեալ նորօք հանդերձ  
 ի տեղի մի տափարակ . և ժողով  
 աշակերտացն նորա՝ և բազմու-  
 թիւն յոյժ ժողովրդեանն , յամե-  
 նայն Հրէաստանէ և յԵրուսղե-  
 մէ՝ և յայնմ կողմանէ՝ և ի ծովե-  
 գերէն Տիւրոսի և Սիդովնի . որ  
 եկին լսել ի նմանէ՝ և բժշկել  
 ի հիւանդութենէ իւրեանց . և  
 նեղեալքն յայսոց պղծոց բժշ-  
 կէին : Եւ ամենայն ժողովուրդն  
 խնդրէր մերձենալ ի նա , զի զօ-  
 բու թիւն բազում ելանէր ի նը-  
 մանէ՝ և բժշկէր զամենեւին :



Սուրբ Աւետարանս որ ըստ Յովհաննու  
 Յետ այսորիկ տօն էր Հրէից . եւ  
 էլ Յիսուս յերուս. դէմ : Եւ էր յե-  
 րուսուդէմ ի Պրուպատիկէ աւա-  
 դանին , որ կոչէր Նրբայեցերէն  
 Բեթհեզդա , հինգ սրահ : Յորս  
 անկեալ զնէր բազմու թիւն յոյժ  
 հիւանդաց՝ կուրաց կաղաց զօ-  
 սացելոց , որ ակն ուն՝ ին ջրոցն  
 յուզելոյ : Եւ հրէ շտակ Տեառն ի-  
 ջանէր ըստ ժամանակի յաւազա-  
 նրն՝ եւ յուզէր զջուրսն . եւ որ  
 նախ ի շարժ ումն ջուրցն ի ջանէր  
 բժ չկէր , ոչ ունելովն շան հիւան-  
 դութեան : Եւ անդ էր այր մի ,  
 որոյ երէսուն եւ ութ ամ էր ի  
 հիւանդութեան իսրում : Զնախբ  
 րեւ և անս Յիսուս՝ զի անկեալ զը-  
 նէր , եւ զիտաց եթէ բազում ժա-  
 մանակք են այնուհետեւ , ասէ

ցնա . Կամիս ողջ լինել : Պատաս-  
խանի ետ նմա հիւանդն . Տէր'  
ոչ զոք ունիմ, թէ յորժամ ջուր-  
քըն յուզիցին՝ արկցէ զիս, յաւա-  
զանն . եւ մինչ ես դանդաղիմ,  
այլ ոք քան զիս յառաջագոյն ի-  
ջանէ : Ասէ ցնա Յիսուս . Արի՛  
ան դմահիճս քո՛ եւ գնա : Եւ ող-  
ջացաւ այրն, եւ յարեալ՝ առ ըզ-  
մայիճս իւր՝ եւ շրջէր . և էր շա-  
րաթ յաւուրն յայնմիկ :



Պատմութիւն վարաց արքայն  
Եփայրիանոսի Եպիսկոպոսին :

Կ Ի Պ Ր Ի Ա Ն Ո Ս էր այր մեծագ-  
զի ազնուական եւ մեծատուն  
յոյժ, ուսեալ էր եւ դամենայն  
հանճարս իմաստութեան եւ  
հմուտ լեալ մոզութեանն՝ ո-  
րով ամենայն ազան դոց զիտուն  
էր : Եւ կոչս աղջիկ ոմն էր ի  
մեծ քաղաքին Անտիոքայ՝ անուն  
Յուստիանիա, քրիստոնեայ՝ կը-  
րօնիւք՝ դուստր Եղեսիոսի քրմի  
կոոց, ուսեալ զհաւատն ի Բրե-  
լիոսէ սարկաւազէ, եւ դորձոյց  
դճնողսն իւր յԱստուած գիտու-  
թիւն, և մկրտեցան Յովիտատոսէ  
Եպիսկոպոսէ :

Իսկ հեթանոս ոմն Ազգիզոս ա-  
նուն սիրեաց յոյժ գՅուստիա-

նիա, եւ կամէր առնուլ զնա ի  
կնութեան. եւ զանացեալ բա-  
զում պատգամաւորօք եւ խոստ-  
մամբք՝ եւ ոչ կարաց հաւանե-  
ցուցանել. Յզեաց առ նա Յուս-  
տիանիա եւ ասէ, Եթէ ես Քր-  
րիստոսի եմ հարսնացեալ, եւ  
մարդոյ երկրաւորի ոչ ամուսնա-  
նամ :

Եւ պատահեալ նմա ի ճանապար-  
հին բուն հարեալ զնմանէ՝ ոչ  
կարաց ընբռնել, այլ մանաւանդ  
անարգանօք եւ ամօթալից դար-  
ձոյց ի տուն իւր: Եւ երթեալ առ  
Վիպրիանոս մոզ, և խոստացաւ  
տալ նմա երկուս տաղանդս ոսկ-  
ւոյ եւ արծաթոյ՝ եթէ մոզու-  
թեամբ նորա առցէ զՅուստիա-  
նիա կին :

Եւ կոչեաց Վիպրիանոս ի զիշե-  
րին յայնմիկ զեւ մի եւ արծա-

կեաց առ Յուստիանիա. եւ եր-  
թեալ զեւն եզիտ զերանե լիկոյսն  
զի աղօթէր զերրորդ ժամու զի-  
շերոյն: Եւ գիտացեալ զգալուստ  
դիւին արար ընդդէմ նորա զնը-  
շան Սաշին և իջեաց ի նա. և  
զեւն երկիւղիւ մեծաւ. փախստա-  
կանեղեալ զնաց առ Վիպրիանոս:  
Եւ նա առաքեաց այլ զե, և  
նոյնպէս և զնա նշանաւ Սաշին  
հալածեաց: Եւ առաքեաց երրորդ  
անգամ այլ զե. և այնպէս դար-  
ձաւ երկիւղալից որպէս ի հրոյ  
փախուցեալ :

Եւ Վիպրիանոս խոչտանգեաց ըզ  
զեւն՝ և սաստելով նմա հարցա-  
նէր, Եթէ է՞ր փասն փախեալ  
և ոչ կատարեցին զհրամայեալ  
սըն: Եւ նորա ասեն, Նշան Սա-  
շելոյն Յիսուսի ոչմիայն զմեզ հա-  
լածէ, այլ եթէ և իշխանն մեւ

ինքնին զնասցէ ամենայն անե-  
րևոյթ զօրօք իւրովք՝ ամօթա-  
լից փախստական ինի ինմանէ :  
Եւ լուեալ Վիպրիանոս անէծ ըզ  
դևսն, և հալածեալ զնոսա յին-  
քենէ՝ հաւատաց ի Քրիստոս : և  
առեալ զամենայն զիրս մոզու-  
թեան և կախարդանաց հրով այ-  
րեաց : Եւ երթեալ առ սուրբն  
Անթիմոս եպիսկոպոսն՝ և պատ-  
մեաց խոստովանաբար զամե-  
նայն զոր ինչ գործեաց մոզու-  
թեամբ : Եւ ի մեծի շաբաթուն  
մկրտեցաւ յեկեղեցւոջն, և յու թ-  
երրորդ աւուրն եղև ընթերցող,  
և ի քսան և հինգ օրն եղև Վիսա-  
սարկաւազ, և յետ յիսուն աւուր  
եղև Սարկաւազ : Եւ յետ տար-  
ւոյն միոյ ձեռնադրեցաւ Քա-  
հանայ, և զվճարաւան ամ  
արժանապէս կատարեաց ըզ

կարգ քահանայու թեանն :  
Եւ յորժամ հանգեաւ եպիսկոպո-  
սըն ի Քրիստոս՝ նստուցին զնա  
հաւատացեալքն յաթոռ Եպիս-  
կոպոսու թեանն : Եւ ձեռնադր-  
եաց զՅուստիանա սարկաւազ-  
ուհի և անուանեաց զնա Յուստի-  
նեա, և ուսուցանէր և լուսաւորէր  
զամենեւեան՝ զհեռաւորս հրգ-  
վարտակօք, և զմերձաւորս վար-  
դասլեատու թեամբ :



Յ Ա Ի Ե Լ Ո Ի Ա Մ

ՀՐԱԺԱՐՈՒՄՆ

Հրաժարիմք ի սատանայէ և  
յամե'նայն խաբէութենէ նորա .  
ի պատրանաց նորա . ի խորհր-  
դոց նորա . ի գնացից նորա . ի  
չար կամաց նորա . ի չար հրեշ-  
տակաց նորա . ի չար պաշտո-  
նէից նորա . ի չար կամարարաց  
նորա . և յամենայն չար պոր-  
թենէ նորա հրաժարելով հրա-  
ժարիմք :

Չայս երիցս կրկնէ՝ երես ի յարեմուտքս  
և ձեռս ի կոր ունելով՝ և տպա դառնայ  
յարևելս և սկսանի զդաւանութիւն ուղա-  
փառ հաւատոյ՝ բացազուխ և ձեռնամած  
կերպիւ և ասէ :

Սոստովանիմք և հաւատամք ա-  
մենակատար սրտիւ զՀայրն Աս-  
տուած անեղածին և անսկիզբն .  
այլ և ծնող Արդւոյ և բղխող Հո-  
գւոյն սրբոյ : Հաւատամք զԲա-  
նըն Աստուած՝ անեղ ծնեալ՝ և  
սկսեալ ի հօրէ նախ քան զյա-  
ւիտեանս : Ոչյետոյ և ոչ կըրտ-  
սեր . այլ որքան Հայրն Հայր՝ ընդ  
նմին և Արդին Արդի Հաւատամք  
զսուրբ Հոգին՝ անեղ անժամա-  
նակ . ոչ ծնեալ՝ այլ բղխեալ ի  
Հօրէ . էակից Հօր և փառակից  
Արդւոյ : Հաւատամք զԵրրորդու-  
թիւնն սուրբ՝ մի բնութիւն , մի  
Աստուածութիւն ոչ երեք Աստ-  
ուածք , այլ՝ մի Աստուած , մի  
կամք . մի թագաւորութիւն մի  
իշխանութիւն . սրարիչ երևել-  
եաց և աներևութից : Հաւա-  
տամք յեկեղեցի սուրբ զթողու-

Թիւն մեզաց հաղորդու թեամբ  
 սրբոյ :  
 Հաւատամք զմինն յե րից անձանց  
 զԲանն Աստուած՝ ծնեալ ի Հօրե  
 նախ քան զյաւիտեանս . ի ժա-  
 մանակի ի ջեալ յ Աստուածածին  
 կոյսն Մարիամ . առեալ յարենէ  
 նորա՝ միաւորեաց ընդ իւրում  
 Աստուածութեանն . ինն ամսեայ  
 ժուժկալեալ յարգանդի անարատ  
 Վուսին . և եղև Աստուածն կա-  
 տարեալ՝ մարդ կատարեալ . հոգ-  
 ւով և մտօր և մարմնով . մի  
 անձն մի դէմ և միաւորեալ մի  
 բնութիւն : Աստուածն մարդա-  
 ցեալ առանց փոփոխման և ա-  
 ռանց այլայլութեան . անսերմն  
 յղու թիւն և անապական ծնունդ,  
 որպէս ոչ է սկիզբն Աստուա-  
 ծութեան նորա՝ և ոչ վախճան  
 մարդկութեան նորա : (Զի Յի-

սուս Քրիստոս երէկ և այսօր՝  
 նոյն և յաւիտեան) : Հաւատամք  
 զՏէրն մեր Յիսուս Քրիստոս շրջ-  
 ջեալ ի վերայ երկրի : Յետ եռե-  
 սուն ամաց եկեալ ի մկրտու-  
 թիւն . Հայր ի վերուստ վկայ-  
 եալ՝ Իսէ Որդի իմ սիրելի և  
 Հոգին սուրբ ազանակերպ ի-  
 ջեալ ի վերայ նորա : Փորձեալ  
 ի սատանայէ և յազթեալ նմա :  
 Քարոզեալ մարդկան զիբկու-  
 թիւն : Աշխատեալ մարմնով ,  
 վաստակեալ , քաղցեալ և ծա-  
 րաւեալ : Յետոյ եկեալ կամաւ  
 ի չարչարանս . խաչեալ և մե-  
 ռեալ՝ մարմնով . և կենդանի՝  
 Աստուածութեամբն : Մարմինն  
 եղեալ ի գերեզմանի՝ միաւոր-  
 եալ Աստուածութեամբն . և Հո-  
 գւովն իջեալ ի դժոխս՝ անբա-  
 ժանելի Աստուածութեամբն :

Քարոզեալ հոգւոցն՝ աւերեալ  
 զդժոխս՝ և ազատեալ զհոգիսն :  
 Յետ երից աւուրց յարուցեալ  
 ի մեռելոց և երևեալ աշակեր-  
 տացն : Հաւատամք զՏէրն մեր  
 Յիսուս Քրիստոս նովին մարմն-  
 ովն համբարձեալ յերկինս և նստ-  
 եալ ընդ աջմէ Հօր : Այլ և գալոց  
 է նովին մարմնովն և իսառօք հօր  
 ի դատել զկենդանիս և զմեռեալս :  
 Որ և յարութիւն ամենայն մարդ-  
 կան : Հաւատամք և զհատու-  
 ցումն զործոց, արդարոցն կէանք  
 յաւիտենական, և մեղաւորացն  
 տանջանք յաւիտենական :

ՋՂՋՈՒՄՆ

Մեղայ ամենասուրբ Երրորդու-  
 թեանն Հօր և Որդւոյ և Հոգ-  
 ւոյն սրբոյ : Մեղուցեալ եմ Աս-  
 տուծոյ : Առատովանիմ առաջի

Աստուծոյ՝ և սրբուհւոյ Աստուա-  
 ծածնին՝ և առաջի բոյ Հայր  
 սուրբ, զամենայն մեղս զոր զոր-  
 ծեալ եմ : Քանզի, մեղայ խոր-  
 հրդով բանիւ և գործով, կամայ  
 և ակամայ, զխտութեամբ և  
 անզխտութեամբ՝ մեղայ Աստու-  
 ծոյ : Մեղայ հոգւովս և զօրու-  
 թեամբ սորա՝ մտօքս ե շարժ-  
 մամբ սորա մարմնովս և ըզ-  
 գայութեամբ սորա : Մեղայ զօ-  
 րութեամբ հոգւոյս, խորաման-  
 կութեամբ, անզգամութեամբ,  
 յանդքնութեամբ և երկշտու-  
 թեամբ շռայլութեամբ և ժլա-  
 տութեամբ, զեղխութեամբ և  
 անիրաւութեամբ, շարհաւա-  
 նութեամբ, յուսահատութեամբ  
 և թերամտութեամբ՝ մեղայ Աս-  
 Մեղայ չար խորհրդով մտացս,  
 նենգութեամբ, ատելութեամբ,



խէ թիւ . մախանօք , յաշախա-  
նօք . թուլու թեամբ , պոռնկա-  
կան խորհուրդով արուական , ի-  
զական , անասնական գրաստա-  
կան , գազանական . ի գիշերի և  
ի տունջեան երազական գիճու-  
թեամբ և յանբջական զարշաղ-  
տեղու թեամբ՝ մեղ : Մեղայցան-  
կու թեամբ մարմնոյս հեշտու-  
թեամբ . պղերգու թեամբ ,  
յօրանջմամբ քնոյ՝ շարժու թեամբ  
մարմնոյս և զազրագործու թեամբ  
ի պէս պէս ախտս . հեշտալրու-  
թեամբ լսելեացս . արատու-  
թեամբ աչացս . ցանկու թեամբ  
սրտիս . իգու թեամբ որնգացս .  
պազչոտու թեամբ բերանոյս .  
անժուժկալու թեամբ . շուայտու-  
թեամբ . և արբեցու թեամբ՝  
մեղայց Աստուծոյ :

Մեղայց շարաբանու թեամբ լնգ-

ուիս . ստախօսու թեամբ սուա-  
երդամբ երդմնազանցու թեամբ  
հակառակու թեամբ . վիճաբա-  
նու թեամբ . բանսարկու թեամբ  
շոգմոզու թեամբ . քսու . դա-  
տարկաբանու թեամբ . և ծաղու .  
դրախօսու թեամբ . հերձախօսու-  
թեամբ և անխիծաբանու թեամբ .  
տրտնջելով . դժգոհելով . բամ-  
բասելով . և հայհոյելով՝ մեղ :  
Մեղայց զոզու թեամբ ձեռացս .  
ազահելով , զրկելով , հարկանե-  
լով , սպանանելով , և ընդ զարշո-  
ածելով մեղայց Աստուծոյ :

Մեղայց ամենայն յօղուածովք շի-  
նուածոյս և ամեայն անդամօք  
մարմնոյս . եօթնեակ զգայարա-  
նօքս և վեցեկի շարժմամբս . վե-  
րամբարձ ոտնահարու թեամբ , և  
վայրաքարչ մեղկու թեամբ յազ-  
և յահեակ խոտորելով . սուաջ-

նոցն մեղայցելով. և վերջնոցն  
 չար նշաւի գոլով՝ մեղայ Աս :  
 Այլ և մեղայ եօթնիցս յանցա-  
 նօք մահացու մեղօք : Հարար-  
 տութեամբ և մասամբ նորին :  
 Նախանձու և մասամբ նորին :  
 Բարկութեամբ և մասամբ նորին :  
 Ծուլութեամբ և մասամբ նորին :  
 Ազահութեամբ և մասամբ նորին :  
 Արկրամուլութեամբ և մասամբ  
 նորին : Բողջախոսնութեամբ և մա-  
 սամբ նորին՝ մեղայ Աս :  
 Այլ և մեղայ ամենայն պատուի-  
 րանացն Աստուծոյ. յանձնառնե-  
 լեացն և հրաժարելեացն. զի ոչ  
 ոչ յանձնառականն կատարեցի և  
 ոչ ի հրաժարելեացն հեռացայ :  
 Զօրէնս առի՝ և յօրինացն հեղ-  
 ցացայ . ի կարգս բրիատունէու-  
 թեան հրաւիրեցայ՝ և գործովս  
 անարժան գտայ : Իստելով զչա-

րըն՝ կամաւ կորացայ. և ե բար-  
 եաց գործոց ինձէն հեռացայ :  
 Վայ ինձ . վայ ինձ . վայ ինձ :  
 Զո՞րն ասեմ, կամ զո՞րն խոստո-  
 վանիմ. զի անթիւ են յանցանք  
 իմ աններելի են ցաւք իմ . և  
 անլծշկելի են վերք իմ մեղ :  
 Հայր սուրբ՝ զքեզ ունիմ միջ-  
 նորդ՝ հաշտութեան և բարե-  
 խօսառ միածին Արդին Աստու-  
 ծոյ . զի իշխանութեամբդ որ-  
 տուեալ է քեզ՝ արձակեցես զիս  
 ի կապից մեղաց իմոց ազաչեմ  
 զքեզ :

Ա Ր Ջ Ա Կ Ո Ւ Մ Ն

Ողորմեսցի քեզ մարդասէրն Աս-  
 տուած և թողութիւն շնորհե-  
 ցէ ամենայն յանցանաց քոց .  
 խոստովանացելոցդ և մոռացել-  
 ոցդ Եւ ես կարգաւս քահանայ-

ակտն ի խանաթեան և հրամա-  
 նան Աստուածային թէ՛ (Զոր  
 արձակիցէք յերկրի, եղիցի  
 արձակեալ յերկինս) :

Նովին բանիւ արձակեմ զքեզ  
 յամենայն մասնակցու թե՛նէ մե-  
 զայց քոց, ի խորհրդոց ի բա-  
 նից և ի գործոց. յանուն Հօր  
 և Արդւոյ և Հոգւոյն սրբոյ :

Նւ զարձեալ՝ տամ զքեզ ի խոր-  
 հուրդս ուրբ և կեղեցւոյ : Զի  
 զոր ինչ գործիցես բարիս . եղի-  
 ցի քեզ ի բարեգործութիւն և  
 ի փառս հանդերձեալ կենացն .  
 Ամէն :



ՄԱՆԱՍԷԻ ԹԱԳԱՒՈՐԻ

Էր ամենակալ Աստուած Աբրա-  
 համու՝ Իսահակայ՝ Յսկոբայ և  
 զաւակի նոցա . յդարոց . ամե-  
 նակալ Տէր՝ թող զմեզս իմ .  
 Որ արարեր զերկինս՝ և զերկիր,  
 և զամենայն զարդ նոցա . ամեն  
 Որ կապեցեր զծով բանիւ՝ րա-  
 մանի քոյ . փակեցեր զխորս, կըն-  
 քեցեր ահաւոր և փառաւորեալ  
 անուարդ քով . ամենակալ Տէր :  
 Որ ամենայն ինչ սարսի և զողայ  
 յերեսացահ ի զօրու թեան քո ամ .  
 Անբաւ է մեծ վայելչու թեւն փա-  
 ռաց սրբու թեան քո . սաստիկ  
 է բարկու թիւն սպառնալեաց քոց  
 ի վերայ մեղաւորաց . անչափ  
 և անքննին են ողորմութիւնք  
 աւետեաց քոց, ամենակալ .

Տէր բարձրեալ՝ գթած, և բար-  
ամիտ, բազումօղորմ, և  
շանասի վերայ չարեաց մարդ-  
կան, ամենակալ Տէր:

Բու Աստուած՝ ոչ եղեր ապաշ-  
խարութիւն վասն արդարոցն՝  
Աբրահամ Բսահակայ և Յակո-  
բայ, որք ոչ մեզանքեզ, ամե-  
Այլեղեր ապաշխարութիւն վա-  
սըն իմ մեղատորիս. զի մեղայ  
աւելի քան զաւագ ծովու, և բազ-  
մացան անօրենսութիւնք իմ ամե:  
Ձեմ արժանի հայիլ և տեսանել  
զբարձրութիւնս երկնից, ի  
բազմութենէ անօրենսութեան  
իմոյ, ամենակալ Տէր:

Կորացեալ եմ ես ի բռնութենէ  
կապանաց երկաթից և ոչ գոյ  
ինձ հանգիստ ամենակալ:

Բարկացուցի զսրտմտութիւն, և  
զարառաջի քո արարի. կանգ-

նեցի պատկեր՝ և բազմացուցի  
զցասումն անձին իմոյ. ամե:  
Եւ արդ Տէր՝ խոնարհեցուցանեմ  
զծունր սրտի իմոյ, և հայցեմ ի  
բազցրութենէ քումմէ. ամե:  
Մեղայ Տէր մեղայ, և զանօրէ-  
նութիւնս իմ ես ինձէն զիտեմ.  
ամենակալ Տէր:

Ազաչեմ և խնդրեմ ի քէն՝ թող  
ինձ տէր, թող ինձ, և մի կո-  
րուսաներ զիս ըստ անօրէնու-  
թեան իմոյ, ամենակալ:

Մի յախտեան բարկանար ինձ  
Տէր, և մի յիշեր զչարխան իմ. և  
մի պարտաւորեր զիս ընդ իջեալ-  
սըն ի ներքոյ երկրի չարեօք.  
ամենակալ Տէր:

Ձի դու Աստուած՝ Աստուած ա-  
պաշխարողաց ես և յիս ցոյց ըզ  
բարեբարութիւնդ քո, որ անար-  
ժան եմ. անամենակալ:

Կեցրուցեա զիս ըստ բազում ո-  
ղորմութեանն. բուն և ես օրհնե-  
ցից զքեզ զամենայն աւուր կե-  
նաց իմոց. ամենակալ:

Զքեզ Տէր՝ օրհնեն ամենայն զը-  
ւարթունք երկնից. և բո են  
փառք յաբիտեանս. Ամէն:

Փառք հօր և Որդւոյ և Հոգ-  
ւոյն սրբոյ: Աժմ և միշտ և  
Աղաչեմ և խնդրեմ ի քէն Տէր,  
Թող ինձ զմեղս իմ:

Բազում ողորմեալ քո ողորմեա իս  
Աստուած՝ քառեա զիս զմեղա-  
որս ի մեղաց և կեցո:

Աստուած՝ զթա յիս ի մեղուցեալ  
ծառայս. և ողորմեա ինձ բազ-  
մամեղիս:

Ամենօրհնեալ սրբուհի՝ և միշտ  
կոյս Աստուածածին մարիամ.  
բարեխօսեա առ Տէր Վասն մեր:  
Ամենայն սուրբք Աստուծոյ՝ բա-

րեխօսեցէք առ Հայր ի յերկինս  
վասն մեր մեղաորացս:

Քրիստոս Որդի Աստուծոյ անդ-  
խակալ, ընկալ զաղաչանս մեր.  
զի ի քեզ են ապա ինեալ ան-  
ձինք մեր:

Յաղթող զօրութեամբ՝ սուրբ և  
կենդանարար և սպասուական  
Սաչի քո Տէր՝ պահպանեա զմեզ:  
Առաքեա Տէր զհրեշտակ խաղա-  
ութեան քո. որ եկեալ պա-  
եսցէ զմեզ անխռովս ի տուէ և  
ի զիշերի:

Եւ մարդասիրութեամբ քով յիշ-  
եա զմեզ Տէր՝ յիշեա զմեզ յոր-  
ժամ գաս արքայութեամբ քով,  
և սղորմեա մեզ:

\* Ա Ր Ո Ձ

Եկեալքս ի խոստովանութիւնս  
պաշխարութեան՝ հաւատով

յոյս միածնի որդւոյն Աստու-  
ծոյ դիցուք ի սիրտս մեր .  
խնդրելով ի նմանէ զքաւու-  
թիւն և զթողութիւն յանցա-  
նաց մերոց .


Վասն զի նա ինքն է նախախնա-  
մողն Աստուած յաւիտեանական .  
որ եկն կամաւ հօր ի փրկել զա-  
րարածս . և տասց' զինքն լինել  
քուիչ մեղաւորաց , յոյս ապաշ-  
խարողաց . շնորհելով զհանգիստ  
աշխատելոց . ընդունելով զծան-  
րաբեռնեալքս և զտաժանեալքս  
մեղօք . Կապաշխարութիւն քա-  
ւութեան : Արդ' եկայք ամենե-  
քեան . խոնարհեալ անձամբք-  
բեկեալ սրտիւք' անկցուք և լաց-  
ցուք առաջի Տեսուն արարչին  
մերոյ . զի անցուցէ ի մէնջ ըզ-  
ցաստմն պատուհասի յանցանաց  
մերոց բարեբարութեամբն իւր-

ով . Ամենակալ Տէր Աստուած  
մեր' կեցո և ողորմեա :

Ա Ղ Օ Թ Բ

Տէր Աստուած փրկութեան մե-  
րոյ' որ ողորմածդ ես և զթաժ-  
երկայնամիտ բազումողորմ և  
զղջանաս ի վերայ շարեաց մարդ-  
կան . որ ոչ կամիս զման մեղա-  
ւորին . այլ' զղառնալնորս ի շար-  
ճանսպահէն և զկեալն : Ի ու  
Տէր' առատ ողորմութեամբ քով  
մխիթարեալ զծառայս քո . և  
սուր սոցա տեղի ապաշխարու-  
թեան . Հաշտեա մարդասիրու-  
թեամբ քով . և արա զսոսա ան-  
դամս եկեղեցւոյ քում սրբոյ : Որ-  
պէս զի առողջացեալք հողով'  
խոստովանութեամբ և ապաշ-  
խարութեամբ մտցեն յեկեղեցի  
քո սուրբ :

Եւ ընդ ժողովրդեան քում, քեզ հանցեն զօրհնութիւն և զփառս Հօր և Որդւոյ և Հոգւոյն սրբոյ այժմ և միշտ և յաւիտեանս :



ՇԱՐԱԿԱՆՔ ԱՊԱՇԽԱՐՈՒԹԵԱՆ

Հայր բազում ողորմ խոստովանիմառ քեզ սրալէս զանառակ որդին՝ թող ինձ զմեզս իմ և ողորմեա : Տէր որ զթացար ի կինն քանանացի. զթա՛ և յիս ի մեղաւորըս և ողորմեա : Տէր որ դարձուցեր զմա քսաւորն ի գիտութիւն ճշմարտութեան. դարձո և զիս զմոլորեալս և ողորմեա : Մեղայ Տէր բազում ողորմ Աստուած մեղայ ողորմեա : Մեղայ Տէր և անկանիմ առաջի քո, մեղայ ողորմեա : Մեղայ Տէր խոս-

տովանիմ զյանցանս իմ. մեղայ ողորմեա :

Մեղաք մինչև յերկինս և զարդար զցասումն քո շարժեցաք ի մեզ. Տէր ըստ մեծի քու ողորմութեանդ ողորմեա մեզ : Իջաք մինչ ի դժոխսն ընկղմեալ քյանօրէնութեան մերում. Տէր յիշեա զգինս արեան Որդւոյ քոյ և ողորմեա : Հալածեա ի մէնջ Տէր շանաւ Սաշիքո զընդդիմամարտ և զաներևոյթ գազան. և միտար յապականութիւն զքո ժառանգութիւնս :

Մեղք իմ բազում են յոյժ ծանր են քան զաւագ ծովու. քանզի քեզ միայնոյմեղայ ողորմեա իձն Սասուած : Բաց Տէր զդուռն ողորմութեան որ ողբալով կարդամ առ քեզ. քանզի քեզ մի : Հեղ յիս զգթութիւնդ քո բա-

գուժողորմ և մարդասէր. քանզի  
 Ազորմեա ինձ Աստուած՝ զի քեզ  
 միայնոյ մեղայ : Առաւել լրւա  
 զիս ի տղմոյ յանցանաց աղբիւր  
 բժշկութեան և ողորմեա, Յար-  
 ենէ յիրկեա զիս սրհոգւոց և  
 մարմնոց ունիս իշխանութիւն  
 և ողոր :

Մաքսաւորն հառաչանօք ի տա-  
 ճարէնէ առ զքաւու թիւն. նովին  
 ձայնիւն և ես գոչեմ ողորմեա  
 ինձ Աստուած : Աւազակն աղտ-  
 դակէր ի Սաչին յիշեա զիս Տէ-  
 նովին : Անառակ որդին աղերսա-  
 նօք աղաչէր զքեզ՝ Հայր մեղայ  
 յերկինս և առաջի քո. նովին ձայ :  
 Անկանիմ առաջի քո և խնդրե  
 զթողութիւն յանցանաց իմոց .  
 մի անտես առնէր Հայր զաղա-  
 չանս իմ : Աղաղակեմ որպէս մաք-  
 սաւորն և հեղում զարտասուս :


իմ առաջի քո որպէս սրունիկն.  
 մի անտես Յաներևոյ թ թ շնամ-  
 ւոյն սլարտեցայ՝ և ի գաղտնի  
 նետից բանսարկուին վիրաւորե-  
 զայ. մի անտես առնէր Հայր զա-  
 Ս լիք յանցանաց զիս ալէկոծէն.  
 և մեղք իմ բազում զիս յանդի-  
 մանեն : Արդ զինչ արարից մե-  
 ղուցեալ անձամբս . որ չեմ ապ-  
 րելոց յահագին հրոյն : Մեղայ քեզ  
 Քրիստոս Արդի Աստուծոյ շնոր-  
 հեա զթողութիւն բազում յան-  
 ցանաց իմոց :



ԱՍԱՅԵԱԼ Ս. ՆԵՐՍԷՍԻ ՇՆՈՐՀԱԼԻՈՅ

Աստուած անեղ անհասակայ,  
 Հայր գթութեանց ինձ ողորմեա :  
 Բանդ ի Հօրէ անճառ ծնունդ,  
 Որ մարմնացար ի յիս գթա :  
 Գովեալ հոգիդ սուրբ Աստուծոյ,  
 Որ նորոգողդ ես ողորմեա :  
 Դաւանողիս երրորդութեան,  
 Երրորդութիւն ի յիս գթա :  
 Եւ երկնաւորաց եւ անմահից,  
 Բանիւ ստեղծող ինձ ողորմեա :  
 Զազգըս մարդկան յօրինեցեր,  
 Զեռամբ պատկեր ի յիս գթա :  
 Երանուհւոյ Աստուածածնին,  
 Սուրբ ծննդեամբն ինձ ողորմեա :  
 Ընտրեալ մեծի կարապետին,  
 Մկրտութեամբն ի յիս գթա :  
 Թագաւորացն ընդ քեզ յերկինս,  
 Առաքելոցն ինձ ողորմեա :  
 Ժառանգողացն զկեանս անճառ :  
 աղաչանօքն ի յիս գթա :

ուրաքանչիւր քո սիրողաց,  
 Մաքուր հարցմամբն ինձ ողորմեա :  
 Հուսապսակ քոց վկայիցն,  
 Հեղմամբ յարեանն ի յիս գթա :  
 Խաչակցելոյն ընդ քեզ հոգւով,  
 Պաղատանօքն ինձ ողորմեա :



սէր որդւոց Հայաստանի,  
 Ես նազարէթս Վան Տոսպեցի .  
 Պտուղ հոգւոց Պարսէզ բարի,  
 Արդեամբ իմով սպագրեցի :  
 Սա խունկ անուշ Պարսէզ հոգւոյ,  
 Զմայլին սիրողք ի հոտոյ .  
 Խօսք ի սիրս ընդ Աստուծոյ,  
 Տայ փրկութիւն խօսուն մարդոյ :  
 Մանկսի Հայոց աղօթասէր,  
 Աստուածախօս սրտիւ առ Տէր .  
 Առ զայս ընկալ բոլորանուէր,  
 Այտու լինիս Աստուածասէր :

ՆԱԶԱՐԷԹ Ա. ԱՌԱՆԵՂԵԱՆ  
 ՎԱՆԵՑԻ

Յ Ա Ն Կ

|                            |     |
|----------------------------|-----|
| Առաքեա Տէր զլոյս           | 31  |
| Անկանիսք առաջի քո          | 54  |
| Ասուած յաիսեհակաւն         | 62  |
| Ասուած եւ Տէր կեանք        | 60  |
| Արեգակն արդար              | 242 |
| Առ հայրն Ասուած            | 195 |
| Բարեբանեալ Ասուած երկնաւոր | 225 |
| Ի դէմ սուրբ Պատարագի       | 123 |
| Մկրտայայ վարդապետին        | 211 |
| Նախ քան զՀաղորդութիւնն     | 174 |
| Յէտ հաղորդութեան           | 185 |
| Կիրակէի եւ հասարակ ամուր   | 81  |
| Ս. Շովհաննու քառնեցւոյ     | 169 |
| Սուրբ պատարագին            | 169 |
| Վասն կատարեաց դիւաց        | 217 |

0014998

Մհ. Ժ.

2013

2001

« Ազգային գրադարան



NL0014998

